

Pákén Enjil cha

Lukáay

kalamá

Lukáay Enjilay pajjár

É ketábay nebísókay nám Luká ent. Á baladén dáktaré butag. Luká wat Esráilié nabutag. Cha áiay é ketáb o anchosh ham cha áiay domi ketáb, Kásedáni Kárá, zánaga bit ke Yunáni zobánay zántkárén nebísóké butag.

Lukáay é Enjil pa Tiupilos námén Rumay bádsháhiay kárendahéá nebeshtag. Wati ketábay bongé o shoruhátá, "sharapdárén Tiupilosay" námá gipt, ke á Issáay sará báwarmandé butag o pa wati báwarmandiy mohrter kanagá wáhagdár butag.

Luká, Hodáwandén Issá Masihá sajjahén donyáay rakkénók o yak sarjamén ensánéay shekl o dróshomá pésha dárit. Wati é ketábá cha Issá Masihay mátay lápá kapag o pédá bayagá bongéa kant. Jalilay damagá, Issá Masihay Hodái hezmatkári o padá dém pa Urshalimá áiay sát o saparay sargwastá, pa red o banda gisshénit o kárit. Godhsará, Hodáwandén Issá Masihay mark o padá zendag bayag o gón wati moridán hór bayagá bárawá nebísit.

Bongéj

1 ¹⁻³ Sharapdárén wájah Tiupilos! Anchén sargwast may nyámá^a sarjam butagant ke Enjilay awali hezmatkárán cha bongéjá,^b hamé sargwast gón wati chammán distagant o randá pa má raséntagant. Bázénéá áyáni bárawá nebeshtag o annun man johlánkén patth o pólé kortag o pa wat gehter distag ke áyán pa taw gón sharrén red o bandé nebebisán,^c tán hamá tálim ke taw geptagant, áyáni rástiay bárawá tai báwar mohr o mohkamter bebit.

Yahyáay péda bayagá péshgói

⁵ Yahudiahay damagay bádsháh, Hirudisay zamánagá, Zakariá námén dini péshwáé hastat ke cha Abiáay dini péshwáyáni thóliá at. Áiay jan, cha Hárunay nasl o padréchá at o námi Elizábet at.

⁶ Á, har doén, Hodáay chamm o nezárá nék o pahrézkár atant o Hodáwanday sajjahén hokm o rahbandáni sará pa bémayári zendesha gwázént. ⁷ Bale chokkesh néstat, chiá ke Elizábet santh o béchokk at o doénáni omr ham mazan at.

⁸ Yak randé ke hezmatkáriay bárig pa Zakariáy thóliá kapt o á, Hodáay bárgáhá dini péshwáí kanagá at, ⁹ gón dini péshwáiay rahbandáni randgiriá, Zakariá pálay^c sará gechén kanag but ke á, Hodáwanday mazanén parasteshgáhá berawt o sóchoki dut bedant. ¹⁰ Wahdé Zakariá sóchoki dut dayagá at, é dega sajjahén mardom dhanná dwá kanagá atant.

¹¹ Anágat,^d Hodáwanday préshtagé, bósóchay rástén némagá, Zakariáy démá záher but. ¹² Gón préshtagay gendagá, Zakariá bah mant^e o áiay jesm o jána torsé kapt. ¹³ Bale préshtagá gón áiá gwash: "Oo Zakariá! Mators. Tai dwá mannag but, tai jan Elizábet mardénochokkéay sará chellaga bit o báyad ent taw áiay námá Yahyá bekanay. ¹⁴ Á, pa taw shádehi o wasshia kárit o cha áiay butená bázéné ham shádána bit, ¹⁵ chiá ke á, Hodáwanday chammá mazanén mardomé bit. Nabáyad ent sharab o dega hanósh o bésár kanókén chizán dap per bekant o bwárt. Á, mátay lápá cha Hodáay Pákén Ruhá^f porra bit. ¹⁶ Bázén Bani Esráiliáni delán dém pa Hodáwandá tarrénit, ke áyáni Hodá ent. ¹⁷ Á, gón Elyás nabiay ruh o kodratá, cha Hodáwandá pésara kayt, tánke petáni delán chokkáni némagá betarrénit o namannókán ham pahrézkárani hekmatay némagá chahr bedant, tánke pa Hodáwandá kawmé tayár bekant."

^a1:1-3 Nyámá, bezán myáná, darnyámá, tahá, tóká.

^b1:1-3 Bongéj, bezán bendát, shoru.

^c1:9 Pál, bezán láthari, bay o shartbandi.

^d1:11 Anágat, bezán yak anágat, achának, nágahán.

^e1:12 Bah mánag, bezán sakk hayrán bayag, boh bayag.

^f1:15 Hodáay Pákén Ruh, bezán Ruholkodos.

¹⁸Zakariáyá cha préshtagá jost kort: “Eshiá chón bezánán o báwar bekanán? Man pir án o mani jan ham mazanomr ent.” ¹⁹Préshtagá passaw^g dát: “Man Jebráil án o Hodáy bárgáhá óshtók án. Annun rawán dayag butagán, gón taw habar bekanán o tará é mestágá^h bedayán.” ²⁰É wahdá, nun taw lell o gonga bay o tán á róchá ke é habaráni rásti allama bit, habar korta nakanay. Chiá ke taw, mani é habar ke kawl dáttagén wahdá rást o paddaraⁱ bant báwar nakortant.”

²¹Hame wahdá, mardom dhanná Zakariáy entezár o wadárá atant. Hayrán atant ke á chiá mazanén parasteshgáhá inkadar mahtal butagat. ²²Wahdé Zakariá dhanná dar átk, áiá gón mardomán habar kort nakort. Gorhá zántesh áiá parasteshgáhá elhámé rasetag o shobéné distagi. Chiá ke áiá gón mardomán esháraha kort o habar kanagay wáki néstat.

²³Zakariá cha hezmatkáriay halásia rand, wati lógá per tarret. ²⁴Chizé wahdá rand, áiay jan, Elizábetá chokkéy ométwári but o tán panch máhá, démgir but o cha lógá dara nakapt. ²⁵Áiá gón wat gwasht: “Hodáwandá pa man choshén káré kortag, é róchán wati mehri mani sará gwáréntag o mardománi chammá é kamezzatii cha man dur kortag.”

Issá Masihay péédáeshay péshgói

²⁶⁻²⁷Shashomi máhá, Hodáyá wati préshtag Jebráil, Jalilay damagay shahr Náserahá, Maryam námén neshtagén jenekéay kerrá ráh dát ke áiay sáng gón Issop námén mardéá butagat. Issop, cha Dáuday nasl o padréchá at. ²⁸Préshtag, Maryamay kerrá átk o gwashti: “Gal o shádán bay ke Hodáy nékén wáhagay sáhegá ay o Hodáwand gón taw gón ent.” ²⁹Cha é habaray eshkonagá, Maryam báz paréshán but o delá gwashti: “Bárén, é dhawlén hál o hawál kanagay máná chi ent!?”

³⁰Préshtagá gwasht: “Oo Maryam! Mators, chiá ke Hodáy mehr o rahmat tai hamráh ent. ³¹Nun taw pa chokká ométwára bay o tará mardénchokké bit, ke báyad ent áiay námá Issá bekanay. ³²Á, mazanén mardomé bit o borzén arshay Hodáy Chokk zánaga bit o Hodáwandén Hodá, áiay pet o piroki, bezán Dáuday bádsháhiay tahtá áiá bakshit. ³³Á, Ákubay padréchay sará modám bádsháhia kant o áiay bádsháhi hechbara nakothit.” ³⁴Maryamá cha préshtagá jost kort: “É chón buta kant ke man taningah sur nakortag o janénchokké án!” ³⁵Préshtagá passaw dát: “Hodáy Pákén Ruh tai sará éra kayt o borzén arshay Hodáy zór o kodrat tai sará sáhela bit. Paméshká á, pák o Hodáy Chokk zánaga bit. ³⁶Elizábet ham ke tai syád ent, piránsariá pa mardénchokkéá ométwár ent. Hamá ke gwashtagatesh santh o bérand ent, nun shash máh ent ke lápi porr ent. ³⁷Chiá ke pa Hodáyá, hech káré nabuteni naent.” ³⁸Maryamá gwasht: “Man Hodáwanday móled án, hamé dhawlá ke taw gwashtag, anchosh bát.” Randá préshtag cha áiay kerrá shot.

Maryam Elizábetay gendagá rawt

³⁹Hamá róchán, Maryam eshtápiá sar gept o Yahudiahay kóhestáni hand o damagay shahréá shot. ⁴⁰Ódá Zakariáy lógá shot o Elizábeti hál o hawál kort. ⁴¹Anchosh ke Maryamay tawár Elizábetay góshán kapt, áiay lápá, chokká serr bast o Elizábet cha Pákén Ruhá porr but. ⁴²Gón borzén tawáré gwashti: “Taw, janénáni nyámá bahtáwar ay! Bahtáwar ent hamá chokk ke tai lápá ent. ⁴³Man kay án ke mani Hodáwanday mát mani gendagá byayt? ⁴⁴Wahdé tai tayárjórhiay tawár mani góshán kapt, chokk cha galá lápay tahá sovet. ⁴⁵Bahtáwar ay taw ke báwaret kortag, chiá ke Hodáwanday hamá habar ke gón taw gwashag butagant, sarjama bant.”

Pa Hodáyá Maryamay saná o satá

⁴⁶Maryamá, áiay passawá gwasht:

“Mani sáh o jáñ, Hodáwandá satá o saná kant.

⁴⁷Mani ruh gal o bál ent, ke Hodá mani rakkénók^j ent.

⁴⁸Chiá ke wati móleday nezórii cháretag.

Cha ed o rand, sajjahén nasl o padréch maná bahtáwara zánant.

⁴⁹Chiá ke á Páknámén Zóráká pa man mazanén kár kortag.

⁵⁰Áiay mehr o rahmat, hamá sajjahénáni posht dar poshtá mánit
ke áiay torsesh delá hastent.

^g1:19 Passaw, bezán jwáb.

^h1:19 Mestág, bezán wasshén hál, beshárat.

ⁱ1:20 Paddar, bezán záher, áshkár.

^j1:47 Rakkénók, bezán neját dayók.

⁵¹ Áiá gón wati zórákén báská, mazanén kár o kerd pésh dáshtag o hamá ke wati delá bázén pahreshk^k bastag, áiá sheng o sháng kortagant.

⁵² Áiá, hokmrán cha wati tahtán sarshakun o garib, borz o sarperáz kortagant.

⁵³ Shodig, gón wasshén chizán sérláp o séréni dast hórk o hálig rahádag kortagant.

⁵⁴ Á wati mehr o rahmatáni yát o tránagá kaptag o pa wati hezmatkárén Bani Esráili kawmá mehrabán butag,

⁵⁵ bezán pa Ebráhém o áiay chokk o óbádagán abadi mehrí bakshetag, hamá paymá ke gón may pet o pirokán labzi kortagat.”

⁵⁶ Maryam, say máhay kesásá Elizábetay lógá mant o randá per tarret o wati lógá shot.

Yahyáay pédáesh

⁵⁷ Wahdé Elizábetay máh o róch sarjam butant, áiá mardenchokké but. ⁵⁸ Áiay chellagiay hál ke syád o hamsáhegán sar but o eshkotesh Hodáwandá áiay sará mazanén mehr o rahmaté kortag, gorhá gón áiay wasshiá hór o sharikdár butant.

⁵⁹ Wahdé nonnoká hasht róch but, pa áiay sonnat kanagá átkant. Áyán nonnokay nám petay námay sará, Zakariá per bandagi at. ⁶⁰ Bale nonnokay mátá gwasht: “Na, áiay nám báyad ent Yahyá bebit.” ⁶¹ Mardomán gwasht: “Tai kothom o hándáná, é námén mardom kass nabutag.” ⁶² Gorhá áyán chokkay pet, Zakariá pa eshárah jost kort ke á wati chokká chónén námé pera bandit?

⁶³ Zakariáyá nebisagi dártahstagé lóthet o áiay sará nebeshti: “Chokkay nám Yahyá ent.” Gorhá sajjahén mardom hayrán butant. ⁶⁴ Hamá damáná Zakariáy gongén zobán pach but o habará lagget o Hodáyá satá o sanái bongéj kort. ⁶⁵ Cha é habará, hamsáhegán tors delá kapt o Yahudiahay damagay kóhestagáni sajjahén mardomán é bárawá habara kort. ⁶⁶ Harkasá ke é hál eshkot wati del o hayálá chosh gwashti: “Bárén, é chokk chónén mardomé bit?” Chiá ke Hodáwanday dast gón áiá gón at.

Issáay pédáeshay bárawá Zakariáy péshgoí

⁶⁷ Gorhá, Yahyáay pet Zakariá, cha Pákén Ruhá porr but o péshgoí kort o gwashti:

⁶⁸ ‘Hodáwand, Esráilay Hodáyá satá o saná bát, chiá ke pa wati kawmay madat kanagá átkag o kawmi rakkéntag.¹

⁶⁹ Áiá cha wati hezmatkárén Dáuday lóg o bonjáhá, kánthém^m pa may rakkénagá jórhéntag,

⁷⁰ anchosh ke áiá bázén wahdéá pésar, cha wati pákén nabiáni zobáná kawl dátág.

⁷¹ Áiá, cha may sajjahén dozhmen o badwáhán ke cha má naprata kanant, márá rakkéntag,

⁷² may pet o pirokáni sará mehr o rahmati kortag o wati pákén hamá ahd o karáray yát o tránagi dáshtag.

⁷³ Gón may pet Ebráhémá sawgandi ham kortagat,

⁷⁴ ke márá cha dozhmenáni dastá berakkénit, tánke bé tors o bimmá pa áiá hezmat bekanén o

⁷⁵ áiay chamm o nezará wati sarjamén zendá nélk o pák bebén.

⁷⁶ Taw, oo mani chokk! Borzén arshay Hodáy nabi zánaga bay, chiá ke taw cha Hodáwanday áyagá pésar, áiay ráh o keshká tachk o tayára kanay.

⁷⁷ Taw áiay kawmá é zántá dayay

ke gón áyáni gonáháni pahelliá, Hodá áyána rakkénit.

^k1:51 Pahr, bezán takabor, gorur.

^l1:68 Rakkénag, bezán neját dayag, bacchénag.

^m1:69 É jágahá kánthay máná zór o wák ent.

⁷⁸ Chiá ke may Hodá mehrabán ent o
cha áiay békésásénⁿ rahmatán róch cha borzén arshá,
may zendmáná sara kasshit,
⁷⁹ tán pa áyán ke taháróki o markay sáhegá neshtagant,
rozhnái bebakshit o
márá dém pa sohl o ásudagiay ráhá rahshóni bekant.”

⁸⁰ Á chokk, rodán o mán Pákén Ruhá zórmand bayán at. Cha Bani Esráiliáni nyámá záher bayagá
pésar, gyábánána mant.

Issá Masihay pédaesh

2 ¹ Hamá róchán, Rumay bádsháh Kaysar Águstusá jár jat o hokm kort ke Rumay sarjamén molk^o
mardomshomári kanag bebit. ² É awali mardomshomári at o á wahdá, Kwirinius Suriahay wáli
at. ³ Harkas pa wati námay nebeshtah kanáénagá, wati pet o piroki shahrá shot.

⁴ Issop ham cha Jalilay shahr Náserahá dar kapt o Yahudiahay shahr Bayt-Lahemá shot.
Bayt-Lahem, hamá shahr ent ke bázén wahdé pésará ódá Dáud bádsháh péda butagat. Issop, böhá
cha Dáuday padréchá at, paméshká pa wati námay nebeshtah kanáénagá ódá shot. ⁵ Issopá, wati
deshtár, Maryam ham gón at ke á, pa chokkéá ométwár at.^p

⁶ Hamé wahdá ke á Bayt-Lahemá atant, Maryamay chellag bayagay máh o róch sarjam butant o
⁷ mardénchokkéay sará chellag but ke áiay awali chokk at. Maryamá wati nonnok godéá pétk o
káhdánéay tahá wápént, chiá ke pa áyán mehmánjhá jágah néstat.

Pa shopánkán préshtagáni mestág

⁸ Hamá hand o damagá, lahtén shopánk hastat ke shapá gyábáná wati ramagesh negahpánia
kort. ⁹ Á shapá, anágat Hodáwanday préshtagé áyáni démá átk o chárén némagán Hodáwanday
mazaniay shahm o rozhnái drapshán but. Cha eshiá, áyán sakk torset. ¹⁰ Bale préshtagá gwasht:
“Matorsét, maná mestágé gón ent ke pa shomá bázén wasshié kárit o pa sajjahén kawmá wasshén
mestágé. ¹¹ Á esh ent ke Dáuday shahr Bayt-Lahemá maróchi pa shomá rakkénóké péda butag ke á,
Hodáwandén Masih^q ent. ¹² Eshiay pajjáh áragay nesháni esh ent ke shomá káhdánéay tahá, mán
godéá pétkagén nonnoké gendét.”

¹³ Anágat, cha ásmáni préshtagáni lashkará rombé á préshtagay kerrá átk o Hodáesh sepat o saná
kort;

¹⁴ “Shán o shawkat borzén arshay Hodáyá bát o
zeminay sará sohl o ásudagi
pa hamá mardomán bát
ke Hodá cha áyán wassh o washnód ent.”

¹⁵ Wahdé préshtag per tarret o ásmáná shotant, shopánkán watmánwatá shawr kort o gwashtesh:
“Byáét Bayt-Lahemá berawén o hamé sargwast ke ódá butag o Hodáwandá márá hál dátág, wat
begendén.” ¹⁶ Gorhá á, pa eshtápi sar gept o hamódá shotant, Issop o Maryamesh dar gétkant o
nonnokesh káhdánay tahá dist. ¹⁷ Nonnokay gendagá rand, shopánkán é chokkay bárawá harché ke
cha préshtagán eshkotagat, mardom sahig kortant. ¹⁸ Á mardomán ke shopánkáni habar eshkot,
hayrán o habakkah mantant. ¹⁹ Bale Maryamá é sajjahén habar, wati delá dáshtant o esháni sará
báz pegr o hayáli kort. ²⁰ Shopánkán, harché ke eshkotag o distagat, pa áyán Hodáyá sepat o saná
kanán per tarretant, chiá ke é sajjahén hamá dhawlá atant ke gón áyán gwashag butagat.

Mazanén parasteshgáhá Issáay árag

²¹ Hashtomi róchá, wahdé nonnokay sonnat kanagay wahd átk, áiay námesh Issá per bast, hamá
nám ke mátay lápá kapagá pésar, préshtagá per kortagat.

²² Wahdé mát o chokkay chellagshódiay wahd halás but, Mussáay Sharyatay randgiriá, Issop
o Maryamá Issá Urshalimay mazanén parasteshgáhá áwort tánke áiá Hodáwanday sepordah
bekantan, ²³ anchosh ke Hodáwanday Sharyata gwashit: *Awali har mardénchokk báyad ent pa*

ⁿ1:78 Békesás, bezán sakk báz, béandázah, béhesáb.

^o2:1 Asligén Yunáni nebeshtánka gwashit: “sajjahén jahán”.

^p2:5 Hamá dhawlá ke péshi bárhá gwashag butag, Maryamay ométwáriay é chokk Hodá bakshetagén chokké at.

^q2:11 Masih, bezán Hodáy hamá gechén kortagén bádsháh.

mordagáni nyámá jáh bejant o ⁴⁷ áiay námay sará, pashómán bayag o gonáháni pahelli báyad pa
sajjahén kawmán jár janag bebit. É káray bongéj cha Urshalimá bit. ⁴⁸ Shomá é kár o habarání
gwáh o sháhed ét. ⁴⁹ Man wati Petay wádah dátágén Pákén Ruhá pa shomá rawána dayán, nun
shomá shahrá bemánét, tán hamá wahdá ke cha borzá shomára wák o kodrat berasit.”

Issá ásmáná rawt

(Markás 16:19; Kásedáni Kár 1:9)

⁵⁰ Randá, Issáyá morid tán Bayt-Anyáay nazziká bortant o dast borz kort o pa áyán nékén dwái
lóthet o barkat dátant. ⁵¹ Hamá wahdá ke dwá kanag o barkat dayagá at, cha áyán gisshet o ásmáná
barag but. ⁵² Moridán Issá parastesh kort o gón bázén gal o wasshié Urshalimá per tarretant.
⁵³ Modám mazanén parasteshgáhá mantant o Hodáyá satá kanán atant.

Emáusay rahašará

(Markás 16:12–13)

¹³ Hamá róchá, cha áyán do morid, dém pa Emáus námén métageá rawagá at ke cha Urshalimá kesás yázdah kilumitar dur at.^j ¹⁴ Á, ráhá gón yakdegará hamé butagén harbar o háláni bárawá gapp o trán kanagá atant. ¹⁵ Hamé wahdá ke gapp o habará atant, anágat Issá wat áyáni kerrá átk o gón áyán hór o hamráh but. ¹⁶ Bale pajjáhesh nayáwort, chiá ke áyáni chamm pardahéá póshtagatant.

¹⁷ Issáyá jost kort: "Shomá wati ráhá, chónón sarháláni bárawá gapp o trán kanagá ét." Á gón gammánkén chehragé óshtáttan. ¹⁸ Gorhá cha áyán yakkéá ke námi Kliupás at, passaw dát: "Urshalimá darámadén mardom yakkén taw ay, cha é sarháláni ke hamé róchán ódá butagant sahig naay?" ¹⁹ Josti kort: "Cha kojám sarhálán?" Gwashtesh: "Hamá ke Issá Náseriy sará átkant. Á, paygambaré at ke áyay kár o habarán, Hodáy bárgáh o mardománi gwará, bázén zór o kodraté mán at. ²⁰ Bale may mazanén dini péshwá o kawmay sarókán darkawmáni dastá dát ke pa áia kóshay hokmá bedayant o randá áyán salib kasshet. ²¹ Márá omét at, á hamá bit ke Esráilá rakkénit. Nun gapp esh ent ke é habarán say róch gwastag. ²² Cha may hamráhén janénán, lahténáni habarán ham márá hayratéá perréntag. Á maróchi bámgwáhá kabray sará shotagant, ²³ bale áyay jónesh nadistag. Gorhá átkant o márá hálesh dát ke áyán pa elhám o shobén préshtag distagant ke gwashtagesh: 'Issá zendag ent.' ²⁴ Cha may mardomán ham lahtén kabray sará shotag o áyán ham anchosh ke janénán gwashtag hamá dhawlá distag, bale áyáni chamm pa wájahay jendá nakaptag."

²⁵ Issáyá gón áyán gwasht: "Oo násarpadán! Pa nabiáni sajjahén habarání báwar kanagá shomay del kór ent. ²⁶ Masihá pa wati shán o shawkatay rasagá, é sakki o sóri saggagi naatant?" ²⁷ Randá Issáyá wati bárawá, Mussá o sajjahén nabiáni Pákén Ketábáni tahá, harché ke nebisag butagat, á sarpad kortant.

²⁸ Anchosh ke hamá métagay nazziká átk o rasetant ke ódá rawagi atant, Issáyá é dábá pésh dásht ke áiá durter rawagi ent. ²⁹ Ayán dazbandi kort: "Shapá gón má bejall chiá ke róch shotag o shap áyagi ent." Gorhá, Issá ham shot tán gón áyán bemánit.

³⁰ Hamá wahdá ke Issá gón áyán pa waragá nesht, náni zort, Hodáy shogri gept, náni chondh chondh kort o áyáni dastá dát. ³¹ Nun áyáni chamm pach butant o Issáesh pajjáh áwort bale hamá damáná cha áyáni chammá chér o andém but. ³² Gorhá cha yakdomiá jostesh kort: "Ráhá wahdé á gón má trán kanagá at o márá Pákén Ketábáni habarán sarpad kanagá at, may del janag o drik drik kanagá naat?"

³³ Gorhá, hamá damáná pád átk o Urshalimá per tarrent. Ódá, áyán yázdahén kásed o á dega morid yakjáh distant, ³⁴ ke gwashagá atant: "É rást ent ke Hodáwandá jáh jatag o pa Shamuná záher butag!" ³⁵ Gorhá é doénán wati ráhay sargwast gón áyán gwasht ke Issáesh che paymá nánay chondh kanagay wahdá pajjáh áwortag.

Issá pa moridán paddara bit

(Markás 16:14; Yuhanná 20:19–23)

³⁶ Tningah á hamé habarán atant ke Issá wat átk o áyáni nyámá óshtát o gwashti: "Drud o drahbát^k pa shomá!" ³⁷ Áyán torset o hayrán o habakkah butant o gománesh kort balkén ruhé gendagá ant. ³⁸ Bale Issáyá gwasht: "Pa ché shomára inchoka torsit o hayrán o habakkah mantagét o chiá shomay delá shakk pád átkag?" ³⁹ Dast o pádánon begendét, é mani jend ent. Maná dast janét bechárét, arwáhá haddh o gósh pera nabit, bale shomá gendagá ét ke maná haddh o gósh per ent."

⁴⁰ É habaray gwashagá rand, wati dast o pádi pésh dáshtant. ⁴¹ Á, cha shádmániá hayrán o habakkah butant o báwaresh nakort. Gorhá, josti kort: "Gón shomá pa waragá edá chizé hast?" ⁴² Chondhé patkagén máhigesh dát, ⁴³ Issáyá zort o áyáni dém pa démá wárt. ⁴⁴ Gorhá gwashti: "É mani hamá habar ant ke man gón shomá á wahdá kortagant ke angat gón shomá butagán. Mani bárawá, har habaré ke Mussáay Sharyat, Zabur o Nabiáni Ketábáni nebeshtah ent, á zalur báyad ent hamá dhawlá sarjam bebant."

⁴⁵ Randá, áyáni zánt o zánagi rozhnág kort tánke Pákén Ketábáni máná o maksadá sarpad bebant. ⁴⁶ Gwashti: "Nebisag butag ke Masih báyad ent sakki besaggít, sáh bedant o saymi róchá, cha

^j24:13 Asligén Yunáni nebeshtánka gwashit: "shast stádiá".^k24:36 Drud o drahbát, bezán salám o alayk.

Hodáwandá nadrigé hesáb kanag bebit.^r ²⁴ Pa korbánig kanagá ham átkant, tán hamá dhawlá ke Hodáwanday Sharyata gwashit, "jopte shántol^s yá do kasánén kapót" hayrát bekanant.

²⁵ Hamá wahdá Urshalimay shahrá, Shamun námén mardé hastat ke pahrézkár o Hodádósté at o Bani Esráiliáni rakkénókay rahchár at o Hodáy Pákén Ruh, gón áia gón at. ²⁶ Pákén Ruhá mestág dáttagat, tán wahdé ke Hodáwanday Masihá magendit, á namerit. ²⁷ Cha Pákén Ruhay elhám o shobénagá, mazanén parasteshgáhay péshjáhá átkagat. Nun wahdé Issáy pet o mátá Sharyatay ráh o rahbandáni sarjam kanagá Issá Pákén Lógá áwortagat, ²⁸ Shamuná Issá zort, dastáni delá dásht, Hodá saná o satá kort o gwasht.

²⁹ "Oo zórakén Hodáwand! Nun maná, wati é hezmatkárá, anchosh ke taw wat labz dáttag, cha é jahána pa wasshi o salámati chest kan o wati gwará bebar,

³⁰ chiá ke man gón wati chammán cha tai némagá é neját o rakkénag distag

³¹ ke taw sajjahén kawmáni démá paddar kort.

³² Á pa dega kawmán Hodáy bárawá sarpad kanókén rozhné bit o pa tai Bani Esráili kawmá pahr o sháné."

³³ Wahdé Issáy pet o mátá áyay bárawá Shamunay é habar eshkotant, hayrán butant. ³⁴ Shamuná pa áyán nékén dwá kort o gón chokkaymát, Maryamá gwashti: "Hodáyá é chokk, pa bázén Bani Esráiliáni rakkénag o bázénéy gár o bégwáh kanagá ráh dáttag. É chokk neshánié bit, bale bázéné áiá namannit. ³⁵ Hamé paymá á, bázénéy deláni rázán páshka kant. Oo Maryam! Taw wati zendá mazanén gam o andóhé genday ke á gam, zahmay dhawlá tai delá kappa kant."

³⁶ Hamódá, Ásheray kabilahay yak janéné hastat ke nabié at. Áyay nám Hanná at o áyay Petay nám Panuil at. Omri mazan at. Sur kanagá rand, hapt sáli gón wati lógwájáhá gwázéntagat, ³⁷ bale randá janázám but. Nun áyay omr hashtád o chár sál at o áia cha mazanén parasteshgáhá dhann, pád éra nakort. Shap o róch, Hodáyá saná o satá kanán, wati wahd pa dwá o róchaga gwázént.

³⁸ Á ham, hamá sáhatá áyáni kerrá átk, Hodáy shogri gept o gón hamá sajjahén mardomán ke Urshalimay rakkénagay rahchár atant, gwasht: "É chokk hamá rakkénók ent."

³⁹ Wahdé Issáy pet o mátá Hodáwanday Sharyatay sajjahén ráh o rahband purah kortant, gorhá per tarret o Jalilá, wati shahr Náserahá átkant. ⁴⁰ Á chokk, rodán o zórmánd bayán at. Cha zánt o zánagá sarréch at o Hodáy rahmati gón at.

Kasánén Issá mazanén parasteshgáhá

⁴¹ Issáy pet o mát, Issop o Maryam, har sál Sargwazay aidá,^u Urshalimá shotant. ⁴² Wahdé Issáyá dwázdhá sál but, wati hélo ádatay padá, aidá Urshalimá shotant. ⁴³ Aiday róch ke halás butant, per tarragay wahdá, kasánén Issáyá mót o pet sahig naatant o á Urshalimá mant. ⁴⁴ Awali róchá, áyán wati delá pegr kort balkén gón kárwáná gón ent, paméshká yak róchéay menzelá démá shotant. Randá, áyay shoházá dar kaptant o cha wati syád o pajjárókán áyay jostesh gept. ⁴⁵ Bale Issáyá nagendagá per tarret o pa áyay shoházá, Urshalimá shotant.

⁴⁶ Saymi róchá, áyán Issá mazanén parasteshgáhay péshjáhá dar gétk ke ódá á, Sharyatay zánógeráni^v nyámá neshtagat, áyáni habarán gósh dáragá at o cha áyán jost o pors kanagá at.

⁴⁷ Sajjahén eshkonók cha áyay hóshmandi o passawán hayrán atant. ⁴⁸ Wahdé Issop o Maryamá á dist, hayrán butant. Mátá gón áia gwasht: "Oo mani chokk! Taw chiá gón má chosh kort? Man o tai pet gón parésháni tai shoházá butagén." ⁴⁹ Issáyá passaw dát: "Shomá chiá mani shoházá butagé? Záná, nazántagó ke man báyad ent wati Petay lógrábebán?"^w ⁵⁰ Bale á Issáy é habarán sarpad nabutant.

⁵¹ Issá gón áyán padá Náserahá shot o áyáni sajjahén habari gept o mannetant. Áyay mátá é sajjahén habar, wati delá dáshtant. ⁵² Issá rodán o cha zánt o zánagá sarréch bayán at o Hodá o mardomán róch pa róch dósterá but.

^r2:23 Dargwaz, bahr 13, band 2, 12.^s2:24 Shántol, bezán shátórén morg.^t2:27 Péshjáh, bezán péshgáh, lógray chárdiwál, sahn.^u2:41 É aidá Sargwazay aid paméshká gwashant ke, cha Mesriáni chérdastiá Yahudiáni ázátiy wahdá, markay préshtag cha Yahudi chokkání koshágá sar gwast.^v2:46 Sharyatay zánóger, bezán dini álem o Sharyatay zántkár.^w2:49 Yá: wati Petay káráni randá bebán.

Pákshódókén Yahyáay kolaw

(Mattá 3:1–12; Markás 1:1–8; Yuhanná 1:19–28)

3 ¹Rumay bádsháh, Tiberius Kaysaray bádsháhiay pánz dahomi sál at. Hamá róchán, Pontius Pilátus, Yahudiahay wáli at. Hirudis, Jalilay hákem at. Hirudisay brát Pilipos, Eturiah o Tráhunitisay hákem at o Lisániás, Áibiliñay hákem at. ²Hanná o Kiápá, á wahday masterén dini péshwá atant. Hamá róchán, Hodáay kolaw gyábáná Zakariáay bacch, Yahyáay sará átk. ³Yahyá, Ordonay kawray doén pahnátán har jágha shot o Hodáay kolawi pa mardomána rasént o gwashti: "Cha wati gonáhán pashómán bebét^x o pákshódi bekánét ke bakshaga bét." ⁴Anchosh ke é bárawá Eshayá Nabiay Ketábá nebeshtah ent:

Gyábáná, kasé gwánka^y jant:

"Hodáwanday ráhá tayár o
átiay keshká rást o tachk bekánét.

⁵Sajjahén kandh o darag^z porr kanaga bant o
sajjahén kóh o jomp jahl áraga bant.

Chapp o chóthér ráh tachk kanaga bant o
sajjahén sarkap o érkap hamdap o hamlasun kanaga bant.

⁶Jahánay sajjahén mardom cha Hodáay némagá
rakkénag o rastgária gendant."^a

⁷Wahdé mardom pa pákshódi kanagá átk o mocch butant, Yahyáay gón áyán gwashti: "Oo syahmárzádagán! Kayá shomárá dháh^b dátág o gwashtag ke cha Hodáay áyókén kahr o gazabá rakketa kanét?!" ⁸Anchén kár bekánét cha áyán paddar bebit ke shomá pa del cha wati gonáhán pashómán butagett. Wati delá pahr mabandét ke: 'Má Ebráhémay násl o óbádag én.' Man shomárá gwashná ke Hodá cha é seng o dhókán ham, pa Ebráhémá chokk o óbádag pédá korta kant. ⁹Nun tapar tayár ent drachkán cha boná begoddhit o har drachké ke sharrén bara nayárit, goddhag o ásá dawr dayaga bit."^c ¹⁰Mardomán jost kort: "Gorhá má ché bekánén?" ¹¹Áiá passaw dát: "Agan kasédo do jámag hast, yakkéá hamá kasá bedant ke áiá hecch nést o agan kaséay kerrá ward o warák hast, áyán ham bahr bekant."

¹²Song^d o máliágtir ham pa pákshódiá Yahyáay kerrá átkant. Jostesh kort: "Oo ostád! Má ché bekánén?" ¹³Gorhá áiá gwashti: "Cha gisshéntagén kesásá géshter magerét." ¹⁴Sepáhígán ham cha áiá jost gept: "Má ché bekánén?" Passawi dát: "Pa zór cha kaséa zarr magerét o kaséay sará drögén tohmat majanét. Wati mozzay sará gozarán bekánét."

¹⁵Mardom, Hodáay wádah dátágén rakkénókay entezár o wadárá atant, paméshká hayálesha kort ke balkén Yahyá hamá Masih ent? ¹⁶Bale Yahyáay á sajjahén passaw dátant o gwashti: "Man shomárá tahná gón ápá pákshódia dayán, bale yak anchén kasé áyagi ent ke á cha man zórákter ent o man áiay kawshbandáni bójagay láhek ham naán. Á shomárá gón Hodáay Pákén Ruh o ásá pákshódia dant. ¹⁷Áiá cha bucch o pogán dánay jetá kanag o gisshénagá, hanshóné^e dastá ent. Jóháná^f pák o sallaha kant o dánán ambárá éra kant, bale pog o palárán anchosha sóchit ke ásesh hechbara namerit." ¹⁸Yahyáay, mardom dega bázén sar o sój o delbaddhi^g ham dátant o wasshén mestág, dayán kort.

¹⁹Bale wahdé Yahyáay, Jalilay bádsháh Hirudis pa é háterá sakk mayárig kort ke áiá gón wati brátyay jan Hirudiáyá, náráhén nazziki hastat o dega bázén radén kári ham kortagat,^h ²⁰Hirudisay wati gandahén kár gésh kort o Yahyái gept o bandig kanáént.

^x3:3 Pashómán bayag, bezán tawbah kanag.

^y3:4 Gwánka, bezán borzén tawár.

^z3:5 Darag, bezán wádi, gwatr.

^a3:6 Eshayá Nabiay Ketáb 40:3–5; 52:10.

^b3:7 Dháh, bezán hoshdár, wárning.

^c3:9 Hamé paymá Hodá mardománi sellén kárání sezá o padmozzay dayagá tayár ent.

^d3:12 Song, bezán máliájt, thayks.

^e3:17 Hanshón, bezán dáré ke pa dán o pogáni jetá kanagá kármarza bit.

^f3:17 Jóhán, bezán kesháráni mocch kanagay jágha.

^g3:18 Delbaddhi, bezán tasallá, ométwári.

^h3:19 Sharyatá jáez naent ke kasé gón wati zendagén brátyay janá ság o sur bekant (bechár Láwián 18:16).

³⁹Cha doén radkárán ke salibá dratkagatant, yakkéá dozhmán dayáná gwashti: "Taw Masih naay? Gorhá, byá watá o márá berakkén!" ⁴⁰Bale domi radkárá á hakkal kort o gwashti: "Záná, tará cha Hodáyá natorsit? Tará ham hamé sezá raságá ent." ⁴¹May sezá barhakk ent, chiá ke may kortagén kárání ásar ent. Bale é mardá hech mayáré nakortag." ⁴²Gorhá gwashti: "Oo Issá! Wahdé taw wati bádsháhiá sar butay, mani hayálá ham bekap." ⁴³Issáyá passaw dát: "Tará rásténa gwashán ke taw maróchi mani hamráhiá, beheshtá raway."

Issáyay mark

(Mattá 27:45–56; Markás 15:33–41; Yuhanná 19:28–30)

⁴⁴Némróchay wahd at.^f Anágat sajjahén molk tahár but o é taháróki tán bégáhá mant.^g ⁴⁵Chiá ke róchay drapshag band butagat o mazanén parasteshgáhay pardah cha nyámá dert o do ném but.

⁴⁶Issáyá borzén tawáráé chihál kasshet o gwashti: "Oo Pet! Man wati ruh o sáhá tai dastá dayán."^h Gón hamé habará, sahí dát.

⁴⁷Pawjiáni yak apsaréá é nedárag dist, Hodáí satá kort o gwashti: "Béshakk ke é nékén mardé at."

⁴⁸Á dega sajjahén mardom ke pa saylá átkagatant, gón é nedáragay gendagá sar o sénag janán o mótk kanáná wati lógán per tarretant. ⁴⁹Hamá mardom ke Issáyay pajjárók atant o hamá janén ke cha Jalilá áiay hamráhiá átkagatant, dur o gestáh óshtátagatant o é sajjahén sargwastesh distant.

Issáyay kabr kanag

(Mattá 27:57–61; Markás 15:42–47; Yuhanná 19:38–42)

⁵⁰Hamódá, Issop námén mardé ham gón at ke tachk o pahrézkárén mardé at. Belli ke sarókáni diwánay báské at,ⁱ bale pa Issáy mayárig kanagá gón áyáni shawr o habarán hamdel naat. Á, Yahudiáni shahr Arimátiáay mardomé at o Hodáay bádsháhiay rahchár o wadárig at. ⁵²Pilátusay kerrá shot o cha áiá Issáy jónay baragay ejázati lóthet. ⁵³Issáy jóni cha salibay sará ér gétk, godéh tahá kapon kort o taláray tráshtagén kabréá ér kort ke pésará ódá hechkas kall kanag nabutagat. ⁵⁴Á róch, tayáriay róch at o Shabbat bongéj bayagi at.

⁵⁵Hamá janén ke cha Jalilá, Issáy hamráhiá átkagatant, Issopay randá rawán butant o hamá kabresh dist. Áyán é ham dist ke Issáy jón che paymá kabrá ér dayag but. ⁵⁶Randá, wati lógán átkant o washbóén atr o rógenesh tayár kort. Shabbatay róchá, Sharyatay rahbanday sará, áyán árám kort.

Issáyay jáh janag

(Mattá 28:1–8; Markás 16:1–8; Yuhanná 20:1–8)

24 ¹Haptagay awali róchá, bezán Yakshambehay gwarbámá,^j janénán hamá washbóén rógen o atr ke tayár kortagatant, zortant o kabray sará shotant,² bale distesh hamá dhók ke kabray dapá at léth geptag o cha wati jághá thagaletag. ³Wahdé kabray tahá shotant, Hodáwandén Issáy jónesh nadist. ⁴Hayránt atant o nazántesh ché bekánant ke anágat do mard, gón drapshókén god o pocchán áyáni kashá óshtát. ⁵Janénán, cha torsá wati sar jahl kort, bale á doénán gwashti: "Shomá chiá á zendagéná, mordagání nyámá shóháza kanét?" ⁶Á, edá naent, áiá jáh jatag. Yát kanét, á wahdi ke angat gón shomá Jalilá at, ché gwashti? ⁷Shomárá nagwashti ke: 'Ensánay Chokk báyad ent gonahkáráni dastá dayag bebit, báyad ent salib kasshang bebit o saymi róchá padá zendag bebit o jáh bejant?" ⁸Gorhá, á janén Issáy é habaray yát o tráragá kaptant.

⁹Cha kabray sará ke per tarretant, é sajjahén hál o habaresh gón yázdahén kásed o á degarán gwashtant. ¹⁰Á ke é habaresh pa kásedán rasént, Maryam Majdaliah, Yuánná, Ákubay mát Maryam o áyáni á dega hamráhén janén atant. ¹¹Kásedán, janénáni habar bé sar o bonén habar zánt o báwaresh nakortant. ¹²Bale Petros pád átk o pa drekké kabray némagá shot, sari jahl kort o kabray tahá cháreti, bale cha patátagén godán o abéd, dega hecchi nadist. Gorhá cha wati distagénán, hayránt o habakkah but o lógá per tarret.

^f23:44 Asligén Yunáni nebeshtánka gwashit: "shashomi sáhat". Yahudiáni róchay hesáb, sáhat sohbay shashá bongéja but.

^g23:44 Asligén Yunáni nebeshtánka gwashit: "shashomi sáhatá beger tán nohomi sáhatá", bezán maróchigén sáhatánha hesábá, dwázdahá beger tán sayá.

^h23:46 Bechár: Zabur 31:5.

ⁱ24:1 Gwarbám, bezán róthekk, róchay dar áyagay wahd.

begendit. ⁹ Gorhá, cha Issáyá bázén jost o porsé korti, bale Issáyá hech passawé nadát. ¹⁰ Mazanén dini péshwá o Sharyatay zánóger ke hamódá óshtátagatant, Issáy sará bázén tohmat o bohtám janagá atant. ¹¹ Hirudisá ham gón wati sepáhigán hórigá, Issáy bázén tohmat o bohtám janagá atant. ¹² Cha hamá róchá, Hirudis o Pilátus, bél o sangat butant. Pésará, á watmánwat dozhmen atant.

Issáy markay hokm

(Mattá 27:15–26; Markás 15:6–15; Yuhanná 18:39—19:16)

¹³ Pilátusá, mazanén dini péshwá, Yahudiáni kamásh o mahluk lóthetant o ¹⁴ gwashti: "Shomá, é mard mani gwará áwortag o tohmat o bohtám jatag ke mardomán gomráh o yágia kant. Bale cha á jostán ke man shomay démá kortagant, áiyay sará shomay jatagén bohtámán hech rástié nadiston. ¹⁵ Hirudisá ham mayáré nadistag, paméshká padá may gwará ráhi dáttag. É mardá choshén hech gonáh o mayáré nakortag ke sezái mark bebit. ¹⁶ Gorhá, man áiyay adaba dayán^a o yalahá kanán." ¹⁷b¹⁸ Bale sajjahén mardomán kukkan kort o gwasht: "Issáyá bekosh! Bárábásá yalahá beday!"

¹⁹ Bárábásá, Urshalimay shahrá, áshóp o hón kanagay mayáray sará, bandig kanag butagat.

²⁰ Pilátus, Issáy yalah dayagá delmánag at, Paméshká dega yak randé áiyay bárawá gón mardomán habari kort. ²¹ Bale mardom sakk kukkan kanagá atant o gwashtesh: "Salibi kassh! Salibi kassh!"

²² Pilátusá, saymi randá cha áyán jost kort: "Chiá bárén? É mardá che badén káré kortag? Man pa eshiá hech choshén mayáré nagendán ke kóshay hokmá bedayán, paméshká adabia dayán o yalahia kanán." ²³ Bale mardom gón kukkan wati habaray sará óshtátagant o gwashtesh: "Salibi kassh!" Néth,^c áyání wáhag o kukkan pa sar raset. ²⁴ Pilátusá áyání wáhagay sará hokm dát. ²⁵ É dhawlá, áiyay hamá mard ke pa áshóp pád kanag o hónay bohtámá bandig at o mardomán áiyay yalah dayaga lóthet, ázát kort o áyání wáhagay sará, pa Issáy kóshá hokm dát.

Issá dém pa salibá

(Mattá 27:32–44; Markás 15:21–32; Yuhanná 19:17–24)

²⁶ Wahdé Issáyá baragá atant, Shamun námén mardé distesh ke Kerinay shahray mardomé at o dém pa shahrá pédák at. Sepáhigán á mard gept, salib áiyay baddhá dát o hojesh kert ke Issáy randá berawt. ²⁷ Issáy randá, bázén mardomé rawagá at o gón áyán rombé janén ham gón at ke pa Issáygi gréwan o mótk kanán atant. ²⁸ Issáyá chakk tarrént, áyání némagá cháret o gwashti: "Oo Urshalimay jenekán! Pa man magréwét, pa wat o wati chokkán begréwét. ²⁹ Yak anchén wahdé kayt ke gwashant: 'Bahtáwar ant á janén ke santh o bérand ant, hamá janén ke chokkesh nabutag o cha wati sénagán chokkesh naméchéntag.' ³⁰ Hamá wahdá, mardom kóhán tawára kanant: 'Byáét may sará bekapéti' o jompána gwashant: 'Márá panáh dayét.' ³¹ Wahdé á gón sabzagén drachká chosha kanant, gorhá gón hoshkéná ché nakanant?"

³² Áyán, do radkárén mardom áwort ke gón Issáyá hór, koshagi atant. ³³ Wahdé hamá "Kámpól" námén jágahá rasetant, áyán Issá salibay sará dratk. Áiyay rástén némagá yak radkáré salib kasshet o chappén némagá domi radkár. ³⁴ Issáyá gwasht: "Oo Pet! Áyán pahell kan, chiá ke nazánant ché kanagá ant." Gorhá sepáhigán Issáy pocch o póság kasshetant o pa áyání bahr kanagá pál jatesh ke bárén kayá rasant.

³⁵ Mardom pa sayl o nedáragád óshtátagatant o sarókáni diwánay básk^e rishkand kanáná, gwashagá atant ke: "Eshiá, á dega rakkéntant, bale agan Masih ent o Hodáy hamá gechén kortagén, nun gorhá watá berakkén."

³⁶ Sepáhig ham áiyay nazziká shotant o kalághesh gept, tropshén sharábesh cháshént o gwashtesh: ³⁷ "Agan taw Yahudiáni bádsháh ay, gorhá watá berakkén." ³⁸ Issáy saray borzádiá é dhawlén mayárnámagé ham lónj kortagat ke: "É Yahudiáni bádsháh ent."

^a23:16 Edá adab dayagay máná shallák o hayzarán janag ent.

^b23:17 Lahtén daznebeshtá é band nést, bale lahténá chó átkag: Pilátusá har Sargwazay aidá, cha wati bandigán yakké, allamá ázát kanagi at.

^c23:23 Néth, bezán godhsará, áherá.

^d23:35 Nedárag, bezán sayl, tamáshá.

^e23:35 Básk, bezán ozw, membar.

Issáy pákshódi

(Mattá 3:13–17; Markás 1:9–11)

²¹ Wahdé Yahyá bázén mardomán pákshódi dayagá at, áiyay Issá ham pákshódi dát. Wahdé Issá dwá kanagá at, hamá wahdá ásmánay dap pach but o ²²Pákén Ruh, kapótéay dróshomái áiyay sará ér nesht o cha ásmáná tawáre átk ke: "Taw mani dóstén Bacch ay, man cha taw báz wassh o razá án."

Issáy béh o bonyád

(Mattá 1:1–17)

²³ Issáyá kamm o gésh si sál at ke wati kári bongéj kort. Mardománi hayál at ke Issá Issopay chokk ent. Issop Hálíay chokk ent o cha Hálíá rand: ²⁴ Mattát, Mattáté Láwi, Láwie Malki, Malkie Yanná, Yannáe Issop, ²⁵ Issope Mattátiá, Mattátiáe Ámus, Ámuse Náhum, Náhume Hasli, Haslie Najjáy, ²⁶ Najjáye Mahat, Mahate Mattátiá, Mattátiáe Shemi, Shemie Issop, Issope Yahudá, ²⁷ Yahudáe Yuhanán, Yuhanáne Risá, Risáe Zerubábel, Zerubábele Shiátiál, Shiátiále Niri, ²⁸ Nirie Malki, Malkie Addi, Addie Kusám, Kusáme Elmudám, Elmudáme Ér, ²⁹ Ére Yushah, Yushahe Elyázar, Elyázare Yurim, Yurime Mattát, Mattáté Láwi, ³⁰ Láwie Shamun, Shamune Yahudá, Yahudáe Issop, Issope Yunán, Yunáne Elyákim, ³¹ Elyákime Maliá, Maliáe Minán, Mináne Mattátá, Mattátáe Nátán, Nátáne Dáud, ³² Dáude Yassi, Yassie Óbayd, Óbayde Buáz, Buáze Salmun, Salmune Nahshun, ³³ Nahshune Aminádáb, Aminádábe Aram, Arame Hesrun, Hesruné Páres, Párese Yahudá, ³⁴ Yahudáe Ákub, Ákube Eshák, Esháke Ebráhém, Ebráhéme Tárah, Tárahe Náhur, ³⁵ Náhure Soruj, Soruje Rau, Raue Pálaj, Pálaje Ábér, Ábéré Shálah, ³⁶ Shálahé Kaynán, Kaynáne Arpakshád, Arpaksháde Sám, Sáme Nuh, Nuhe Lámak, ³⁷ Lámake Matushálah, Matushálahe Hannuh, Hannuhe Yáred, Yárede Mahalálil, Mahalálile Kaynán, ³⁸ Kaynáne Anush, Anushe Shays, Shayse Ádam, o Ádam cha Hodáy némagá ent.

Shaytán Issáyá chakkásit

(Mattá 4:1–11; Markás 1:12–13)

⁴ ¹ Issá, Hodáy Pákén Ruhá sarréch, cha Ordonay kawrá per tarret o Pákén Ruh, gyábáná áiyay rahshón at. ² Ódá Shaytáná Issá tán chel róchá chakkásit. ^j Áróchán áiyay hech waráké nawárt. Wahdé á róch halás butant shodig but. ³ Shaytáná gwasht: "Agan taw Hodáy Chokk ay, gorhá é sengá begwash nagané bebit." ⁴ Issáyá passaw dát: "Pákén Ketábá nebisag butag ke mardom tahná pa nán zendaga nabit."^k

⁵ Gorhá Shaytáná á, yak borzén jágahéá bort o pa yak damáné donyáay sajjahén bádsháhi pésh dáshtant o ⁶ gwashti: "Man esháni sajjahén was o wák o shawkatá tará dayán, chiá ke é mani dastá kaptagant o man harkasá belóthán, dayánesh. ⁷ Paméshká, agan taw maná parastesh bekanay, é sajjahén taiga bant." ⁸ Issáyá passaw dát: "Pákén Ketábá nebisag butag: wati Hodáwandén Hodáyá parastesh bekan o tahná hamdiáy hezmatá bekan."^l

⁹ Randá, Shaytáná Issá Urshalimá bort, mazanén parasteshgáhay diwálay borzterén jágahá óshtárent o gwashti: "Agan taw Hodáy Chokk ay gorhá watá cha edá jahlád dawr beday." ¹⁰ Chiá ke Pákén Ketábá nebisag butag:

Hodá pa tai negahpánia wati préshtagán hokma kant^m o

¹¹ á, tará wati dastáni delá dárant
tán tai pád dhókéá malaggít.ⁿ

¹² Issáyá passaw dát: "Pákén Ketáb chosh ham gwasht: Wati Hodáwandén Hodáyá machakkás o ázmáesh makan."^o

¹³ Shaytáná, wahdé wati sajjahén chakkás halás kortant, Issái pa dega sharterén wahd o móhéá esht o shot.

ⁱ3:22 Dróshom, bezán shekl.

^j4:2 Chakkásag, bezán ázmáesh kanag, emtehán gerag.

^k4:4 Sharyatay Domi Rahband 8:3.

^l4:8 Sharyatay Domi Rahband 6:13.

^m4:10 Zabur 91:11.

ⁿ4:11 Zabur 91:12.

^o4:12 Sharyatay Domi Rahband 6:16.

Cha Náserahá Issáy dar kanag

¹⁴Gorhá Issá gón Pákén Ruhay zór o wáká Jalilá per tarret o áiay nám o tawár á sajjahén damagá sar but. ¹⁵Issáyá áyáni kanisaháni^p tahá tálima dát o sajjahén mardomán á satá kort o sárhát.^q

¹⁶Gorhá, Náserahá shot, hamódá ke rostag o mazan butagat. Shabbatay róchá,^r wati hél o ádatay sará kanisahá átk. Ódá pa wáñagá óshútát. ¹⁷Esháyá Nabiay Ketábesz áiay dastá dát. Anchosh ke áiá pach kort, chammi pa hamá báhrá kapt ke gwashit:

¹⁸"Hodáwanday Ruh mani sará ent,

áiá maná dast per moshtag^s

tánke wár o nézgárán wasshén mestágé berasénán,

maná démi dáttag ke bandi o asirán ázátaiay besháratá bedayán o

pa kórán bináiy mestágá berasénán,

zolm distagénán berakkénán o

¹⁹Hodáwanday mehr o rahmatay sálay besháratá bedayán."^t

²⁰Gorhá, Issáyá ketáb pétk, kanisahay hezmatkáray dastá dát o nesht. Parasteshgáhay sajjahén mardom áiay némagá cháragá atant. ²¹Issáyá gón áyán gwasht: "Maróchi gón shomay gósh dáragá, Pákén Ketábay é nebeshtahay rásti pakká o sarjam but." ²²Harkasá pa áiá sharrén gwáhié dát o cha áiay pormehrén habarán, sajjahén mardom hayrán o habakkah mantant. Gwashtesh: "Bárén, é hamá Issopay chokk naent?" ²³Issáyá gón áyán gwasht: "Man deljam án shomá é batalá pa mana kárét ke: 'Agan taw dáktaré ay gorhá pésará watá dráh bekan. Hamá mójezah ke má eshkotag taw Kaparnáhumá kortagant, áyán edá wati shahr o hankéná ham pésh bedár.'" ²⁴Géshi kort: "Shomárá rásténa gwashán, hech nabiéá wati shahr o hankéná sharap nést. ²⁵Deljam bebét ke Elyás nabiy Zamáñagá, wahdé tán say o ném sálá ásmánay dap band but o sajjahén molká mazanén dhokkálé kapt, Esräilá bázén janózámé hastat. ²⁶Bale Elyás pa komaká cha áyán yakkéay kerrá ham ráh dayag nabut, tahná Saydunay shahr Saraphá, pa yak janózáméay komaká rawán dayag but.

²⁷Hamé paymá, Elishá nabiy Zamáñagá, Esräilá bázén syahgarray^u nádráhiá geptagat, bale yakké ham dráh nabut. Tahná Nómán námén mardé rakket ke á Suriahay molká nendök at."

²⁸Cha é habaráni eshkonagá, kanisahay neshtagén mardom zahr geptant. ²⁹Pád átkant o Issáesh télánk dayán cha shahrá dar kort o hamá kóhay kashagá bort ke shahr á kóhay sará addh butagat, tánke jahlád dawri bedayant. ³⁰Bale Issá cha mardománi nyámá dar átk, wati ráhi gept o shot.

Yak mardéay jennay dar kanag

(Markás 1:21–28)

³¹Randá, Issá Kaparnáhumá shot, ke Jalilay damagay shahré. Shabbatay róchá, parasteshgáhay tahá mardomi tálím dátant. ³²Issáy sar o sójáni gósh dárók cha áiay habaráni eshkonagá hayrán atant, chiá ke áiá gón wák o ehtiár, gapp o trána kort.

³³Kanisahay tahá yak mardé ke áiá jenné per at, kukkár kanáná gwasht: ³⁴"Oo Issá Náseri! Tará gón má che kár ent? Átkagay ke márá gár o tabáh bekanay? Mana zánán taw kay ay, taw Hodáay gechén kortagén hamá Pákén ay." ³⁵Issáyá jenn hakkal dát o gwasht: "Wati dapá bedár o é mardá yalah day!" Jenná mardománi démá á mard zeminá dawr dát o anchosh dar átk ke á mardá hech noksáné naraset.

³⁶Cha é kárá sajjahén mardom hayrán butant o watomnwatá gwashtesh: "É chónén habaré?! Gón wák o ehtiáré jennán hokma dant o á ham mardomán yalahá kanant." ³⁷Nun, kerr o gwaray sajjahén halk o hankénán, Issáy nám o tawár prosh o sheng but.

^p4:15 Kanisah, bezán Yahudiáni parasteshgáh.

^q4:15 Sárháyag, bezán satá kanag.

^r4:16 Shabbatay róch hamá Shambah ent, bezán Yahudiáni kár nakanagay róch.

^s4:18 Asligén Yunáni nebeshtánka gwasht: "rógen per moshtag". Yahudián wati har bádhsháh cha bádhsháh bayagá pésar rógen per moshtag. "Masihay" labzay máná "rógen per mosthagén" ent.

^t4:19 Esháyá Nabiay Ketáb 61:1–2, Láwián 25:10.

^u4:27 Asligén Yunáni zobánay labz, pa syahgarr o bag, bezán jozám o pa dega tahr tahrén garrán ham kár bandaga bit.

⁵²Á wahdá, Issáyá gón mazanén dini péshwá, mazanén parasteshgáhay negahpánén sepáhigáni master o kawmay kamáshán ke pa áiay dazgir kanagá átkagatant, gwasht: "Záná, man yági o rahzané án ke shomá gón zahm o latthán pa mani dazgir kanagá átkagé?" ⁵³Man har róch mazanén parasteshgáhá gón shomá hór o yakjáh butagán, ódá shomá maná dast najatag. Bale haw! Nun wahd shomayg ent o tahároki hákem ent."

Petrosay enkár

(Mattá 26:57–58, 69–75; Markás 14:53–54, 66–72; Yuhanná 18:12–18, 25–27)

⁵⁴Gorhá, Issáesh dazgir kort o masterén dini péshwáy lógá bort. Petros dur durá, áyáni poshtá rawán at. ⁵⁵Lógay péshjáhá, ásé rókesh kortagat o ásay chágérdá neshtagatant. Petros ham gón áyán nesht. ⁵⁶Móledéá, ásay rozhnáíá, Petros dist, rogurogú cháret o gwasht: "É mard ham gón Issáyá hamráh butag." ⁵⁷Bale Petrosá namannet o gwasht: "Oo janén! Man áiá nazánán."

⁵⁸Kammé wahdá rand, degaréá Petros dist o gwasht: "Taw ham cha hamáyán ay." Petrosá passaw dát: "Oo mard! Man cha áyán naán."

⁵⁹Kamm o gésh sáhatéá rand, dega yakkéá Petrosay némagá cháret o pa deljami gwasht: "É mard allamá Issáy hamráh butag chiá ke á ham Jalilié." ⁶⁰Petrosá darráént: "Oo mard! Man sarpada nabán taw ché gwashagá ay." Petros hamé habará gwashagá at ke korósá báng dát. ⁶¹Hodáwandén Issáyá chakk tarrént o Petrosay némagá cháret. Gorhá, Petros Hodáwanday habaray yát o tránagá kapt ke gwashtagati: "Taw maróchi koróbángá pésar, say randá mani pajjáh áragá enkára kanay." ⁶²Nun dhanná dar átk o sakk gréti.

Issáy sará malandh o rishkand

(Mattá 26:67–68; Markás 14:65)

⁶³Á sepáhigáni ke Issá wati nyámá geptagat, áiay janag o malandh o maskará kanagesh bongéj kort. ⁶⁴Issáy chammesh bastant o gwashtesh: "Nun paygambari kan, begwash kayá tará jat?!"

⁶⁵Dega bázén bad o radé ham gwashtesh.

Sarókáni diwáná Issáy pésh kanag

(Mattá 26:59, 63–66; Markás 14:61–63; Yuhanná 18:19–21)

⁶⁶Wahdé róch but, kawmay kamásháni diwán, bezán mazanén dini péshwá o Sharyatay zánóger yakjáh butant, Issáesh lóthet o áwort. ⁶⁷Jostesh kort: "Agan taw Masih ay gorhá márá begwash." Issáyá passaw dát: "Agan man begwashán, báwara nakanéti. ⁶⁸Oo agan jost begerán, passawa nadayéti. ⁶⁹Bale cha annun o rand, Ensánay Chokk zóráwarén Hodáay rástén némagá nendit." ⁷⁰Á wahdá sajjahénán gwasht: "Acha, taw Hodáay Chokk ay?!" Passawi dát: "Shomá wat gwashagá ét ke Man Hamá Án." ⁷¹Áyán gwasht: "Nun dega chónén gwáh o sháhedié lóthén? Má wat cha áiay jenday zobáná é habar eshket."

Issá Pilátusay démá

(Mattá 27:1–2, 11–14; Markás 15:1–5; Yuhanná 18:28–37)

23¹Randá, diwánay sajjahénán mardom pád átkant o Issáesh Pilátusay démá bort. ²Áiay sará tohmat o bohtám janáná gwashtesh: "Má distag ke é mard, kawmá gomráha kant, Rumay Kaysaray song o máliát dayagá manah o makana kant o gwasht: 'Man Masih o bádhsháh án.'"

³Pilátusá just kort: "Taw Yahudiáni bádhsháh ay?" Issáyá passaw dát: "Taw wat gwashagá ay."

⁴Pilátusá gón mazanén dini péshwá o á dega mardomán gwasht: "Man pa é mardá hech mayáré nagendán." ⁵Bale mardom wati habaray sará óshtáttant o gwashtesh: "É mard, gón wati tálímán, Yahudiahay sajjahénán damagay mardomána shórénit. Cha Jalilá bongéji kortag o annun edá rasetag." ⁶Pilátusá mardománi é habar ke eshketant, lótheti bezánt, báréni, á cha Jalilay mardomán ent? ⁷Wahdé sahig but Issá Jalilié, gorhá Hirudisay némagá ráhi dát, chiá ke Jalilay hákem, Hirudis á wahdá Urshalimá at.

Issá o Hirudis

⁸Hirudisá Issá ke dist, báz wassh but, chiá ke déréni wahdé at ke áiay gendagá wáhagdár^z at. Cha Issáy kortagén káráni eshkonagá rand, nun ométwár at ke yak mójezah o ajabbatén neshánié

^z23:8 Wáhagdár, bezán lóthók, delmánag, hodónák.

Mazani o masteriay báravá

(Mattá 20:25–27; Markás 10:42–44)

²⁴ Moridáni nyámá arh o dáwáé pád átk ke: “Bárén, may nyámá sajjahénáni master o kamásh kay ent?” ²⁵ Issáyá gón áyán gwasht: “Darkawmáni bádsháh, wati mardománi sará gón zóráki wájáhia kanant o áyáni hákemáni maksad o morád esh ent ke mardom áyán hayr o barkat dayók bezánant. ²⁶ Bale shomá chosh makanét, belléti ke shomay masterén, kasterénay dhawlá bebit o shomay hákem, hezmatkárav dhawlá. ²⁷ Bárén, kay master ent? Hamá ke neshtag o waragá ent, yá hamá ke hezmat kanagá ent? Albat, hamá ke neshtag o waragá ent. Bale man shomay nyámá, hezmatkárav dhawlá án. ²⁸ Shomá hamá ét ke mani ázmáesh o chakkásán, gón man hamráh o hamkópag butagét. ²⁹ Hamá dhawlá ke Petá maná bádsháhi bakshet, man ham áiá shomára bakshán ³⁰ tán mani bádsháhiay tahá cha mani parzónagá bwaréti, benóshét, tahtáni sará benendét o Bani Esráilay dwázdahén kabilaháni dádrasí bekanét.

Petrosay enkáray péshgoi

(Mattá 26:31–35; Markás 14:27–31; Yuhanná 13:36–38)

³¹ “Shamun, oo Shamun! Shaytáná mókal o ejázat lóthet ke shomára gandomay dhawlá kamak bekant o begéchit. ³² Bale man pa taw dwá kort tán tai báwar o imán zawál mabit. Gorhá, wahdé per tarret o padá mani ráhá átkay, wati brátáni dastá beger o delbaddhi beday.” ³³ Bale Petrosá passaw tarrént: “Oo Hodáwand! Man gón taw hórigá pa kayd o band o marká ham tayár án.” ³⁴ Issáyá gwasht: “Oo Petros! Man tará gwashán ke maróchi taw cha korósbángá pésar, mani pajjáh áragá say randá enkáray kanay o namannay.”

³⁵ Randá cha áyán josti kort: “Bárén, hamá wahdá ke man shomára béké zarturag o pélek, béké chawath o swásá dém dát, shomá pa chizé wázmand o mohtáj butét?” Áyán passaw dát: “Na, pa hech chizá.” ³⁶ Gorhá gwashti: “Bale nun cha shomá agan kaséay kerrá zarturag o pélek hast, gón wat bezurit o áiyá kerrá ke zahm nést, wati kabáhá bahá bekant o zahmé bahá begípt, ³⁷ chiá ke é nebeshtah mani bárawá, báyad ent purah o sarjam bebit ke gwashit: Á gón gonahkárán hesáb kanag but.” ³⁸ Haw! Á chiz ke mani bárawá nebisag butag nun sarjam bayagi ent.” ³⁸ Moridán gwasht: “Oo Hodáwand! Bechár, mårá do zahm gón ent.” Gwashti: “Bass ant.”

Jetsimániay bágá Issáay dwá

(Mattá 26:36–46; Markás 14:32–42)

³⁹ Randá, Issá dar átk o anchosh ke áiyá héli o ádat at, dém pa Zaytunay kóhá shot. Morid ham áiyá randá shotant. ⁴⁰ Ódá ke sar but, gwashti: “Dwá kanét ke ázmáesh o chakkásá makapét.”

⁴¹ Randá, yak dhókéay chagaljáhay kesásá, cha moridán dur but, kóndháni sará nesht o chosh dwái kort: ⁴² “Oo mani Pet! Agan tai razá ent gorhá é sakkíáni jám o pyálaháx cha man dur kan o bethagalén, bale na pa mani lóth o wáhagá, pa tai jenday washnódiá.” ⁴³ Hamá wahdá, cha ásmáná préshtagé záher but o Issái deldári o delbaddhi dát. ⁴⁴ Á, yak grán o jánsóchén ranjéá dochár at, paméshká géshter dwái kort o áiyá hédi, hónay trampáni dhawlá zeminay sará petthetant.

⁴⁵ Cha dwáyá ke pád átk, moridán némagá per tarret, disti ke cha bázén gam o andóhán, wáb kaptagant. ⁴⁶ Gwashti: “Pa ché waptagéti? Pád áét, dwá kanét ke chakkásá makapét.”

Issáay dazgir kanag

(Mattá 26:47–56; Markás 14:43–50; Yuhanná 18:3–11)

⁴⁷ Angat Issá gón moridán habar kanagá at ke rombé mardom átk o raset. Cha Issáy dwázdahén moridán yakké, bezán Yahudá, áyáni rahshón at. Á, Issáy nazziká átk tán bechokkiti. ⁴⁸ Issáyá gwasht: “Oo Yahudá! Taw gón chokkag o drót, Ensánay Chokká geráénay?”

⁴⁹ Wahdé Issáy hamráhán dist ché bayagá ent, jostesh kort: “Oo Hodáwand! Wati zahmán bekasshén?” ⁵⁰ Cha moridán yakké wati zahm kasshet o masterén dini péshwáy nawkaray rástén góshi sest. ⁵¹ Bale Issáyá gwasht: “Bass ent! Dast bedárét!” Áiyá góshá dasti per mosht o dráhi kort.

^{w22:37} Eshayá Nabiay Ketáb 53:12.^{x22:42} Issáy maksad wati markay sakki o sórián ent.^{y22:48} Drót, bezán chokkag, bósah.**Drahbakshi^v o Hodáy kolaw**

(Mattá 8:14–17; Markás 1:29–39)

³⁸ Issá cha kanisahá dar kapt o Shamunay lógá shot. Shamunay wassig, trondén tapéá geptagat. Shamunay lögáy mardomán, pa áiyá dráh kanagá gón Issáyá dazbandi kort. ³⁹ Issá shot, áiyá kashá óshtát o tapi hálkál dát. Hamá damána tapi sest o pa áyáni hezmat kanagá pád átk.

⁴⁰ Rónendá,^w mardomán har dhawlén nádráh Issáy kerrá áwortant o áiá nádráháni sará dast per mosht o dráh kortant. ⁴¹ Jenn, cha bázén mardomán dar átkant o kukkár kanán gwashtesh: “Taw Hodáy Chokk ay,” chiá ke áyán zántagat, á Hodáy hamá gechén kortagén Masih ent. Bale Issáyá hálkál dayán bétawárt kortant.

⁴² Wahdé róch but, Issá yak gestáh^x o panáhén jágahéá shot. Mardom áiyá shoházá atant. Wahdé áyán Issá dist, gwashtesh: “Gón má bejally^y o mårá yalah maday.” ⁴³ Issáyá gwasht: “Maná Hodáy bádsháhiay mestág, á dega shahrán ham rasénagi ent, chiá ke Hodáyá maná pa hamé kárá ráh dátág.” ⁴⁴ Gorhá Yahudiahay sajjahén kanisahán, wasshén mestági jár jat.

Issáay awali morid

(Mattá 4:18–22; Markás 1:16–20)

⁵ ¹ Yak randé Issá Genisáretay mazangwarmay^z lambá^a óshtátagat o mardom Hodáy habaráni gósh dáragá, yakdomiá télánk dayán, áiyá chapp o chágérda mocch atant. ² Áiá, gwarmay kerrá do bójig^b dist. Mágigir cha bójigán ér kaptagatant o wati dám o máhórán shódagá atant. ³ Issá cha hamá bójigán yakké ke Shamunay at, swár but. Cha Shamuná lótheti bójigá cha tayábá^c kammé dur bebárt. Randá nesht o cha hamódá mardománi sar o sój dayagá lagget.

⁴ Wahdé habar halás butant, gón Shamuná gwashti: “Bójigá gwarmay johlánkián bebar o wati dámán pa máhigay shekárá ápá dawr bedayét.” ⁵ Shamuná gwasht: “Wájah! Dóshi má sajjahén shap delysáhi kasshetag o mårá hech máhig dastá nakaptag, bale nun ke taw gwashay, man dámán ápá dawra dayán.” ⁶ Áyán dám ápá dawr dátant o haminchok máhigesch gept ke dám deragi butant. ⁷ Paméshká, domi bójigay neshtagén hamkáresh, gón eshárah pa komaká tawár kortant. Á átkant o doén bójig cha máhigá haminkadar porr butant ke ápá boddhagi atant.

⁸ Wahdé Shamun Petrosá é kár dist, cha torsá Issáy párán kapt o gwashti: “Oo Hodáwand! Maná yalah day o beraw, chiá ke man gonahkáré án.” ⁹ Cha bázén máhigáni shekárá, Shamun Petros o áiyá sajjahén hamkár hayrán atant. ¹⁰ Hamé dhawlá, Zebdiay doén chokk, Ákub o Yuhanná ke Shamunay sharikdár atant, ham hayrán butant. Issáyá gón Shamuná gwasht: “Mators! Tán é wahdá taw máhig shekár kortag, cha ed o rand mardománi delán shekára kanay.”^d ¹¹ Padá áyán wati bójig o dám tayábá áwortant o wati sajjahén kár o bár yalah dátant o Issáy hamráh butant.

Garriéay drahbakshi^e

(Mattá 8:2–4; Markás 1:40–45)

¹² Dega róché, Issá yak shahré at. Ódá mardé sará tán pádá syahgarray nádráhiá geptagat. Wahdé Issái dist, átk o dém pa chér kapt, dazbandii kort: “Oo wájah! Agan taw belothay maná wassh o palgár korta kanay.”^f ¹³ Issáyá wati dast shahárt, dasti per mosht o gwashti: “Maná lóthán. Dráh o pák bebay!” Hamá damána, syahgarrá mard yalah dát. ¹⁴ Issáyá á hókm dát o kaddhan^g kort

^{v4:37} Drahbakshi, bezán dráhi o salámatiay bakshag, Arabi o Pársiá “shafá”.^{w4:40} Rónend, bezán hamá némag ke rócha nendit, magreb.^{x4:42} Gestáh, bezán yak kerr, dur.^{y4:42} Jallag, bezán dárag, óshtag, mánag.^{z5:1} Bezán Jalilay mazangwarm. Mazangwarm, bezán daryáchah.^{a5:1} Lamb, bezán dámon, kerr.^{b5:2} Bójig, bezán láñch, yakdár, kashti.^{c5:3} Tayáb, bezán daryáy kerr, sáhel.^{d5:10} Delay shekár kanagay maksad mardomán Hodáy ráhá árag ent.^{e5:11} Drahbakshi, bezán dráhi o salámatiay bakshag, Arabi o Pársiá “shafá”.^{f5:12} Tawrátá garray nádráh palít o nápk zánag butagant. Agan kasé cha é nájórhiá dráh bebit báyad ent gón Mussáy Sharyatay randgíriá dini péshwáy gwará berawt o hayraté bekant.^{g5:14} Kaddhan, bezán mohréni tákid, hókm.

ke: "É habará gón hechkasá magwash, bale beraw, watá dini péshwáyá pés bedár o pa wati pák o palgáriá, hamá korbánig ke Mussáy Sharyatá nebisag butag, hayráti bekan tánke pa áyán gwáh o sháhedié bebit." ¹⁵ Bale Issáy nám o tawár angat ham har jáh sheng o tállána but o bázén mardom pa áiay habaráni gósh dárag o wati nájórhiáni dráh kanáénagá átk o áiay kerrá moccha butant.

¹⁶ Issá geshter, cha mardomán dur, gestáh o tahná, barr o gyábánán dwá kanagá at.

Lang o mondhen mardéay drahbakshi

(Mattá 9:2-8; Markás 2:1-12)

¹⁷ Yak róché, Issá dars o sabak dayagá at. Lahtén Parisi o Sharyatay ostád, ke cha Jalil o Yahudiahay sajjahén métagán o cha Urshalimá átkagat, hamódá neshtagatant. Pa nádráháni dráh kanagá, Hodáwanday zór o twán gón Issáyá gón at. ¹⁸ Hamá wahdá lahtén mardomá, tahtéay sará yak lang o mondhen mardé gón at o átkant. Áyán báz johd kort ke áiá Issáy démá byárant, ¹⁹ bale cha mardománi bázén mocchiá, áyán lögay tóká átk nakort. Paméshká, nádráhesh zort, lögay sará sar kaptant o nádráhesh gón tahtá cha bánay sará jahlád, Issáy démá ér dát. ²⁰ Wahdé Issáyá áyáni é báwar dist, gwashti: "Oo mani dóst! Tai gonáh bakshag butant." ²¹ Cha Issáy é habará, Parisi o Sharyatay é dega zánoger, ke ódá neshtagatant, pegr kanagá atant: "É kay ent ke kopra kant?! Abéd cha^h Hodáy jendá, dega kass gonáhán pahell kort o baksheta nakant." ²² Bale Issáyá áyáni delay hál o habar zántant o gwashti: "Shomá chiá wati delá choshén hayála kárét? ²³ Kojám habaray gwashag ásánter ent: 'Tai gonáh bakshag butagant,' yá: 'Pád á, beraw?'" ²⁴ Bale tán shomá bezánét, maná ke Ensánay Chokkⁱ án, é donyáyá gonáháni pahell kanagay wák o ehtiár hast..." padá gón á langá gwashti: "...tará gwashán, pád á, wati taht o gandalán bezur o lögá beraw." ²⁵ Hamá damáná, mard sajjahénáni démá pád átk, wati taht o gandalí baddhá kortant o Hodáyá sepat o satá kanán lögá shot. ²⁶ Cha é káray gendágá, óday neshtagén mardom hayrán o habakkah butant, Hodáesh satá kort o sárhat o pa torsé gwashtesh: "Maróchi má chónén bah mánagén kár distag!"

Láwiay lóthag

(Mattá 9:9-13; Markás 2:13-17)

²⁷ Randá, Issá dhanná dar átk o Láwi námén yak songi o máliátgirén mardé disti, ke wati káray jágháh neshtagat. Issáyá gwashti: "Byá, mani randgiriá bekan." ²⁸ Láwi pád átk o sajjahén chizi yalah dántant o áiay hamráh but.

²⁹ Gorhá Láwiá wati lögá pa Issáy sharapá, pormarháhén mehmánié kort. É mehmániá, bázén máliátgir o lahtén dega mardom gón áyán gón at.^j ³⁰ Parisi o áyáni Sharyatay zánogerán, gón Issáy moridán gelag kanáán gwashti: "Shomá chiá gón songi o gonahkárán yakkén wánay sará warét o noshé?" ³¹ Issáyá gwashti: "Dráh o salámatén mardomán, dáktar pakár naent, nádráhán dáktar pakár ent. ³² Man pa pahrézkárán nayátkagán, gonahkáráni lóthag o gwánk janagá átkagán, ke á cha wati sellén kárán pashómán bebant."

Róchagay bárawá

(Mattá 9:14-17; Markás 2:18-22)

³³ Lahténá, cha Issáy just kort: "Yahyáay morid geshter róchaga dárrant o zegr o dwá kanant. Parisiáni morid ham anchosha kanant, bale tai morid modáma warant o noshant." ³⁴ Issáyá gwashti: "Suray mehmán, tán wahdé ke sálónk gón áyán gón ent, pa róchagay dáragá hojj kanaga bant?

³⁵ Bale wahdé kayte ke sálónk cha áyán jetá kanaga bit, gorhá á róchaga bant."

³⁶ Issáyá é mesál ham dát ke: "Hechkas cha nökén pashkéá chondhé naborrit o kwahnén pashká pacch o pinaga najant o agan chosh bekant nökén pashká derrit. Kwahnén pashk ham gón nökén pacchá dhawldára nabit. ³⁷ Hamé dhawlá, hechkas nökén sharábá kwahnén zekkán^k mána nakant, chiá ke nökén sharáb, zekká tráként. Sharába rechant o zekk ham zawaála bit. ³⁸ Nökén sharáb,

^h5:21 Abéd cha, bezán gayr cha.

ⁱ5:24 Dániál nabiá é pernám pa yak hastiéá kár bastag ke á cha ásmáná kayt. Issá Masihá é pernám pa wat zortag tán mardom bezánant ke á cha ásmáná átkag o hamá wádah dáttagén Masih ent.

^j5:29 Bani Esráilián, songi o máliátgirén mardom nádóst atant, chiá ke á Rumay hokumatay kárendah atant o bázénéá pa wati nap o puttá cha mardomán géshén song o bája gept.

^k5:37 Zekk, bezán cha pasay póstá addh korthagén darpé ke cha mashká bazter ent.

³⁴ "Hozzhár bét, chosh mabit ke shomay del pa neshah o malárán berawt o zenday pegr o andóh shomay delá gránbár bekant o áróch anágat shomay gotthá lóp bebit. ³⁵ Chiá ke áróch pa donyáy sajjahén mardomána kayt. ³⁶ Paméshká harwahd hozzhár bét o dwá bekant, tán shomárá áróchá ke chosha bit o é jáwar pa sara rasant dar rawagay wák bebit o Ensánay Chokkay bárgáh óshtát bekant."

³⁷ Issáyá har róch, mazanén parasteshgáhá sabak o tálima dát. Har shap cha shahrá dhann, Zaytun námkaptén kóhay sará shot o wati shapi sabáhá kort. ³⁸ Mardom ham har sabáhá máhalla, pa áiay habaráni gósh dáragá, mazanén parasteshgáhá átkant.

Issáy koshagay pandal o sázesh

(Mattá 26:2-5; Markás 14:1-2)

22 ¹ Béhomirén nánay aid, hamá ke Sargwaz gwashaga bit nazzik at. ² Mazanén dini péshwá o Sharyatay zánoger pa Issáy kóshárenágá, ráh o nimmóné shoház kanagá atant, bale cha mardomána torsetesh. ³ Hamá wahdá, Yahudá ke Eskaryuti nám kaptagat o wat cha Issáy dwádzahén moridán yakké at, Shaytán áiay póstá potert. ⁴ Yahudá, mazanén dini péshwá o mazanén parasteshgáhá negahpánén sepáhigáni masteráni kerrá shot o gón áyán gend o nendi kort ke che paymá Issáyá bedróhit o áyáni dastá bedant. ⁵ Á báz wassh butant o shawresh kort ke áiá chizé zarr bedayant. ⁶ Yahudáyá mannet o nun gwam o gégén wahd o móhéay shoházá at ke cha mardománi mocchiá dur, Issáyá áyáni dastá bedant.

Sargwazay shámay tayári

(Mattá 26:17-19; Markás 14:12-16)

⁷ Gorhá, béhomirén nánay aiday hamá róch átk ke gwarándhá korbániga kanant. ⁸ Issáyá Petros o Yuhanná dém dátant o gwashti: "Berawét Sargwazay aiday shámay tayáriá bekanént ke bwarén."

⁹ Áyán just kort: "Taw ché lóthay, má é tayáriá kojá bekanént?" ¹⁰ Passawi dát: "Shahrá ke rasé, mardéá gendéit ke ápi kunzágé gón enti, ^t áiay randá hamá lögá berawéit ke á rawt. ¹¹ Lögá wáhondá begwashéit: 'Ostád josta kant: "Mehmáhnáh kojá ent ke man gón wati moridán Sargwazay shámá hamódá bwarán?'" ¹² Á mard, shomárá wati lögay sarborá, práhén bánu^u o diwánjáh pésha dárit ke ódá har chiz hast, shámay tayáriá hamódá bekanént." ¹³ Á shotant. Ódá, áyán har chiz hamá paymá dist ke Issáyá gwashtagat. Sargwazay shámesh hamódá tayár kort.

Goddhi shám

(Mattá 26:24, 26-29; Markás 14:22-25)

¹⁴ Hamá sáhat ke raset, Issá gón moridán parzónagay sará nesht. ¹⁵ Gón áyán gwashti: "Mani masterén armán hamé butag ke gránén sakki o sóriáni saggagá pésar, é Sargwazay shámá gón shomá hórigá bwarán." ¹⁶ Shomárá gwashán, tán Hodáy bádháhi barjáh dárag mabit, dega baré é shámá nawarán."

¹⁷ Gorhá, jámé chesti kort, Hodáy shogri gept o gwashti: "É jámá bezurét, wati nyámá bahr kanént. ¹⁸ Shomárá gwashán ke cha ed o rand, tán Hodáy bádháhi mayayt o marasit, man anguray dahl o samará nanóshán." ¹⁹ Nagani ham zort, Hodáy shogri gept, chondh chondhi kort, moridáná dát o gwashti: "É mani jesm ent ke pa shomá korbániga bit, é rasmá pa mani yát o yátmáná barjáh bedárét."

²⁰ Hamé dhawlá, cha waragá rand, jámé zort o gwashti: "É jám, mani nökén ahd o karáray hón ent ke pa shomaygi réchaga bit. ²¹ Bale, hamá ke maná dróhit, áiay dast gón mani dastá yakkén parzónagá ent. ²² Chiá ke hamá dhawlá ke péshá shawr borrag^v butag, Ensánay Chokka rawt, bale bazhn o apsóz pa hamá mardomá ke áiá dróhit." ²³ Á wahdi, morid yakdomiá just kanagá laggetant: "Bárén, cha má kay choshén káré kant?"

^t22:10 É ajabén habaré. Áp kasshag janénáni kár at.

^u22:12 Bán, bezán kóthi, kamrá, ótgá.

^v22:22 Shawr borrag, bezán paysalah kanag.

Áyókén zamánagay bárawá Issáay péshgói

(Mattá 24:1–14; Markás 13:1–13)

⁵ Lahtén mardom mazanén parasteshgáhay bárawá harab kanag o gwashagá at ke: “É gón chónén dhawldárén seng o gránkimmatén hayrát o thékián nakshband kanag butag.” ⁶ Á wahdi Issáay gwasht: “Cha eshán ke shomá maróchi gendagá ét, róché kayt ke yak sengé ham domi sengay sará namánit. Sajjahénána próshant o karójant.” ⁷ Jostesh gept: “Oo ostád! Bárén, é prosht o prósh kadéna bit o eshiay nazzik bayagay nesháni chi ent?” ⁸ Issáay gwasht: “Hozzhár bét, kasé shomárá gomráh makant. Chiá ke bázéné pa mani námá kayt o gwashit: ‘Man hamá án’ o ‘Wahd átkag o nazzik ent,’ bale shomá áyáni habará gón makapét.” ⁹ Wahdé shomá jang o áshópay kulkárá eshkonét, matorsét o paréshán mabét. Chiá ke awalá báyad ent é dhawlá bebit, bale halásiay wahd hamá damáná pa sara narasít.”

¹⁰ Gorhá gón áyán gwashti: “Yak kawmé dega kawméay sará o yak hokumaté dega hokumatéay sará páda kayt.” ¹¹ Mazanén zelzelah o zeminchandha bit o bázén jághán dhokkál o wabá kapit. Cha ásmáná torsnákén sargwast o ajabbatén nesháni paddara bit.

¹² Bale cha é sajjahénán o pésar, shomárá gerant o pa shomá jawr o ázára kanant, kanisah o jélána barant o bandiga kanant. Pa mani námay sawabá bádhsháh o hákemáni démá barant o pésha kanant. ¹³ Gorhá shomárá pa gwáhi dayagá sharrén móhé rasit. ¹⁴ Gón wat shawr kanét ke pa wati démpániá, cha wahdá pésar paréshán mabét. ¹⁵ Chiá ke man shomárá anchén habaráni zántkáriá dayán ke hech dozhmené shomay démá maóshtit o shomay habarán prósh makant. ¹⁶ Tantaná^q shomay mát o pet, brát o syád o dóst, shomárá geráénant o lahténá kóshárénant. ¹⁷ Sajjahén mardom pa mani námay sawabá cha shomá naprata kanant, ¹⁸ bale cha shomay sará yak mudé ham kamma nabit. ¹⁹ Agan pa deléri sakkíán besaggét, wati sáhá rakkénét.

Urshalimay harábi o wayrániay péshgói

(Mattá 24:15–21; Markás 13:14–19)

²⁰ Wahdé shomá gendét ke Urshalim, pawj o lashkará chapp o chágérdá angerr kortag, gorhá bezánét ke eshiay wayrániay wahd nazzik ent. ²¹ Á wahdá hamá ke Yahudiahá ant, kóhán betachant, á ke Urshalimá ant dhanná dar bekant o á ke cha shahrá dhann ant shahrá marawant. ²² Chiá ke á wahd sezáy wahda bit o sajjahén nebeshtánkáni habar purah o sarjama bant. ²³ Á róchán, apszó pa láppor o chokmátén janénán, chiá ke molkay sará báz sakki o janála kayt o é kawmay sará Hodáy kahra kapit. ²⁴ Dozhmen áyán zahmáni dapá dayant o bázénéá bandig o sajjahén donyáy tahá darándhéhá^r kanant. Urshalim, darkawmáni pádáni lagatmála bit, tán á wahdá ke darkawmáni wahd o báriga kotthit o halásá bit.

Issáay per tarrag

(Mattá 24:29–31; Markás 13:24–27)

²⁵ Cha róch o máh o estárán ajabbatén nesháni paddara bant o donyáy sajjahén kawm cha daryáy chawl o mawjáni trondén tawárá paréshán o sargardána bant. ²⁶ Mardom, donyáy sará áyókén janjál o sakki o sóriáni tors o bimmá bélhósha bant, chiá ke ásmánay zór o wák larzénag o jolgoménaga^s bant. ²⁷ Á wahdá, mardom Ensánay Chokká gendant, ke gón mazanén wák o twán o shán o shawkaté cha jambaréay nyámá kayt o paddara bit. ²⁸ Wahdé é jáwara káyant o rasant, gorhá wati sará borz kanét o tachkátachk bóshtét ke shomay rakkénagay wahd nazzik ent.”

Enjiray drachk

(Mattá 24:32–35; Markás 12:28–31)

²⁹ Issáay pa áyán é mesál ham dát ke: “Enjir o é dega drachkán bechárét, ³⁰ anchosh ke tákesh jat, wata zánét ke nun garmágay mósom nazzik ent. ³¹ Hamé paymá, wahdé é chizána gendét, wata zánét ke Hodáy bádhsháhi nazzik ent. ³² Shomárá rásténa gwashán, tán é sajjahén jáwar mayáyant, é nasl o padréch halásá nabit. ³³ Zemin o ásmán gára bant, bale mani habar hechbar gár o zyána nabant.”

^q21:16 Tantaná, bezán hattá, tán é haddé á.

^r21:24 Darándhéh, bezán jaláwtawan.

^s21:26 Jolgoménag, bezán cha boná sorénag o larzénag.

báyad ent nökén zekká mán réchag bebit. ³⁹ Kasé ke kwahnén sharábay waragá héldár ent, nökén sharába nawárt. Pa áiy delá kwahnén sharáb támdárter ent.”

Shabbatay róchay ehtiár

(Mattá 12:1–8; Markás 12:23–28)

6 ¹ Yak baré Shabbatay róchá, Issácha gandomi keshárán gwazagá at. Áiy morid gandomi hóshagán sendag o gón wati dastán moshag o waragá atant. ² Gorhá cha Parisián lahténá gwasht: “Chiá anchén kára kanét ke Shabbatay róchá rawá naent?” ³ Issáyá passaw dát: “Záná, shomá nawántag, wahdé Dáud o áiy hamráh shodig butant, gorhá Dáudá ché kort? ⁴ Á, Hodáy Pákén Lógá shot, Hodáy námá hamá hayráti o pákwandhén náni zort, wártant o wati hamráháná ham pa waragá dátí, ke áyáni warag tahná pa dini péshwáyán rawá at.” ⁵ Padá Issáyá gón áyán gwasht: “Maná, ke Ensánay Chokká án, Shabbatay róchay ehtiár hast.”

Mondhén mardéay drahbakshi

(Mattá 12:9–14; Markás 3:1–6)

⁶ Dega Shabbatay róché, Issá kanisahá shot o mardománi tálim o sar o sój dayagá goláesh but. Hamódá, yak mardé at ke rástén dasti hoshk o mondha at. ⁷ Sharyatay zánóger o Parisi, Issáyá cháragá atant o yak nimmónéay shoházá atant ke: “Agan é marday dastá Shambehay róchá dráh bekant, gorhá má áiy sará Shabbatay róchá kár kanagay bohtámá” jata kanét.” ⁸ Issáyá áyáni delay hál o habar zánt. Gón mondhen mardá gwasht: “Pád á, byá démá bósht, mardom tará begendant!” Á mard pád átk o óshtát. ⁹ Gorhá Issáyá cha mardomán just kort: “Nun maná begwashét ke Shabbatay róchá néki kanag rawá ent yá badi? Ensánay zenday rakkénag rawá ent, yá koshag o gár kanag?” ¹⁰ Gorhá sajjahénáni némagá cháret o gón á mardá gwasht: “Dastá shahár day!” Áiá anchosh kort o dasti wassh o dráh but. ¹¹ Sharyatay zánóger o Parisi sakk zahr geplant o watmánwatá shawr o saláhesh kort ke gón Issáyá ché bekanant.

Dwázdah hásén káseday gechén kanag

¹² Hamá wahdá yakk róché, Issá pa dwá kanagá kóhá shot o sajjahén shapi gón Hodáyá pa dwá gwázént. ¹³ Wahdá róch but, áiá morid wati kerrá lóthetant o cha áyán dwázdah kas gechén kort o wati hásén kásed náméntant. ¹⁴ Áyáni nám esh ant: Shamun ke Issáyá áiy nám “Petros”^m per bast, áiay brát Andriás, Ákub, Yuhanná, Pilipos, Bartulumá, ¹⁵ Mattá, Tumá, Halpiay chokk Ákub, Shamun ke áiy pannám “sarmachár” ent, ¹⁶ Ákubay chokk Yahudá o Yahudá Eskaryuti ke randá Issái dróhagiⁿ o dozhmenáni dastá dayagi at.

Nádráháni drahbakshi

(Mattá 4:23–25)

¹⁷ Issá gón moridán cha kóhá ér kapt o yak patth o pachén jágahéá óshtát. Cha áiy moridán bázéné ódá at. Cha Yahudiah, Urshalim o Sur o Saydunay tayábgwaray mardomán, mazanén rombé ham átk o mocch but. ¹⁸ Mardománi é mazanén mocchi, pa áiy habaráni gósh dárag o wati nádráhiáni dráh kanáenagá átkagat. Á ke palitén ruhán dochár atant ham dráh kanag butant. ¹⁹ Mardomán Issáy dast per kanagay kóshesha kort, chiá ke cha áiá yak anchén wák o twáné dar áyágat at ke sajjahéni dráha kortant.

Bazhn o bahtáwari

(Mattá 5:1–12)

²⁰ Issáyá wati moridáni némagá cháret o gwashti: “Bahtáwar ét shomá ke wár o bazzag ét, chiá ke Hodáy bádhsháhi shomayg ent. ²¹ Bahtáwar ét shomá ke annun shodig ét, chiá ke séra bét. Bahtáwar ét shomá ke annun gréwán ét, chiá ke kandána bét. ²² Bahtáwar ét shomá, wahdé mardom pa Ensánay Chokkaygi shomárá ázará dayant o cha wat dur o gestáha kanant, dozhmána dayant o bannáma kanant. ²³ A róchá, shádkámi bekanét o gal o bál bebét, chiá ke ásmáná shomay mozz sakk báz ent. Áyáni pet o pirénán ham gón nabián hamé dhawlá kortag.”

^q6:7 Bohtám, bezán malámat, tohmat.

^r6:14 Yunáni zobáná, “Petráay” máná “talár” ent.

^s6:16 Dróhag, bezán pa repk rad dayag. Arabi o Pársia “khiánat”.

²⁴ “Bale bazhn o apszóz pa shomá ke hastómand ét, chiá ke shomárá áram o ásudagi rasetag.

²⁵ Bazhn o apszóz pa shomá ke annun sér ét, chiá ke shodiga bét. Bazhn o apszóz pa shomá ke annun kandán ét, chiá ke gamnák o gréwána bét. ²⁶ Bazhn o apszóz pa shomá, wahdé ke sajjahén mardom shomárá satá dayant o sárháyant, chiá ke áyáni pet o pirénán ham gón drógén nabián, anchosh kort.

Mehr

(Mattá 5:38–48; 7:12)

²⁷ “Oo mani gósh dárókán! Shomárá gwashán ke gón wati dozhmenán mehr bekanét o gón áyán ham ke cha shomá naprata kanant, néki bekanét. ²⁸ Pa áyán ke shomárá badén dwá kanant barkat belóthét, pa áyán ke shomárá ázára dayant nékén dwá belóthét. ²⁹ Agan kaséá tará shahmáté jat, wati domi gobba^h ham áiay némagá betarrén o agan kaséá tai kabáhp pach gept, belli ke tai pashká ham bebárt. ³⁰ Agan kaséá cha taw chízé lóthit, bedayi, agan kaséá tai chízé pa zór bebárt, padá malóthi. ³¹ Gón degarán hamá dhawlá néki bekanét ke cha áyána lóthét.

³² Agan shomá tahná gón hamáyán mehr bekanét ke gón shomá mehra kanant, gorghá shomá chónén sób o páydagé katthetag? ^q É kár, gonahkáráni dastá ham buta kant. ³³ Agan shomá gón hamáyán néki bekanét ke gón shomá nékia kanant, gorghá shomárá che páydagé rasit? Gonahkár ham anchosha kanant. ³⁴ Agan shomá tahná hamáyán wám bedayét ke ométa kasshét zortagén wámán dát karta kanant, gorghá shomárá che mozzé rasit? Gonahkár ham gonahkárán wáma dayant o padá pacha gerant. ³⁵ Bale shomá gón wati dozhmenán ham mehrabán bebéti, gón áyán néki bekanét, wámesh bedayét o padá malóthét. É dhawlá, shomárá cha Hodáy némagá, mazanén mozzé rasit o shomá mazanshánén Hodáy Chokka bét, chiá ke á, gón náshogr o badkárén mardomán ham mehrabán ent. ³⁶ Hamá dhawlá ke shomay ásmáni Pet rahmdel ent, shomá ham rahmdel bebéti.

Ayb o iráz magerét

³⁷ “Degarán ér majanét o iráz magerét, tánke shomá ér janag mabét. Kaséá mayárig makanét, tánke mayárig kanag mabét, degarán pahell kanét o bebakshét tánke pahell kanag o bakshag bebéti. ³⁸ Bedayét tán shomárá ham dayag bebit. Shomay dáttagénáni badalá, sarréch o dapádapén kayl o paymánah, shomay kotthá réchaga bit, chiá ke, gón har kayléa bedayét, gón hamá kaylá shomárá dayaga bit.”

³⁹ É mesáli ham pa áyán áwort: “Kóré che paymá dega kóréá ráhá pésh dáshta kant? Har doén chátá nakapant? ⁴⁰ Shágerd cha wati ostádá zántkártera nabit, bale hamá ke rost o rodóma gipt o cha tálímá sarrécha bit, wati ostáday dhawlá buta kant.

⁴¹ “Chiá wati brátay chammay pilláshká^g genday, bale wati chammay bondhá nagenday?

⁴² Wahdé taw wati chammay bondhá nagenday, chón wati brátá gwashta kanay: ‘Bell ke tai chammay pilláshká dara kanán?’ Oo dopóstén shatalkár! Pésará wati chammay bondhá dar kan, randá tai chamm pacha bant o wati brátay chammay pilláshká kassheta kanay.

Drachk o drachkay bar

(Mattá 7:17–20; 12:32–35)

⁴³ “Hech sharrén drachké sellén bar o nibaga nayárit o na sellén drachk sharrén bar o nibaga kárit. ⁴⁴ Har drachk, cha wati bará zánaga bit. Na cha dhangarán^s enjir chenaga bit o na cha dhóloká^t angur. ⁴⁵ Sharrén mardom, wati delay hazánagay ér kortagén nékián, cha wati dap o zobáná dara kant o sellén mardom, wati delay ambáray ér kortagén gandagián, cha wati dap o zobáná réchit. Chiá ke harché mardomay delá bebit, hamá cha áiay dapá dara kayt.

^g6:29 Gobb, bezán gónag.

^g6:29 Kabáh, bezán jobbah.

^g6:32 Katthag, bezán nap o putt kanag, dastá árag.

^g6:41 Pilláshk, bezán buccok, prishk, bákasay dhillay kasterén chondh.

^g6:44 Dhangar, bezán békárén konthagi drachk o dár.

^g6:44 Dhólok, bezán gyábáni konthagi jarré ke polli espét ant.

Áherat o ság o sur

(Mattá 22:23–33; Markás 12:18–27)

²⁷ Randá, lahtén Saduki, ke áheratay namannók ant, Issáy kerrá átk o ²⁸ jostesh kort: “Oo ostád! Mussáyá pa má nebeshtag: Agan kaséá sur kortagén bráté bé chokká bemerit o janózámí zendag bebit, gorghá áiay brát báyad ent gón á janózámá sur bekant tánke chokk o rand o ráhé pa wati brátá bellit.^k ²⁹ Nun hapt brát atant, awali brátá jané gept, chokki nabut o mort, ³⁰ domi brátá o ³¹ padá saymi brátá gón á janéná sur kort o á ham bé chokká mortant. Hamé paymá haptén brátán gón hamá janéná sur kort o bé pad o rand cha donyáyá shotant. ³² Godhsará, á janén ham mort. ³³ Nun taw begwash, áheratay róchá, é janén, kojám brátayga bit, chiá ke har haptén brátán bárig bárigá gón áiay sur kortagat.”

³⁴ Issáyá passaw dát: “Mardom, é jaháná ság o sura kanant, ³⁵ bale hamá mardom ke namiránén zendá karzant o áheratay láhek ant, á na sura kanant o na sur dayaga bant. ³⁶ Á hechbar padá namerant o préshtagáni dhawlá ant, Hodáy chokk ant, chiá ke namiránén zenday chokk ant.

³⁷ Bale mordagáni zendag bayagay habaray rásti, Mussáyá mán bon geptagén dhólokay kessahá pésh dáshtag. Ódá Mussá Hodáwandén Hodáyá, Ebráhemay Hodá, Eshákay Hodá o Ákubay Hodá^l gwashit. ³⁸ Á mordagáni Hodá naent, zendagénáni Hodá ent, chiá ke áiay gwará, sajjahén zendag ant.”

³⁹ Cha Sharyatay zánógerán lahténá gwasht: “Oo ostád, taw sharr gwasht.” ⁴⁰ Cha ed o rand, hechkasá del nakort cha áiá dega josté begipt.

Masih kai chokk ent?

(Mattá 22:41–46; Markás 12:35–37)

⁴¹ Issáyá gón áyán gwasht: “É chónén habaré ke gwashant: ‘Masih, Dáud bádháhay chokk ent?’

⁴² Chiá ke Dáud wat Zaburay ketábá gwasht:

Hodáwandá gón mani Hodáwandá^m gwasht
mani rástén némagá benend

⁴³ tán hamá wahdá ke tai dozhmenán tai pádáni chéray padag o chárchóbáhé bekanán.ⁿ

⁴⁴ Nun agan Dáud, Masihá wat Hodáwanda gwasht, gorghá Masih chón áiay chokk buta kant?”

Issá Sharyatay zánógerán páshka kant

(Mattá 23:1–7; Markás 12:38–40)

⁴⁵ Hamé wahdá ke sajjahén mardom gósh dáragá atant, Issáyá gón moridán gwasht: ⁴⁶ “Cha Sharyatay zánógerán hozzhár bét, ke áyán drájén jámag o kabáh gwará kanag dósta bit o bázáráni tarr o gardá cha mardomán wasshátk o drahbáta lóhant. Kanisaháni sharterén jáhán gechéna kanant o mehmánián, awali reday nendagesh pasond ent. ⁴⁷ Janózámáni lögán gón málwáriá barant o pa pésh dáragá wati dwá o sanáyán drájkassa kanant. Eshán sakterén sezá o padmozza rasit.”

Janózáméay hayrát

(Markás 12:41–44)

21 ¹ Issáyá sar borz kort o disti ke lahtén azgár o hastómand, wati hayráti zarrán mazanén parasteshgáhay pétiá^o mán kanagá ent. ² Áiá, yak nézgárén janózámé ham dist ke pétiay tahá do paysahi^p dawr dát. ³ Nun gwashti: “Shomárá rásténa gwashán, é bewasén janózámá cha sajjahénán géshter mán kort. ⁴ Chiá ke á degarán cha wati geshén málá chizoké dát, bale é janózámá, gón wati nézgári o garibiá, harché ke áiá hastat dáti, bezán wati sajjahén bonmál.”

^g20:28 Sharyatay Domi Rahband 25:5 o rand.

^g20:37 Dargwaz 3:6.

^g20:42 Mani Hodáwand, bezán Issá Masih.

^g20:43 Zabur 110:1.

^g21:1 Péti, bezán sanduk.

^g21:2 Asligén Yunáni nebeshtánka gwasht: “do lepton”, bezán á zamánagay gwandhterén zarr.

⁴⁷ Áiá har róch mazanén parasteshgáhá tálima dát. Mazanén dini péshwá, Sharyatay zánóger o kawmay kamásh, áiay koshagay johdá atant, ⁴⁸ bale pa wati é maksadá, hech ráhé dar gétk nakortesh, chiá ke áiay har habar mardománi delá neshtagat.

Issáy wák o ehtiárav bárawá

(Mattá 21:23–27; Markás 11:27–33)

20 ¹ Yak róché ke Issá mazanén parasteshgáháy péshjáhá mardomán tálím o wasshén mestág dayagá at, mazanén dini péshwá o Sharyatay zánóger gón kawmay kamáshán áiay kerrá átkant o ² gwashesh: “Márá begwash ke taw gón kojám hakk o ehtiárá é kárána kanay? Kayá tará é káráni ehtiár dáttag?” ³ Issáyá passaw dát: “Maná ham cha shomá yak josté hast. Begwashét, ⁴ Yahyáyá, pákshói dayagay ehtiár cha ásmáná rasetagat yá cha ensánay némagá?” ⁵ Áyán watmánwatá shawr o saláh kort o gwashtesh: “Agan begwashén ‘cha ásmáná at,’ gwasht: ‘Pa ché imánó nayáwort?’ ⁶ Oo agan begwashén ke ‘mardomi káré butag,’ gorhá mardom márá sengsára kanant, chiá ke áyáni setk o báwar hamesh ent ke Yahyá nabié butag.” ⁷ Paméshká passawesh dát: “Má nazánén cha kojá at.” ⁸ Issáyá gwasht: “Gorhá man ham shomára nagwashán ke gón kojám hakk o ehtiárá é kárána kanán.”

Badén bágpánáni mesál

(Mattá 21:33–46; Markás 12:1–12)

⁹ Randá, Issáyá pa mardomán é mesál áwort: “Mardéá anguri bágé addh kort o pa konandahkári o zamán,¹⁰ lahtén bágpánay dastá dát o wat drájén saparéa shot. ¹⁰ Wahdé anguray mósom but, bágay hodábondá pa wati bahray geragá, hezmatkáré ráh dát, bale zamánzurén bágpánán á hezmatkár latth o koth kort o gón hórk o háligén dastán per tarrént. ¹¹ Bágay hodábondá, padá dega hezmatkáré dém dát, bale bágpánán á ham jat o béezzat kort o gón hórk o háligén dastán per tarrént. ¹² Gorhá saymi randá, dega hezmatkáré ráhi dát, bale áyán á ham jat o thappig kort o dhanná gallént.

¹³ Nun bágay hodábondá wati delá pegr kort ke ‘chón bekanán?’ É randá, wati dóstén chokká ráha dayán, balkén áiay ruá bedáránt. ¹⁴ Bale wahdé bágpánán áiay choikk dist, watmánwatá shawr kort o gwashtesh: “Bágay mirás barók o poshtpad hamesh ent, eshiá ham bekoshén tán bág may mirás bebit.” ¹⁵ Gorhá cha bágá dhann bort o koshtesh. Nun shomay gománá, bágay hodábond gón é bágpánán ché kant? ¹⁶ Á kayt, é bágpánána koshit o bágá dega bágpánáni dastá dant.” Wahdé mardomán Issáyá é habar eshkot, gwashtesh: “Chosh mabát!”

¹⁷ Issáyá áyáni némagá cháret o gwasht: “Gorhá, á nebeshtahay máná chi ent ke gwasht: ‘Hamá seng ke bánbandén ostáyán pasond nakort o nazort, hamá seng bonhesht^h but.’” ¹⁸ Harkas ke á sengay sará bekapit, thokkor thokkora bit o kasé ke seng áiay sará kapit, hurtu bit.”

¹⁹ Sharyatay zánóger o mazanén dini péshwáyán zánt ke Issáyá é mesál hamáyáni bárawá áwortag. Paméshká, shawresh kort hamá damáná Issáyá begerant, bale cha mardomána torsetesh.

Máliátay bárawá

(Mattá 22:15–22; Markás 12:13–17)

²⁰ Gorhá Issáesh chammáni chérá kort, wati cháríg o jásusesh rawán dátant tán watá Issáyá démá tachk o pahrézkárén mardom pésh bedáránt. Áyáni maksad esh at ke Issáyá cha áiay jenday habarán mán begisshént o Rumay wáliay dastá bedayant. ²¹ Áyán jost kort: “Oo ostád! Má zánén taw harché ke gwashay, har sar o sójé ke dayay, á sajjahén rást ant o hechkaséy némagá nageray o pa rásti Hodáyá ráhá sója dayay.” ²² Nun márá begwash, bárén Rumay bádhsháh Kaysarár song o máliát dayag rawá ent yá na?” ²³ Bale Issáyá áyáni é repk o mandr^j zánt o gwasht: ²⁴ “Maná yak dináré pésh bedárét, eshiay sará kai nám o naksh per ent?” Áyán passaw dát: “Kaysaray.” ²⁵ Issáyá gwasht: “Gorhá Kaysarayá Kaysará bedayét o Hodáyá Hodáyá bedayét.” ²⁶ É dhawlá, áyán mardománi démá Issá cha áiay jenday habarán dámá dawr dát nakort o cha áiay passawán bah mant o bétawár butant.

⁸20:9 Konandahkári o zamán, bezán paymánkári, ejáray sará, thékah.

^h20:17 Bonhesht, bezán lógay awali hesht yá seng.

ⁱ20:17 Zabur 118:22.

^j20:23 Mandr, bezán repk, sázesh, pachali.

Báwar o kerd

(Mattá 7:24–27)

⁴⁶ Wahdé shomá mani habaráni sará kára nakanét, gorhá chiá maná ‘Hodáwand, Hodáwanda’ gwashét? ⁴⁷ Á kas ke mani habaráni eshkonagá kayt o áyáni sará kára kant, man shomára péscha dárán ke á, kai paymá ent. ⁴⁸ Á hamá bánbandén ostáy^u dhawlá ent ke pa lógay bandagá chollí^v johl borret o bonredi^w taláray sará ér kort. Wahdé hár o hirróp átk, hárá á lóg sorént nakort, chiá ke mohr o mohkam bandag butagat. ⁴⁹ Bale kasé ke mani habarán gósha dárit o áyáni sará kára nakant, hamá mardomay paymá ent ke lógi bé bonredá bast. Wahdé hár o hirróp átk, lóg hárá mallet, kapt o pahk wayrán but.”

Pawji apsaray báwar

(Mattá 8:5–13; Yuhanná 4:43–54)

7 ¹ Wahdé Issáyá gón mardomán wati habar halás kortant, Kaparnáhumá shot. ² Ódá, yak Rumi pawji apsaréá, hezmatkáré hastat ke áiá báz dóst at. Á hezmatkár, sakk nádráh o markig at. ³ Wahdé á pawji apsar Issáyá bárawá sahig but, áiá Yahudiáni lahtén kamáshén mardom Issáyá kerrá ráh dát tán áiay mennatgiriá bekanant o begwashanti ke byayt o áiay hezmatkárá dráh bekant. ⁴ Á Yahudi kamásh Issáyá kerrá átkant, áiay mennatesh gept o gwashtesh: “É pawji apsara karzit ke taw pa áiá é kárá bekanay. ⁵ Chiá ke may kawmay dóstwáh ent. May kanisah ham hamáiá addh kanáentag.”

⁶ Issá áyáni hamráh but o shot. Wahdé lógay nazziká rasetant, pawji apsará wati lahtén dóst kásed kort o pa Issáyá, kolawi rawán dát ke: “Oo Hodáwand! Watá zahmatwár makán. Mana nakarzán ke taw mani lógóy byáy o ⁷ man pa wat é láhekiá ham nagendán ke tai kerrá byáyán. Taw tahná hokm bekan, mani hezmatkár dráha bit.” ⁸ Chiá ke man ham wati masteráni hokmay chérá án o mani dastay chérá ham sepáhig hast. Agan kaséá hokm bekanán: ‘Beraw,’ á rawt o agan kaséá begwashán: ‘Byá,’ á kayt. Agan wati hezmatkárá begwashán: ‘É kárá bekan,’ á kant.”

⁹ Wahdé Issáyá é habar eshkot, hayrán but o démi gón wati hamráhén mardomán kort o gwasht: “Shomára gwashán, man choshén mohréni setk o báwar Esráiliáni nyámá ham nadistag.” ¹⁰ Wahdé pawji apsaray kásed per tarret o lógo átkant, distesh ke hezmatkár wassh o dráh ent.

Janózáméay chokkay zendag kanag

¹¹ Dér nagwast, Issá gón wati morid o dega bázén mardománi hamráhiá, Nain námén shahréa shot. ¹² Wahdé shahray darwázagay nazziká raset, disti mardom yak mordagé cha shahrá dhann baragá ant ke á wati janózámén mátay yakkén chokk at. Shahray bázén mardom ham, gón á janózámá gón atant. ¹³ Wahdé Hodáwandén Issáyá á janózám dist, áiay sará sakk bazzagi but o gwasht: “Magréw.” ¹⁴ Nazzik átk o mordagay tahti dast per kort, mordagay kópag dayók óshtáttant. Issáyá mordag gwánk jat: “Oo warná! Man tará gwashán, pád á.” ¹⁵ Mordag pád átk o nesht o habará lagget. Issáyá á warná mátay dastá dát.

¹⁶ Sajjahénáni delá torské nesht o Hodáyá sepat o saná kanán, gwashtesh: “May kerrá mazanén nabié wadi butag” o “Hodá wati kawmay komak kanagá átkag.” ¹⁷ Issáyá hál o habar, sajjahén Yahudiah o kerr o gwaray sardhagárán tálán but.

Yahyáy kásed

(Mattá 11:2–15)

¹⁸ Pákshódókén Yahyáy moridán, Yahyá cha Issáyá é ajabén kárán sahig kort, paméshká Yahyáy cha wati moridán do kas lóthet o ¹⁹ pa jost kanagá Hodáwandén Issáyá kerrá dém dát ke: “Bárén, taw hamá ay ke áyagi at, yá pa degaréá rahchár bebén?”

²⁰ Á doén Issáyá kerrá átkant o gwashtesh: “Márá pákshódókén Yahyáy pa é habaray jostá ráh dáttag: ‘Bárén, taw hamá ay ke áyagi at, yá pa degaréá rahchár bebén?’” ²¹ Hamá wahdá, Issá bázén nájórh o nádráhán dráh kanagá at, cha jennián, palítén ruhán kasshágá at o bázén kóráni chammán, rozhnái bakshágá at. ²² Issáyá passaw dátant: “Harché ke shomá distag o eshkotag,

^u6:48 Bánbandén ostá hamá ent ke lógay bandagá zántkár ent.

^v6:48 Choll, bezán chari, náli. Pa lógay bandagá zeminá kóchánt. É kótkagén jághá cholla gwashant.

^w6:48 Bonred, bezán lógi yá diwáléay awali o johlterén red.

berawét Yahyáyá sahig kanét ke kór gendag o maym kanagá ant, lang tarrag o ráh rawagá ant, garri pák o palgár bayagá ant, karr eshkongá ant, mordag zendag bayagá ant o bazzag o nézgárán wasshén mestág sar bayagá ent.²³ Bahtáwar hamá ent, ke mani káráni gendagá thagal mawárt o malakoshit.”

Yahyáay bárawá

(Mattá 11:7–19)

²⁴ Wahdé Yahyáay kásed dar kapt o shotant, Issá gón mardomán Yahyáay bárawá gapp o trán kanagá lagget: “Chónén chizéay cháragá gyábáná shotagé? Kalam o káshay dhilléay cháragá ke gón gwátay kasshagá é dém o á dém shikka wárt?²⁵ Agan na, gorhá chónén chizéay cháragá shotagé? Anchén mardéay cháragá shotagé ke narm o názorkén pósháki gwará at? Á mardom ke brahdárén póshák gwará kanant o hastómandáni dhawlá zenda gwázénant, kalát o márhíán nendók ant.²⁶ Gorhá ódá shomá chónén chizéay cháragá shotagé? Paygambaréay cháragá? Haw, shomárá gwashán ke Yahyá cha paygambaréay ham master ent.²⁷ Á hamá ent ke áiay bárawá nebisag butag: *Man wati kásedá cha taw pésar ráha dayán ke á, tai ráhá tachk o tayára kant.*²⁸ Man shomárá gwashán ke hech mátá pákhódókén Yahyáay warhén bémattéhén chokké nayáwortag. Bale Hodáay bádháhiá, hamá ke cha sajjahénán kaster ent, á cha Yahyáay ham master ent.

²⁹ Wahdé Yahyáay Hodáay paygám áwort, bázén mardomán, songi o máliátgirán ham mannet ke Hodáay kolaw o paygám rást ent, chiá ke á Yahyáay dastá pákhódí dayag butagatant.³⁰ Bale Parisi o Sharyatay kázián cha Yahyáay dastá pákhódí nagept o Hodáay lóth o wáhagesh pa wat namannet.

³¹ É zamánagay mardomán kai hamdarwar bekanán ke á, kai dhawlá ant?³² Á, hamá chokkáni paymá ant ke bázará neshtagant o yakdomiá gwashagá ant: ‘Má pa shomá nal o kalam sáz kort, bale shomá nách o sohbat nagept, má pa shomá móth áwort, bale shomá arsé narétk.’³³ Pákhódókén Yahyá átkág, na náni wárt o na sharábi nóshet o shomá gwashét: ‘Jenni per ent,’³⁴ bale Ensánay Chokk átkag, wárt o nóshit o shomá gwashét: ‘Lápi o sharábié, máliátgir o gonahkáráni sangat ent.’³⁵ Bale hekmat o zántá hamá záhera kanant ke áiay randgir o mannóger ant.”

Gonahkárén janéné Issáay pádán charpa kant

³⁶ Cha Parisián yakkéá Issá wati lógá mehmán kort. Á shot o pa waragá parzónagay^x sará neshit.³⁷ Á shahrá, yak badkárén janéné hastat. Wahdé sahig but ke Issá é Parisiay mehmán ent, sengmarmarén atrdánéay tahá, atri zort o hamódá shot.³⁸ Issáy poshtá, áiay pádáni nazziká gréwán óshtát, gón wati arsán Issáy pádi tarr kort o gón wati mud o malgórán hoshk kortant o pádi chokket o atr per moshtant.

³⁹ Wahdé á Parisiá ke Issá mehmán kortagat é dist, wati delá gwashti: “Agan é mard paygambaré butén, allamá zántagatí é janén ke áiá dast per kanag o moshágá ent, kay ent o chónén gonahkáré.”⁴⁰ Issáyá gwasht: “Oo Shamun! Maná gón taw yak habaré gwashagi ent.” Áiá gwasht: “Ji ostád, begwash!”

⁴¹ Issáyá gwasht: “Mardéá do wámdár hastat, yakké panchsad dinár o domi panjáh dináray wámdár at,⁴² bale á doénán pa wámáni dayagá hecch néstat, paméshká wám dayóká áyáni wám bakshetant. Nun cha á doénán kojámiá wám dayók géshter dóstá bit?”⁴³ Shamuná passaw dát o gwashti: “Mani hayálá, hamá ke áiay wám géshter atant.” Issáyá passaw dát: “Taw sharr gwash.”

⁴⁴ Gorhá Issáyá janénay némagá chakk tarrént o gón Shamuná gwashti: “É janéná genday? Man tai lögá átkán, taw maná pádáni shódagá trampé áp nadát, bale é janéná mani pád gón wati arsán tarr kort o gón malgórán hoshk kortant.⁴⁵ Taw maná nachokket, bale é janén cha mani rasagá tán é wahdi, yakpaymá mani pádán chokkagá ent.⁴⁶ Taw mani sará rógen per namosht, bale áiá mani pádáni sará atr per mosht.⁴⁷ Paméshká tará gwashán: É janénay bázén dóstiy sawab esh ent, ke eshiay bázén gonáh bakshag butant, bale á ke áiay dóstí kamter ent, hamá ent ke áiay bakshetagén gonáh kamter ant.”⁴⁸ Gorhá démi gón á janéná tarrént o gwashti: “Tai gonáh bakshag butant.”

⁴⁹ Bale é dega mehmán gón yakdegará gwashagá laggetant: “É kay ent ke mardománi gonáhán ham pahella kant?”⁵⁰ Nun Issáyá gón á janéná gwasht: “Tai setk o báwará tará rakként, pa wasshi o salámati beraw.”

^x7:36 Parzónag, bezán soprah.

¹⁵ “Bale áiá bádháhi raset o wati molká per tarret o átk. Gorhá hokmi kort hamá dahén hezmatkárán ke zarri dáttagatant byárant, tán bezánt áyán chinchok nap o putt katthetag.”¹⁶ Awali hezmatkár átk o gwashti: ‘Oo wájah! Cha tai yakkén ashrapiá, man dah ashrapi katthetag.’

¹⁷ Bádháhi gwasht: ‘Shábásh, oo sharrén golám! Nun paméshká ke taw gón kammén bonmálá tachl o rást butagay, man tará wati molkay dah shahray hákema kanán.’

¹⁸ “Domi átk o gwashti: ‘Oo wájah! Man cha tai yakkén ashrapiá, panch katthetag.’¹⁹ Bádháhi gwasht: ‘Man tará wati molkay panch shahray hálkemá dayán.’

²⁰ “Dega hezmatkáré átk o gwashti: ‘Oo wájah! Esh ent tai dátágén ashrapi ke man dazmáléá bastag o ér kortagat.”²¹ Chiá ke maná cha taw torsetag, taw trondén mardé ay o hamá ke taw ér nakortagant, hamá chizán watiga kanay o nakeshtagéna ronay.”²² Bádháhi gwasht: ‘Oo békáren golám! Man tará cha tai jenday habarán mayáriga kanán, taw zánt man trondén mardomé án, ér nakortagén chizán watiga kanán o nakeshtagéna ronán.’²³ Gorhá taw chiá mani dátágén zarr, byáji o bápáriéay kerrá ér nakort ke man per tarragá rand, wati zarr gón putt begeptéenant.

²⁴ “Gorhá bádháhi gón wati diwánay mardomán gwasht: ‘Ashrapiá cha eshiá pach geret o hamáia bedayét ke áiay kerrá dah ashrapi ant.’²⁵ Áyán gwasht: ‘Wájah! Gón áiá pésará dah ashrapi hast.’²⁶ Bádháhi gwasht: ‘Shomárá gwashán, harkasá ke chizé hast, áiá géshter dayaga bit, bale harkasá ke nést, harché ke hasti ham pach geraga bit.’²⁷ Bale hamá ke mani dozhmen ant o mani bádháhiá nalóthant, áyán mani kerrá byárt o mani démá bekoshét.”

Pa Issáay wasshátká

(Mattá 21:1–9; Markás 11:1–10; Yuhanná 12:12–15)

²⁸ Cha é habarán o rand, Issá pésar o péshgám dém pa Urshalimá rawagá at.²⁹ Wahdé Zaytun námaktép kóhay sará, Bayt-Páji o Bayt-Anyáay métágáni nazziká raset, wati do moridi pésará dém dát o³⁰ gwashtanti: ‘Démi métágá berawét o anchosh ke shomá ódá raset, korragén haré gendét ke bastag o taningah kasé áiá swár nabutag. Áiá bójét o edá byárté.’³¹ Agan kaséá cha shomá just kort ‘Chiá eshiá bójagá ét,’ begwashét: ‘Wájahá pakár ent.’

³² Morid shotant o hamá dhawlá ke Issáyá gwashatagat, hamá paymá distesh.³³ Anchosh ke korragay bójagá atant, korragay hodábdónán cha áyán just kort: ‘Shomá chiá é korragá bójagá ét?’³⁴ Moridán passaw dát: ‘Wájahá pakár ent.’³⁵ Áyán korrag Issáyá kerrá áwort, wati shál o cháderesh korragay poshtá ér kortant o Issáesh swár kort.³⁶ Anchosh ke Issá démá rawán at, mardomán wati shál o cháder ráhay sará chérgéján kortant.

³⁷ Wahdé Issá Zaytunay kóhay érkapay nazziká raset, áiay moridáni mocchiá pa é sajjahén ajekkái o mójezahán ke áyán distagatant, pa gal o shádehi o gón borzén tawáré, Hodá satá kort o gwasht:³⁸ ‘Mobárák bát, hamá bádháhiá ke pa Hodáwanday námá kayt! Sohl o ásudagi mán ásmáná o shán o shawkat borzén arshá.’

³⁹ Cha mardománi nyámá, lahtén Parisiá gón Issáyá gwasht: ‘Oo ostád! Wati moridán neherr o hakkal kan ke chosh magwashant!’⁴⁰ Issáyá darráént: ‘Man shomárá gwashán, agan é bétawár begwash!’

Issáay gréwag

⁴¹ Wahdé Issá Urshalimá nazzik but o shahri dist, gréti o⁴² gwashti: ‘Drégatá taw, haw, hamé taw, maróchi bezántén ke kojám chiz, pa taw sohl o ásudagi áworta kant. Bale bazhn o apsóz ke nun á cha tai chammá chér o andém ent.’⁴³ Pa taw anchén rócha káyant ke dozhamen tai chapp o chágerdá sangara bandant o tai chárén némagán angerra kanant o tai perh o chágerdá tanka tarrént.⁴⁴ Tará o tai chokkán, dhagárá chagala dayant o gón hák o hóná hór o hawára kanant o sengé pa sengéy sará ham pashta nagéjant, chiá ke taw wati Hodáay áyagay wahd o sáhat, pajjáh nayáwort.

Cha mazanén parasteshgáhá sawdágeráni dar kanag

(Mattá 21:12–16; Markás 11:15–18; Yuhanná 2:13–16)

⁴⁵ Cha eshiá rand, Issá mazanén parasteshgáháy péshjáhá shot o sawdágeráni dhanná dar kanagá goláesh but.⁴⁶ Gwashti: ‘Hodáay Ketábá nebisag butag: *Mani lög, dwá o parasteshay jágha bebit,*^f bale shomá dozzbázáré kortag.’

^f19:46 Eshayá Nabiay Ketáb, bahr 56, band 7.

Issáay markay saymi péschgói

(Mattá 20:17–19; Markás 10:32–34)

³¹ Padá Issáyá wati dwáz dahén kásed yak kerré bortant o gwashti: “Nun má Urshalimá rawagá én, har chizé ke nabián Ensánay Chokkay bárawá nebeshtag, á sajjahén ódá sarjama bant. ³² Áiá darkawmén mardománi dastá dayant o hamá darkawm, kalágia gerant, béezzatia kanant o sar o démá tohia janant, ³³ shallák o hayzaránia janant o koshanti. Bale saymi róchá, á padá zendaga bit o jáha jant.”^c ³⁴ Áiay morid cha é habarán yakkéá ham sarpad nabutant. Issáy é habaráni maná cha áyáni zántá chér at o áyán sarkech nawárt ke Issá ché gwashagá ent.

Kóréay drahbakshi

(Mattá 20:29–34; Markás 10:46–52)

³⁵ Wahdé Issá Ariháy shahráy nazziká raset, kóré disti ke ráhay sará neshtag o pendhagá at. ³⁶ Wahdé kórá mahluk o mocchiay tawár eshkot, josti kort: “Ché bayagá ent?” ³⁷ Hálesh dát: “Issá Náseri gwazagá ent.” ³⁸ Gorhá áiá kukkár kort: “Issá, oo Dáud bádsháhay chokk! Tará mani sará bazzag bát.” ³⁹ Á ke cha sajjahénán pésar o péschgám atant, kóresh hakkal kort o gwashtesh: “Bass kan, bétawár bay!” Bale áiá géshter kukkár kort: “Oo Dáud bádsháhay chokk! Tará mani sará bazzag bát.”

⁴⁰ Issá óshtát o hokmi kort: “Á mardá byárét.” Wahdé nazzik átk, Issáyá just kort: ⁴¹ “Taw cha man ché lóthay? Pa taw ché bekanán?” Áiá passaw dát: “Oo Hodáwand! Mana lóthán biná bebán.” ⁴² Issáyá gwasht: “Biná bebay! Tai imáná tará dráh kort.” ⁴³ Hamá damáná kór biná but, Hodáyá sepat o saná kanán, Issáy hamráhiá rahádag but. Mardomán ke chosh dist, áyán ham Hodáyay shogr gept.

Zakkáay mehmáni

19 ¹ Issá Ariháyá átk o cha shahráy nyámá gwazagá at. ² Ódá Zakká námén sér o azgárén mardé hastat ke málíatgiráni kamásh at. ³ Áiá lóthet bechárit Issá chónéné, bale mardománi mocchi mérihá báz at o áiay jend pathakk o lokkaddé at. Paméshká disti nakort. ⁴ Gorhá pa drekké démá shot o mazanén drachkéy^d sará sar kapt tán áiá begendid, chiá ke Issá cha hamé ráhá gwazagá at.

⁵ Wahdé Issá hamá jághá raset, borzád cháret o gwashti: “Oo Zakká! Zut jahlá ér kap, ke maróchi man tai mehmán án.” ⁶ Á, eshtápi cha drachká ér kapt o Issái pa gal o shádehi wati lógá wasshátk kör.

⁷ Wahdé mardomán é dist, watmánwatá norondhán gwashtesh: “Issá gonahkárén mardéay lógá mehmán butag.” ⁸ Bale Zakká pád átk, óshtát o gón Hodáwandén Issáyá gwasht: “Oo Hodáwand! Wati sajjahén mál o maddhiay némá pa nézgár o garibén mardomán bahr o bángá kanán o agan man kaséay mál pa náhakk poshtá kasshetag o bortag, áyáni badalá chár sari géshtera dayán.”

⁹ Issáyá gón áiá gwasht: “Maróchi é lógá, pahelli o rakkag sar butag, chiá ke é mard ham cha Ebráhémay nasl o padréchá ent. ¹⁰ Haw! Ensánay Chokk pa gonahkár o gárénáni shóház o rakké nagá átkag.”

Bádsháh o dah hezmatkár

(Mattá 25:14–30)

¹¹ Hamá wahdá ke mardom Issáy habarán gósha dárágá atant, Issáyá géshter kanán mesálé awort. Chiá ke á Urshalimay nazziká rasettagat o mardománi gomán esh at ke Hodáyá bádsháhi hamá wahdá paddara bit. ¹² Gwashti: “Yak baré, sardárzáfagé durén molkéa shot tánke pa bádsháhiá berasisit o padá wati dhéh o dhagará per betarrit. ¹³ Gorhá, dah hezmatkári wati kerrá lóthet o har yakkéá yak ashrafié dát o gwashtanti: ‘Tánke man wati sapará janán o padá káyán, shomá gón é zarrán sawdágeri bekanét.’ ¹⁴ Bale hamá molkay mardomán cha áiá naprata kort. Áiay rawagá rand, kásed o kolawesh ráh dát ke: ‘Má nalóthén é mard, may sará bádsháhi bekant.’

^c18:33 Jách janag, bezán cha wati jáhá anágatén pád áyag, Arabi o Pársiá “qiám, rastákhiz”.

^d19:4 É drachkay elmi nám “Ficus sycomorus” ent.

^e19:13 Asligén Yunáni zobáná, é zarray nám “miná” ent. Yakk mináé yak kár kanókéay kamm o gésht say máhay mozz butag.

Gón Issáyá janénáni hamráhi

8 ¹ Randá, Issá shahr pa shahr o métágat tarret o pa mardomán, Hodáyá bádsháhiay mestágay jária jat. Áiay dwáz dahén kásed hamráhi atant. ² Lahtén janén ham ke Issáyá áyáni jenn kasshetagatant o cha nádráhián dráh o jór kortagatant, gón áyán gón atant. Cha áyán yakké Maryam at, ke áiay pannám Majdalihat at o Issáyá cha áiá hapt jenn kasshetagat. ³ Dega yakké Yuánná at ke áiay lógwájah, Huzá, Hirudis bádsháhay kalátay kelitdár^y at. Yakké Susan at o dega báz janén atant, ke cha wati zarr o málán, pa Issá o áiay moridán komak kanagá atant.

Tohm chandhagay mesál

(Mattá 13:1–17; Markás 4:1–12)

⁴ Cha har shahr o har halk o hankéná mardom Issáy kerrá pédák atant. Wahdé bázén mardom átk o mocch but, Issáyá pa mesál o darwar gón áyán gwasht: ⁵ “Yak dehkáné pa tohmay chandhagá shot, tohmáni chandhagay wahdá kammoké tohm ráhá sará retk ke pálapásh butant o báli morgán chet o wártant. ⁶ Kammoké dhal o dhókáni sará retk, á rostant bale zut gimmort^z o hoshk butant, chiá ke zeminá namb néstat. ⁷ Dega kammoké, shezz o cherekk o dhangaráni^a nyámá retk, gón áyán hórigá rostant bale shezz o dhangaráni rost o rodóm dásh. ⁸ Á dega tohm, sharrén zeminá retk o sharr rost o mazan but o sad sari hóshag o baresh kort.” É mesálay gwashagá rand, Issáyá pa borztawári gwasht: “Harkasá pa eshkonagá gósh hast, beshkont.”

⁹ Issáy moridán, cha áiá é mesálay máná just kort. ¹⁰ Áiá passaw dát: “Hodáyá shomay delay chamm pach kortagant, ke shomá áiay bádsháhiay rázán sarpad bebét, bale pa á dega mardomán, mesál o darwar ant o bass, tánke:

‘gón chammán bechárant, bale magendant
gón góshán beshkonant, bale sarkech mawarant.’

¹¹ É mesálay máná esh ent: Tohm, Hodáyá habar ant. ¹² Ráháy sará retkagén tohmáni máná, hamá mardom ant ke Hodáyá habarán gósha dárant, bale Shaytána kayt o cha áyáni delá, Hodáyá habarán dara kant ke chosh mabit á báwar bekanant o berakkant. ¹³ Dhal o dhókén zeminay retkagén tohmáni máná, hamá mardom ant ke Hodáyá habaráná eshkonant o pa gal o wasshia mannant, bale Hodáyá habar, áyáni delá risshag o wandhála^b najanant, tán kammoké wahdá rand, áyáni báwar kamma bit o ázmáesh o chakkásay wahdá poshtá kenzant o cha ráhá thagalant.

¹⁴ Shezz o dhangaráni tahá retkagén tohmáni máná, hamá mardom ant ke Hodáyá habarán gósha dárant, bale donyái parésháni o mál o zarray hers o jópah^c o aysh o nóshán mána gisshtant o hóshag o bara nayárt. ¹⁵ Sharrén zeminá retkagén tohmáni máná, hamá mardom ant ke Hodáyá habarán gósha dárant o pa setk o del o pákén niyaté áyána mannant. É chó hamá keshárá ant ke hóshag o bara kanant o páydára bant.

Cherágay mesál

(Markás 4:21–25)

¹⁶ “Kasé ke cherágá róka kant, tagáréay^d chérá chéria nadant, yá tahtay chérá éria nakant. Rókén cherágá, cherágjáhá éra kanant, tán harkas ke lögá kayt rozhnáíá begendifit. ¹⁷ Chiá ke hech choshén chérén chizé nést ke záher o paddar mabit o hech choshén panáh o andémén habaré nést ke áshkár o démdará mabit. ¹⁸ Shomá hozzhár bét o bezánét ke che paymá eshkonéti. Kaséá ke chizé hast, áiá géshter dayaga bit o kaséá ke nést, bale gomána kant ke hasti, cha áiá hamá ham pach geraga bit.”

^y8:3 Kelitdár, bezán hazánagay hesábdár o sambálók.

^z8:6 Gimmorag, bezán hoshk tarrag, napasgir bayag.

^a8:7 Shezz, yá shenz, o cherekk békárkatén sabzagé ke asligén kesháray nyámá rodit o áyáni rost o rodómá dárit. Dhangar konthagi dega sabzagé ke á ham keshárá haráb kant.

^b8:13 Wandhál, bezán risshag o rótág.

^c8:14 Jópah, bezán lálech o tamah.

^d8:16 Tagár, bezán mazanén johlén darp, hirán, lagan.

Issáy mát o brát

(Mattá 12:46–50; Markás 3:31–35)

¹⁹ Hamé wahdá Issáy mát o brát áiay gendagá átkant, bale cha mardománi bázén mocchiá áiay nazziká átkesh nakort. ²⁰ Issáesh hál dát ke: “Tai mát o brát pa tai gendagá dhanná óshtátagant.” ²¹ Issáy darráent: “Mani mát o brát hamá ant ke Hodáy habarán gósha dárant o áyáni sará kára kanant.”

Tuppánay érmóshé kanag

(Mattá 8:23–27; Markás 4:35–41)

²² Yak róché, Issáy gón moridán gwasht: “Byáét gwarmay domi némagá rawén.” Bójigá swár butant o ráh geptant. ²³ Wahdé bójig rawagá at, Issá wáb kapt. Anágat syahgwátéá sar kort o tuppán but o bójig cha ápá porr bayagi at. Áyáni zend, hataray tahá at.

²⁴ Morid Issáy gwará shotant, cha wábá ágáhesh kort o gwashtesh: “Wájah, oo wájah! Má ér bokkagif o meragi én.” Á, cha wábá ágáh but o tuppán o mawj o chawli hakkal dátant, cha neherr o hakkalán gwát kapt o tuppán prosht o érmósh but. ²⁵ Áiay gón wati moridán gwasht: “Shomay setk o báwar kojá shot?!” Moridán cha é ajabén kárá torset o bah mantant o cha yakdomiá jostesh gept: “É chónén mardomé ke gwát o chawlán neherr o hokma dant o á ham, áiay hokmá mannant.”

Jenni ganókéay drahbakshi

(Mattá 8:28–32; Markás 5:1–20)

²⁶ Gorhá, Gerásiáni^g sardhagárá rasetant ke Jalilay damagay dém pa démá, mazangwarmay domi pahnátá ent. ²⁷ Wahdé Issá cha bójigá ér kapt o hoshkiá átk, cha shahray mardomán yakké, ke jenni ganóké at, gón áiá dochár kapt.^h Cha bázén wahdá, áiay pocch gwará nakortagat o lógéá naneshtagat, shap o róch kabrestáná kaptagat. ²⁸ Wahdé áiá Issá dist, kukkanré korti, áiay pádán kapt o góń borzatwári gwashti: “Issá, Oo mazanshánén Hodáy Chokk! Tará gón man che kár ent? Tará pa Hodá sawgand, maná azáb maday.” ²⁹ Áiay paméshká chosh gwasht ke Issáyá jenn hokm dáttagat, é mardá yalah bedant. Jenná, é mard pésará ham báz randá geptagat, mardomán pa zamzil mohr bastagat o ger o dár kortagat, bale mardá zamzil próshtagatant o jenná, á kashakán kortagat o gyábaná bortagat. ³⁰ Issáyá cha áiá jost kort: “Tai nám kay ent?” Áiay passaw dát: “Mani nám lashkar ent,” chiá ke bázén jenné áiay jesm o jána potertagat. ³¹ Jennán gón Issáyá dazbandi kort ke áyán, johlén tahtarunayⁱ chátá dawri dayagay hokmá madant.

³² Hamódá, jompéay sará, hukkáni mazanén ramagé charagá at, jennán gón Issáyá dazbandi kort: “Márá bell ke é hukkáni jesmá poterén.” Issáyá ejázat dátant. ³³ Jennán á mard yalah dát o hukkáni jesmá potertant o anágat, hukkáni ramag cha jompá jahlagá ér kapáná gwarmá bokket.

³⁴ Wahdé hukkáni shwánagán chosh dist, pa drekké métág o shahrá shotant o mardomesh hál dátant. ³⁵ Mardom shotant tán gón wati chammán é sargwastá begendant. Issáy kerrá átkant o hamá mardesh dist ke jennán yalah kortagat, Issáy pádání démá neshtag, pocch o póshtáki gwará o pa hósh o sár ent. Nun torsesh delá nesht. ³⁶ Á ke wat chamdistén sháhed atant, á dega mardomesh hál dátant ke é jenni ganók chónaká dráh butag. ³⁷ Gerásináy sardhagáráy mardomán, gón Issáyá dazbandi kort ke áyáni sardhagárá yalah bedant o berawt, chiá ke áyán báza torset. Paméshká Issá bójigá swár but o shot.

³⁸ Hamá mardá ke Issáyá áiay jenn dar kortagatant, gón Issáyá dazbandi kort ke áiá gón wat bebárt. Bale Issáyá á mard per tarrént o gwashti: ³⁹ “Lógá beraw o wati mardomán hál beday ke Hodáyá gón taw chónén káré kortag.” Á mard shot o wati shahrá jári jat ke Issáyá gón áiá ché kortag.

^{e8:21} Érmósh, bezán áram, hámósh.^{f8:24} Bokkag, bezán ápá ér rawag, boddhag, gark bayag.^{g8:26} Lahtén daznebeshtá átkag: “Gadáriáni”. Anchosh band 37ay tahá.^{h8:27} Dochár kapag, bezán dhikk warag, yakdegará gendag.^{i8:31} Tahtarun, bezán jahannam, dózah.

áiá na cha Hodáyá torset o na mardománi parwáhia kort. ³ Hamá shahrá, janázámé ham hastat ke harwahd káziay kerrá átk o mennatwár at ke áiay hakká cha daynkárá begipt.

⁴ “Tán lahtén wahdá, káziá janázámay peryátay némagá hech delgósha nakort, bale randá delá hayáli kort ke: ‘rást ent, maná na Hodáy tors ent o na mardománi parwáh.’ ⁵ Bale é janázám maná delsyah kanagá ent. Paméshká gehter ent eshiay hakká begerán o bedayán. Chosh mabit gón wati har róchigén rawag o áyágá maná géshter delsyah bekant.”

⁶ Gorhá Hodáwandén Issáyá gwasht: “Beshkonét é náhakkén kázi ché gwashit? ⁷ Nun bárén Hodá gón wati gechén kortagénán, ke shap o róch gón áiá pa wati hakká peryáta kanant, hakka nakant? Pa áyáni hakrasiá déra kant? ⁸ Shomárá gwashán ke zut áyáni hakká dant. Bale á wahdi ke Ensánay Chokka kayt, bárén setk o báwar é zeminay sará pashta kapit ke á begendit?”

Parisi o máliátgiray mesál

⁹ Issáyá hamá mardománi bárawá mesálé áwort ke watá nék o pahrézkára zánant o é dega mardomán éra janant. ¹⁰ “Do mardom pa dwá kanagá mazanén parasteshgáhá shot ke cha áyán yakké Parisié at o domi máliátgiré at. ¹¹ Parisi óshtát o pa wati jendá dwái kort o gwashti: ‘Oo Hodá! Tai mennatwár án ke man é dega mardománi dhawlá dozz o radkár o zenahkáré naán o na é máliátgiray dhawlá án.’ ¹² Man haptagé do róch, róchaga dárán o wati sajjahén máláy dahyakká dayán. ¹³ Bale hamá máliátgir dur óshtátagat o ásmáni cháret ham nakort. Dasti wati sénagá jat o peryát kanáná gwashti: ‘Oo Hodá! Tará mani sará bazzag bát ke gonahkáré án.’

¹⁴ “Nun man shomárá gwashán: Parisi na, bale hamá máliátgir nék o pahrézkár but o lógá shot, chiá ke harkas watá mazana zánt o lékit, kamsharapa bit o harkas watá jahl o érdasta mannit, washnám o sharapdára bit.”

Pa chokkán Issáy mehr

(Mattá 19:13–15; Markás 10:13–16)

¹⁵ Mardomán wati nonnokén chokk ham Issáy gwará áwörtant ke dastesh sará per bemoshit. Wahdé moridán chosh dist, mardomesh neherr o hakkal dátant. ¹⁶ Bale Issáyá chokk wati kerrá lóthetant o gwashti: “Chokkán bellékt ke mani kerrá byáyat, áyáni démá madárét, chiá ke Hodáyá bádhsháhi anchéñ mardománig ent. ¹⁷ Shomárá rásténa gwashán, á ke Hodáyá bádhsháhiá chokkání paymá mamannit, hechbar ódá pád ér korta nakant.”

Zardáren warná o namiránén zend

(Mattá 19:16–29; Markás 10:17–30)

¹⁸ Cha sardárán yakkéá jost kort: “Oo nékén ostád! Man chón bekanán ke namiránén zenday wáhond bebán?” ¹⁹ Issáyá gwasht: “Taw maná ‘nékén’ pa ché gwashay? Abéd cha Hodáyá kass nék naent. ²⁰ Taw Hodáy hokmána zánay: ‘Zená makan, hón makan, dozzi makan, drágén sháhedi maday, wati pet o mátá ezzat beday.’”^b ²¹ Áiá gwasht: “Man cha kasániá é sajjahén hokm barjáh dáshtagant.”

²² Wahdé Issáyá áiay passaw eshkot, gwasht: “Tará angat yak káré kanagi ent, wati sajjahén mál o hastiá bahá kan o zarrán garib o nézgárén mardománi sará bahr kan, é paymá tará ásmáni ganjé rasit. Gorhá byá o mani randgíriá bekan.” ²³ Wahdé á mardá é passaw eshkot, báz delgir o gamig but chiá ke á mazanén máládáré at. ²⁴ Issáyá á mard cháret o gwashti: “Pa azgár o máládárén mardomán Hodáyá bádhsháhiá pád ér kanag sakk grán ent. ²⁵ Haw! Cha suchenay domká oshteray gwazag wa báz grán ent, bale Hodáyá bádhsháhiá, zardáren mardomay pád ér kanag, angat gránter ent.”

²⁶ Hamá ke é habará eshkonagá atant, jostesh kort: “Gorhá kay rakketa kant?” ²⁷ Issáyá passaw dát: “Pa ensáná nabuteni ent, bale Hodáy dastá har chiz buta kant.”

²⁸ Petrosá gwasht: “Má wati har chiz yalah dátág o tai randgíriá kanagá én.” ²⁹ Issáyá gwasht: “Haw! Báwar kanét, harkasá ke pa Hodáyá bádhsháhiá wati jan o chokk, brát, mát o pet yá lög o jághá yalah dátagant, ³⁰ hamé jaháná é chizáni badalá áiá báz géshtera rasit o á dega jaháná, abadmánén zenday wáhonda bit.”

^{b18:20} Dargwaz 20:12–16, Sharyatay Domi Rahband 5:16–20.

Dah garriay drahbakshi

¹¹ Issá dém pa Urshlimay rawagá, cha Sámerah o Jalilay simsarán gwazagá at. ¹² Wahdé dém pa yak métageá pédák at, dah syahgarrién mardom gón áiá dochár kapt. Dur óshtánt o ¹³ gón borzén tawáré gwashtesh: “Oo wájah Issá! Tará may sará bazzag bát.” ¹⁴ Issáyá ke distant gwashti: “Berawét watá pa dini pészhwáyán pész bedárét.” ^t Á, ráh geptant o ráhay nyámá, pák o palgár butant.

¹⁵ Cha áyán yakkéá, wahdé dist ke nun dráh ent, gón borztawári Hodáyá satá kanán, per tarret o átk, ¹⁶ Issáyá pádán kapt o shogri gept. Á, cha Sámerián^u at. ¹⁷ Issáyá jost kort: “Záná, har dahén cha gárra pák o palgár nabutét? Á dega nohén kojá ant? ¹⁸ É yakkén darkawmá^v abéd, cha áyán dega yakké pa Hodáyá sepat o sanáyá nayátk?” ¹⁹ Gorhá Issáyá gón á mardá gwasht: “Pád á, beraw, ke tai setk o báwará tará dráh kortag.”

Hodáy bádsháhi

(Mattá 24:37–40)

²⁰ Yak róché, lahtén Parisiá cha Issáyá jost kort: “Hodáy bádsháhi kadéna kayt?” Issáyá gwasht: “Hodáy bádsháhi chamzáherá gendaga nabit. ²¹ Gwashaga nabit ke Hodáy bádsháhi edá ent yá ódá. Chiá ke Hodáy bádsháhi, shomay delá ent.”^w

²² Padá gón wati moridán gwashti: “Yak wahdé kayt ke shomá pa Ensánay Chokkay rócháni yak róchéay gendagá armán o árzua kanét, bale á róchá nagendét. ²³ Mardom shomárá gwashant ke: ‘Á edá ent’ yá ‘Á ódá ent,’ bale shomá áyáni habará gón makapét. ²⁴ Anchosh ke grók cha yak kondhéá jant o sajjahén ásmáná jarhashkénit o rozhnága kant, Ensánay Chokk ham wati á róchá, anchosh záher o paddara bit. ²⁵ Bale awalá báyad ent bázén sakki o sóri besaggít o é zamánagay nasl o padréch áiá mamannant.

²⁶ “Hamá dhawlá ke Nuhay bárigá butag, Ensánay Chokkay róch ham anchosha bit. ²⁷ Á róchán, mardom ward o nósh o ság o surá dazgatth atant tán hamá róchá ke Nuh bójigá swár but. Randá, mazanán hár o tuppáná sajjahén mardom gár o bégwáh kortant.

²⁸ “Lutay zamánagá ham hamé dhawlá at, mardom pa warag o charag o badal o bándát o kesht o keshár o lóg o jághay bandagá goláésh atant, ²⁹ bale á róchá ke Lut cha Sodumay shahrá dar átk, Hodáyá cha ásmáná ás o rókén gókort gwárént o Sodumay sajjahén mardom gár o bégwáh kortant. ³⁰ Ensánay Chokkay paddar bayagay róchá, hamé dhawlá bit. ³¹ Á róchá, agan kasé wati lögay sará bebit o áiy ord o poténk lögá ér bant, pa áyáni zuragá jahlá ér makapit. Hamé dhawlá, agan kasé wati dhagáráni sará kesht o keshárá ent, á ham padá lögá per matarrit. ³² Lutay lóbánokay sargwastá yát bekanét.^x ³³ Harkas wati sáhay rakkénagay randá bebit, áiá báhénit. Harkas wati sáhá bebáhénit, áiá rakkénit. ³⁴ Shomárá gwashán ke á wahdá, agan do mardom yakkén taht o nepáday sará waptag, yakké baraga bit o domi hamódá pasht géjaga bit.^y ³⁵ Cha do janéná, ke hórigá jenteray sará dánay droshagá bant, yakké baraga bit o domi hamódá pasht géjaga bit. ³⁶ Do mard ke dhagáráni sará bit, yakké baraga bit o domi hamódá pasht géjaga bit.”^z ³⁷ Jostesh kort: “Oo Hodáwand! Kojá chosha bit?” Passawi dát: “Har jáh ke jóné kapit, ódá gittó^a o dhundhwárén morg moccha bant.”

Janózám o náhakkén káziay mesál

18 ¹ Issáyá pa moridán mesálé áwort tán áyán sarkech bedant o pész bedárít ke harwahd dwá bekanant o hechbar delprósh o náomét mabant. ² Gwashti: “Shahréá, yak kázié hastat ke

^t17:14 Tawrátá garray nádráh palit o nápká zánag butagant. Agan kasé cha é nájórhiá dráh bebit báyad ent gón Mussáy Sharyatay randgiriá dini pészhwáyán gwará berawt o hayráté bekant.

^u17:16 Yahudián Sámeri gomráh zántagant o gón áyán dayer o badal o bándát nakortag.

^v17:18 “Darkawm” bezán ák ke Yahudi naant.

^w17:21 Yá: shomay nyámá ent.

^x17:32 Lutay janá wati mál o manál dóst at, Hodáy habari nazort o paméshká mort.

^y17:34 Pasht géjag, bezán nazurag, yalah dayag, gechén nakanag.

^z17:36 Lahtén daznebeshtá, band 36 nést.

^a17:37 Gittó yak morgé ke dhundh, bezán gahetagén jóna wárt.

Janénéay drahbakshi o jenekéay zendag kanag

(Mattá 9:18–26; Markás 5:21–43)

⁴⁰ Wahdé Issá per tarret, rombé mardomá wasshátk cort, chiá ke sajjahén áiy rahchár atant. ⁴¹ Hamá wahdá, Yárus námén yak mardé ke kanisahay master at, Issáyá kerrá átk. Áiy pádán kapt o dazbandi o mennati kort ke: “Mani lógá byá.” ⁴² Chiá ke áiy yakkén jenék, ke omri dwádzdah sálay kesásá at, markig at. Wahdé Issá áiy lögay némagá rawagá at, mardom chakká kapán o télánk dayán áiy gwará mocch butant.

⁴³ Hamódá yak janéné ham hastat ke dwádzdah sál at áiy hón band nabutagat. Hechkasá ham á dráh kort nakortagat. ⁴⁴ Hamá janén, Issáyá poshti némagá átk o áiy kabáhay lambi dast jat o hamá damáná hón band but. ⁴⁵ Gorhá Issáyá gwasht: “Kayá mani kabáhay dast jat?” Wahdé hechkasá namannet, gorhá Petrosá gwasht: “Wájah! Wat gendagá ay ke mardomán tará chón angerr kortag^k o chakká kapán ant.” ⁴⁶ Bale Issáyá padá gwasht: “Allamá kaséá maná dast per kort, man máret^l ke wák o twáné cha man dar bayagá ent.”

⁴⁷ Wahdé janéná zánt ke é habar chér dayaga nabit, gorhá larzáná átk o Issáy pádán kapt. Áiy sajjahénáni démá gwasht ke chiá Issáy kabáhi dast per kortag o che paymá, hamá damáná cha wati nádráhiá rakketag. ⁴⁸ Issáyá gwasht: “Oo mani jenék! Tai setk o báwará tará rakkéntag, pa wassi o salámati beraw.”

⁴⁹ Issá angat habará at, ke cha kanisahay masteray lögá, mardomé átk o Yáyruši hál dát ke: “Tai jenék mortag o nun ostádá géshter delsyáh makan.” ⁵⁰ Issáyá é habar eshkot o gón Yáyruša gwashti: “Mators, báwar kan, tai jeneka rakkít.”

⁵¹ Wahdé Issá Yáyrušay lögá raset, áiá Petros, Yuhanná, Ákub o hamá jenekay pet o mátá abéd, dega hechkas hamráhiay ejázaat nadát. ⁵² Sajjahén mardom pa jenekay märká mótk o zári kanagá atant. Bale áiá gwasht: “Magréwét, á namortag, bass wáb ent.” ⁵³ Áyán Issáy sará kandet o kalág gept, chiá ke zántagatesh jenék mortag. ⁵⁴ Issáyá jenekay dast gept o gón borzén tawáré gwashti: “Oo mani chokk! Pád á.” ⁵⁵ Jenekay sáh per tarret o hamá damáná pád átk. Issáyá gwasht: “Chokká warag bedayé.” ⁵⁶ Chokkay mát o pet hayráñ o habakkah mantant, bale Issáyá kaddhan kortant ke é habará gón hechkasá magwashant.

Dwádzdahén kásedáni ehtiár

(Mattá 10:5–15; Markás 6:7–13)

9 ¹ Issáyá wati dwádzdahén kásed láthetant, áyáná sajjahén jenn o palitén ruháni dar kanag o nájórhiáni dráh kanagay zór o ehtiári ham dát. ² Pa Hodáy bádsháhiay jár janag o nádráhiáni drahbakshiá ráhi dátant. ³ Gwashti: “Ráhá, gón wat chizé mabarét, na asá o dazlatthé, na lót^m o turagé, na nán o tóshag, na zarr o na géshén jámag. ⁴ Wahdé lögéá rawét, tán shahray yalah dayagá hamá lögá bemánét. ⁵ Agan yak shahréay mardom shomárá wasshátká nakanant, gorhá dar áyagay wahdá, wati pádáni danzán hamódá bechandhét o betakénét tán áyáni helápá sháhedi bebit ke shomá Hodáy kolaw pa áyán rasentag.” ⁶ Gorhá Issáy morid dar kapt o métág pa métág har jáh, wasshén mestágesh pa mardomána rasent o nádráhén mardomesh dráha kortant.

Hirudisay parésháni

(Mattá 14:1–12; Markás 6:14–29)

⁷ Wahdé Jalilay hákem Hirudis, cha é sajjahén habar o hálán sahig but, paréshán o takánsarⁿ but chiá ke lahtén mardom Issáy bárawá chosh gwashagá at: “Á, Yahyá ent ke padá cha mordágán zendag butag,” ⁸ dega lahtén gwashagá at ke: “Elyás nabi záher butag,” o dega lahtén chosh ham gwashagá at ke: “Cha péshi zamánagay paygambarán yakké ke padá zendag butag.” ⁹ Gorhá Hirudisá gwasht: “Yahyáy sar wa man borretag, nun é kay ent ke áiy bárawá man é dhawlén hál eshkonagá án?” Á pa Issáy gendagá hodónák^o at.

^j8:43 Lahtén daznebeshtá ham átkag: Áiá wati sajjahén zarr pa wati dawá o darmáná tawán kortagatant.

^k8:45 Angerr kanag, bezán chapp o chágerdá gerag, Arabi o Pársia “moháserah”.

^l8:46 Márág, bezán mahsus kanag.

^m9:3 Lót, bezán turag, pélek, pélag.

ⁿ9:7 Takánsar, bezán kasé ke pegri gerept o janjálá kaptag, sarbatag.

^o9:9 Hodónák, bezán wáhagdár, armáni, lóthók, delmánag.

Panch hazár mardomá warák dayag

(Mattá 14:13–21; Markás 6:30–44; Yuhanná 6:1–14)

¹⁰ Wahdé Issáy kásed cha wati sapará per tarret o átkant, wati kortagén káráni hálesh Issáyá sar kort. Gorhá Issáyá á gón wat hamráh kortant o Bayt-Saydá námén shahréá shot tánke cha mardomán dur o gestáh beabant. ¹¹ Bale wahdé mardom sahig butant, áiyá randá ráh geptant. Issáyá á wasshátk kortant, Hodáay bádsháhiay bárawá sar o sój dátant o nádráhén mardom ham wassh o dráh kortant.

¹² Rónenday wahdá, dwázdahén kásed átkant o gwashtesh: “Nun é mardomán ráh day ke é gwar o kerráni métag o bázárán berawant o pa wat warag o wábíjhé shoház bekanant, chiá ke edá barr o gyábánén jághé.” ¹³ Bale Issáyá gwasht: “Shomá wat eshán warák bedayét.” Áyán passaw dát: “May kerrá panch nagan o do máhigá géshter chizé nést, bale haw, agan berawen pa é sajjahén mardomán warák pa bahá begerén.” ¹⁴ Cha á mardomán, kesás panch hazár mardén atant. Issáyá gón moridán gwasht: “Mardomán panjáh panjáhay thóliá benendárénét.” ¹⁵ Moridán anchosh kort o mardom nendáréntant.

¹⁶ Issáyá panchén nán o doén máhig zortant o ásmánay némagá cháret, Hodáay shogri gept o padá nán o máhigi chondh chondh kort o moridáni dastá dátanti tánke mardománi sará bahr bekanant. ¹⁷ Sajjahén mardomán lápsérá warag wárt o angat cha sar átkagén chondhán, dwázdah sapt porr but.

Petrosay gwáhi

(Mattá 16:13–28; Markás 8:27–33)

¹⁸ Yak róché, Issá éwaká dwá kanagá at o morid gón áiyá gón atant. Cha moridán josti kort: “Mardom mani bárawá ché gwashant, man kay án?” ¹⁹ Áyán passaw dát: “Lahténa gwashit taw pákhódókén Yahyá ay o lahténa gwashit taw Elyás nabi ay. Dega lahtén chosh ham gwashit, taw cha pésarigén zamánagay á dega nabián yakké ay ke padá zendag butagay.” ²⁰ Áiyá jost kort: “Shomá wat mani bárawá ché gwashét, man kay án?” Petrosá passaw dát: “Taw Hodáay ráh dátágén hamá Masih ay.”

Wati markay bárawá Issáy awali péshgói

²¹ Bale Issáyá á hokm kortant ke: “É habará gón hechkasá magwashét.” ²² Gwashti: “Ensánay Chokk báyad ent bázén sakki o sóri besaggít. Kawmay kamásh, mazanén dini péshwá o Sharyatay zánóger allamá áiyá mamannant o bekóshárénant o saymi róchá padá zendag bebit.”

Issáy randgiri

(Mattá 10:38–39; 16:28; Markás 8:34—9:1)

²³ Issáyá sajjahén mardom gwashtant: “Agan kasé lóthit mani randgiriá bekan, wati delay wáhag o lóthán yalah bedant o har róch wati jenday salibá baddhá bekan^p o mani ráhá gám bejant.

²⁴ Harkas ke wati sáhay rakkénagay johdá bebit, áiyá báhénit.^q Bale á ke pa manigi wati sáhá báhénit, áiyá rakkénit. ²⁵ Agan yakkéá sajjahén donyá berasit bale wati sáhá bebáhénit, chónén sóbé bárt o ché kattheta kant? ²⁶ Agan kasé cha man o mani habarán lajj^r bekan, gorhá Ensánay Chokk ham, á wahdá ke gón watig o ásmáni Petayg o pákén préshtagáni shán o shawkatá é jaháná padá kayt, cha áiyá lajja kant. ²⁷ Bale man shomárá rásténa gwashán, edá lahtén mardom óshtátag ke tán áyání démá Hodáay bádsháhi paddar mabit, markay támá nachashant.”

Issáy dém o dróshomay drapshnáki

(Mattá 17:1–9; Markás 9:2–9)

²⁸ Cha é habarán, kesás hasht róchá rand, Issáyá Petros, Yuhanná o Ákub hamráh kortant o pa dwáyá yak kóhéay sará shot. ²⁹ Wahdé Issá dwá kanagá at, áiyá démay rang badal but o gwaray god sakk espét but o drapshagá^s laggetant. ³⁰ Yak anágat do mardom paddar but o gón Issáyá habar

^p9:23 Salib baddhá kanagay maksad Issáy wáhagáni purah kanag ent.

^q9:24 Báhénag, bezán gár dayag, cha dast dayag.

^r9:26 Lajj, bezán sharm, hajálát.

^s9:29 Drapshag, bezán shahm janag, rozhná bayag, jalashkag.

¹⁶ “Tawrát o sajjahén nabiáni bárig, tán Yahyáy wahdá at. Nun randá, Hodáay bádsháhiay mestág dayaga bit o harkas johda kant wati ráhá dém pa áiyá dar begéjt. ¹⁷ Bezánét ke ásmán o zeminay gár o bérán bayag cha Sharyatay yak thekk o noktahéay kapag o dur bayagá báz ásánter ent.

¹⁸ “Agan kasé wati janá sawn o taláka dant o gón dega janénéá sura kant, zená kant o harkas ke gón talák dátágén janénéá sur o sánga kant, á ham zená kant.

Máldár o Ilázar

¹⁹ “Yak máldár o azgárén mardéá modám gránkimmatté^p pocch o pósháka póshet o wati róchi pa aysh o nósha gwázéntant. ²⁰ Ilázar námén yak garibén mardé hamáiy lógay dapá nádénag butagat ke jesm o jáni, sará tán pádá résh at. ²¹ Áiyay armán at ke cha azgárén marday parzónagay sar átkagén chondh o chánigán, wati lápá sér bekant. Kochek ham átkant o áiyay résh o násuresha chattetant.

²² “Wahdé á garib mort, préshtagán á zort o Ebráhémay kerrá bort. Azgárén mard ham mort o mardomán kabr o kapon kort. ²³ Hamá sér o azgárén mard, dózahá sakk bazzagi kasshágá at. Áiyá ke sar chest kort cha durá chammi o Ebráhémá kapt ke hamá Ilázar áiyay kashá nendók at. ²⁴ Gwánki jat: ‘Ebráhém, oo mani pet! Tará mani sará bazzag bát, Ilázará mani kerrá dém beday ke wati lankoká ápá bejant o mani nokká tarr bekant ke man ásá sochagá án.’ ²⁵ Bale Ebráhémá passaw dát: ‘Oo mani bacch! Hayálá bekap ke taw wati zendá sharrén chizáni wájah butagay o Ilázará wati róch pa bazzagi gwázéntagant. Bale á nun edá ásudag ent o taw azábán talwaságá ay.’ ²⁶ Eshiá abéd, shomayg o may nyámá, yak anchén johlén daragé borrag butag ke na may némagay mardom gwará shota kanant o na shomay némagay mardom may kerrá átka kanant.’

²⁷ “Padá azgárén mardá gón Ebráhémá gwasht: ‘Oo mani pet! Gorhá cha taw dazbandia kanán, Ilázará mani petay lógi rawán bekan, ²⁸ chiá ke mani panch brát ant o mani wáhag ent ke Ilázar áyáni kerrá berawt o áyán dháh bedant o hozzhár bekan, chosh mabit ke á ham é porazábén jághá byáyant.’ ²⁹ Bale Ebráhémá gwasht: ‘Áyáni kerrá Mussá o Nabiáni Ketáb hastant. Áyán bwánant o habaránesh góshe bedárant.’ ³⁰ Á mardá gwasht: ‘Na, oo mani pet Ebráhém! Cha mordagán agan kasé áyáni kerrá berawt, allamá á cha wati badén kárán pashómána bant.’ ³¹ Ebráhémá gwasht: ‘Agan á Mussá o paygambaráni habarán góshe nadárant, gorhá cha mordagán ham agan kasé zendag bebit o áyáni kerrá berawt, áiyá habarán ham báwara nakanant o namannant.’

Gonáh, báwar, zemmah

(Mattá 18:6–7, 21–22; Markás 9:42)

17 ¹ Issáyá gón wati moridán gwasht: “Nabit ke mardom rad majant o thagal mawárt, bale apszó pa hamá kasá ke degarán dém pa gonáhá bebárt. ² Cha é kasánokénán yakkéay dém pa gonáhá baragay badalá, gehter hamesh ent ke áiyay gardená jenteri táé bebandant o daryáyá chagali bedayant. ³ Cha wati kár o kerdán hozzhár bét. Agan tai brát gonáhé bekan, áiyá sarkech day o mayárig kan, agan pashómán but, bebakshi. ⁴ Toré róché hapt randá gonáh bekan o hapt randá tai gwará byayt o begwashit: ‘man pashómán án,’ bebakshi.”

⁵ Issáyá kásedán gón Hodáwandén Issáyá gwasht: “Wájah! May setk o báwará géshe kan.”

⁶ Gwashti: “Agan shomay báwar arzonéay kesásá^r ham bebit, shomá tuday é drachká hokm korta kanét ke: ‘Watá cha boná begwaj o beraw zeray^r tahá berod o besabz.’ Á wahdá, drachk shomay hokmán mannit.

⁷ “Cha shomá á kas kay ent ke áiyay hezmatkár cha dhagáráni nangár kanag, ramagay chárénag o káray halás kanagá byayt, wáhond áiyá begwashit: ‘Zut byá o benend o warag bwar?’ ⁸ Gón áiyá nagwashit: ‘Pésará pa man warag addh kan, tán man nawártag taw mani hezmatá bósht, wahdé man halás kort gorhá taw bwar?’ ⁹ Hodábond, wati hezmatkár shogr o mennatá gipt ke ‘taw mani hokm mannetag?’ Na, hechbar. ¹⁰ Hamé paymá shomá ham, sajjahén á hokmán ke shomárá dayag butagant sarjam bekanét o begwashét ke: ‘Má tai hezmatkár bayagay láhek ham naén, tahná wati zemmah o dhobbah^s sarjam kortagant.’”

^p16:19 Asligén Yunáni nebeshtánka gwashit: “jamurangén”. É rang bádshádi póshákáni rang at.

^q17:6 Asligén Yunáni nebeshtánka gwashit: “thélkáhay tohmay kesásá”. Thélkáhay bezán hardalay tohm báz gwandh ant.

^r17:6 Zer, bezán daryá.

^s17:10 Dhobbah, bezán ogdah, zemmah, Arabi o Pársia “wazifah”.

tánke jashné bekanén o wasshén waráké bwarén.²⁴ Chiá ke mani é chokk mortagat bale nun padá zendag butag, gár at o nun wadi butag. É dhawlá áyán gal o shádehi kort.

²⁵ “Bale masterén chokk dhagárani sará at. Wahdé lógay nazziká raset o sáz o zémelay tawári eshkot,²⁶ cha hezmatkárán yakké lóhet o josti kort: ‘Edá ché bayagá ent?’²⁷ Hezmatkárá passaw dát: ‘Tai brát padá lógá átkag o nun ke á pa wasshi o salámati rasetag tai petá jashné geptag o á pábondi gwaski koshtag.’²⁸ Gorhá, masterén brát sakk zahr gept o nalótheti lógá berawt. Bale pet dhanná átk o áiyawasshán kanágak mennatwár but.

²⁹ “Chokká petay mennatgiriai passawá gwasht: ‘Wati delá bechár, man inchok sálá tai kerrá golámély dhawlá kár kortag, hechbar cha tai hokmá dar nabutagán o taw maná yak sheneké ham nadátag ke gón wati dóst o hambalán shádehi bekanán.³⁰ Bale tai é chokká tai mál gón waylánkén¹ janénán gár o gárat kortag o taw pa áiyaw per tarragá pábondi gwaski koshtag.’³¹ Petá gwasht: ‘Oo mani chokk! Taw harwahd mani kerrá ay o harché ke maná hast á sajjahén taig ant,³² bale annun márá paméshká jashn o shádehi kanagi ent ke tai é brát mortagat o nun zendag butag, gár o bégwáh at o nun wadi butag o átkag.’”

Chálákén hesábdáray mesál

16 ¹ Issáyá gón wati moridán gwasht: ‘Azgár o hastómandén mardéni hesábdáre hastat. Wahdé pa áiá é hál sar but ke hesábdár áiyaw málá wárt o gára kant,² gorhá á lóhet o gwashti: ‘É chónén habar ant ke tai bárawá man eshkonagá án? Beraw wati sarjamén hesáb o ketábán begissín o byár o maná beday. Maróchi o rand, taw cha mani hesábdáriá dar ay.’³ Hesábdárá wati delá jérhet: ‘Nun chón bekanán ke mani wáhond maná cha kárá dar kanágá ent, bard o kódhál man jata nakanán, pendhagá ham maná lajja kant.⁴ Bale haw! Annun zánton ché bekanán. Býayad ent anchén káré bekanán ke wahdé cha kárá kasshaga bán, randá mardom maná wati lögán bellant.’

⁵ “Áiyawáhonday wáhmdár yak yakká wati kerrá lóthetant. Cha awali wáhmdárá josti gept: ‘Tará mani wáhonday chinchok wám per ent?’⁶ Passawi dát: ‘Maná yaksad kayl^m zaytuni rógen wám per ent.’ Hesábdárá gwasht: ‘Beger, esh ent tai wámáni kabz, zut benend o panjáh kayl benebis.’⁷ Padá cha domi wáhmdárá josti kort: ‘Tará chinchok wám per ent?’ Gwashti: ‘Yaksad kaylⁿ gandom.’ Hesábdárá gwasht: ‘É tai wámáni kabz ent. Beger o hashtád kayl benebis.’

⁸ “Wáhondá wati locch o dozzén hesábdár shábásh gwasht, ke áiá é kár, gón aglmandi kortagat. Chiá ke é wahday chokk gón wati zamánagay mardomán donyái gir o dáráni dar baragá, cha Nuray chokkán bezán Hodáí mardomán ákelter ant.⁹ Shomárá gwasht: ‘Donyáay é béwapáén málá pa sharrén dóstáni shóház kanágá kár bandét, tánke wahdé é mála hallit, shomárá abadmánén jaháná wasshátk bekanant.

¹⁰ Á ke gwandh o kasánén káráni sará tachk o rásta bit, mazanénáni sará ham rásta bit o á ke gwandhén káráni sará rásta nabit, mazanénáni sará ham rásta nabit.¹¹ Nun agan shomá é béwapá o kurhahén^o donyáay máláni sará rást o tachk mabét, gorhá kay barhakkén mál o ganjay bárawá shomay sará báwara kant?¹² Agan pa degaráni málá rást o tachk mabét, kay ent ke shomay wati málá, shomárá bedant?

¹³ “Hech golámé pa do wájahá hezmat korta nakant, yá gón yakkéá dozhmenia kant o domigi dóstá bit, yá gón awaligá wapádára bit o cha á degará badia kyat. Shomá yakwahd o yakjáh, Hodá o zarray golámiá korta nakanét.”

Sharyat o Hodáay bádsháhi

(Mattá 5:31–32; 11:12–13; Markás 10:11–12)

¹⁴ Parisi ke wat zarparast atant, gón é habarání eshkonagá, Issáesh kalág gept o rishkand kort.¹⁵ Issáyá gwasht: ‘Shomá hamá ét ke mardomání démá watá tachk o pahrézkár pésha dárét, bale Hodá cha shomay delay hálán sahig ent. Shomárá begwashán, hamá chiz ke mardomání gwará báz kimmáti ent, Hodá cha á chizá sakk békár ent.

^{k15:28} Wasshán kanag, bezán sohl kanag, áshit kanag.

^{15:30} Waylánk, bezán badkár, kahbag.

^{m16:6} Asligén Yunáni nebeshtánka gwasht: “yaksad batos”, bezán 3700 litaray kesásá.

^{n16:7} Asligén Yunáni nebeshtánka gwasht: “yaksad korus”, bezán 37000 litaray kesásá.

^{o16:11} Kurhah, bezán haráb, gandah, nápádár.

kanagá atant, yakké Mussá o á dega Elyás at.³¹ Á doén gón mazanén shán o shawkatéá záher butant o Issáy markay bárawá habar kanagá atant ke allamá Urshalimá bayagi at.

³² Petros o áiay hamráh Ákub o Yuhaná sakk wábénag atant, bale wahdé sharr ágáh butant, gorhá distesh ke Issá pa shán o shawkaté gón Mussá o Elyásá yakjáh ósztátag.³³ Wahdé á doén Issáy roksat kanag o rawagi atant, Petrosá gwash: ‘Wájah! May edá bayag sakl sharr ent, bell ke má say sáheg o kápára^t bandén, yakké pa taw, yakké pa Mussá o degaré pa Elyásá.’ Bale Petrosá wat nazánt ché gwashagá ent.

³⁴ Angat Petros habará at ke jambaréá^u áyáni sará sáheg kort. Wahdé jambar áyáni sará sáhél but moridán torset.³⁵ Cha jambará tawáré rost: ‘É mani gechéní Bacch ent. Shomá eshiay habarán gósh bedárét.’³⁶ Tawáray eshkonagá rand, moridán Issá éwaká dist. Áyán é sargwast wati delá dásht o á wahdá wati distagénes gón hechkasá nagwasht.

Jenni bachakéay drahbakshi

(Mattá 17:14–18; Markás 9:14–27)

³⁷ Domi róchá wahdé Issá o sayén morid cha kóhá é átkant, mardománi mazanén mocchié átk o gón Issáyá dochár kapt.³⁸ Cha mardománi nyámá yak mardomáé kukkár kanáná gwasht: ‘Oo ostád! Gón taw dazbandia kanán ke tará mani bachakay sará bazzag bebit, á mani yakkén chokk ent.³⁹ Jenné anágah mani chokká gipt o zhámbalénit^v o hamá damáná chokk ják o kukkára kant, kap o gajja bit. Áiyawáhonday chinchok wám per ent?’⁴⁰ Man gón tai moridán dazbandi kort ke é jenná bekasshant, bale áyán kasshet nakort.⁴¹ Issáyá gwasht: ‘Oo békár war o gomráhén nasl o padréch! Man tán kadéná gón shomá bemánán o besaggán? Chokká edá byár.’⁴² Wahdé chokk pédák at, jenná zhámbalént o dhagará jat. Issáyá jenn gón neherr o hakkalán mán bast, chokk dráh kort o petay dastá dát.⁴³ Sajjahén mardom cha Hodáay mazaniá hayrán but o bah mantant.

Issáy markay domi péshgoí

(Mattá 17:22–23; Markás 9:30–32)

Wahdé sajjahén mardom cha Issáy mójezah o ajabén kárán hayrán atant, gón wati moridán gwasht:⁴⁴ ‘Mani é habarán pa sharri delgósh kanét, Ensánay Chokk gón dagá^w o dróhag mardománi dastá dayaga bit.’⁴⁵ Bale morid áiyawáhonday habará sarpad nabutant, chiá ke pa áyán ramz o rázé at. Cha Issáyá jost kanagesh ham torset.

Mazani chi ent?

(Mattá 18:1–5; Markás 9:33–37)

⁴⁶ Issáy morid watmánwatá é gappay sará dapják kanagá atant: ‘Bárén, may nyámá sajjahénáni master o kamásh kay ent?’⁴⁷ Issáyá áyáni delay habar zánt o yak kasánén chokké wati kashá ósztárent o⁴⁸ gón moridán gwasht: ‘Harkas ke pa mani námaygi é kasánén chokká gón washwáhagi bezurit o wati gwará bedárít, bezán áiyawáhonday harkas ke maná bemannit hamá Hodáayá mannit ke maná ráhi dáttag, chiá ke cha shomá, hamá master ent ke watá cha sajjahénáni kastera zánt.’

Á ke shomay badwáh naent, gón shomá ent

(Markás 9:38–40)

⁴⁹ Yuhannáyá gón Issáyá gwasht: ‘Wájah! Má yak mardé dist ke gón tai námay geragá cha mardomán palítén ruhán dara kant, bale má á makan o manah kort, chiá ke á mard cha má naat.’

⁵⁰ Issáyá gwasht: ‘Na, é kárá makanét, chiá ke agan kasé shomay badwáh mabit, gón shomá ent.’

Sámeriáni namannag

⁵¹ Wahdé Issáy chest bayag o ásmáná rawagay wahd nazzik but, gorhá gón deljamén shawré dém pa Urshalimá sar gept.⁵² Bale cha watá pésar, lahtén kásedi ráh dát. Á shotant o Sámeriáni yak métagéá rasetant tánke cha áiyawáhonday pésar, pa áiyawáhonday bekant.⁵³ Bale óday mardomán

^{t9:33} Kápár, kápar, kapar.

^{u9:34} Jambar, bezán abr.

^{v9:39} Zhámbalénag, bezán chizéay gerag o pa trondi sorénag o larzénag.

^{w9:44} Dagá, bezán préb, repk. Arabi o Pársia “khiánat”.

Issá wasshátk nakort chiá ke á Urshalimá rawagá at.^x ⁵⁴ Wahdé Issáay morid, Ákub o Yuhanná cha é hálá sahig butant, gwashtesh: “Oo Hodáwand! Taw razá dayay má cha Hodáyá belóthén ke cha ásmáná ásé ráh bedant o eshán besóchit o hák o por bekant?” ⁵⁵ Bale Issáay chakk tarrént, á neherr o hakkal dátant.^y ⁵⁶ Randá gón wati moridán, dega métageá shot.

Kay Issáay morid buta kant?

(Mattá 8:19–22)

⁵⁷ Issá o áiay morid, ráhá rawagá atant. Yak mardéá gwasht: “Har jáh ke taw raway man tai hamráhá bán.” ⁵⁸ Issáyá gwasht: “Róbáhán hóndh o jágah hast o báli morgán kodóh o kodám, bale man ke Ensánay Chokk án, maná pa saray ér kanagá hech jágah nést.”

⁵⁹ Issáyá gón dega mardéá gwasht: “Byá, mani randgiriá bekan.” Bale áiá passaw dát: “Oo wájah! Maná mókal beday pésará rawán wati petá kabra kanán.” ⁶⁰ Issáyá gwasht: “Bell ke mordag wati mordagán wat kabr o kapona kanant, taw beraw o Hodáy bádsháhiay wasshén mestágá pa mardomán sar kan.”

⁶¹ Degráá gwasht: “Oo wájah! Man tai randgiriá kanán, bale maná bell tán pésará wati lógay mardomán roksat bekanán.” ⁶² Issáyá áiay passawá gwasht: “Á kas ke nangár kanagay wahdá poshtá chárít, Hodáy bádsháhiay hezmatkáriay láhek naent.”

Pa haptádén moridán Issáay sar o sój

(Mattá 10:1–15; Markás 6:7–13)

10 ¹ Cha eshiá rand, Hodáwandén Issáyá dega haptád^z morid gechén kort o hamá shahr o métagán ke rawagi at, cha watá pésar, do doá ráhi dátant o ² gón áyán gwashti: “Keshár báz ent, bale ronók^a kamim. Paméshká gón kesháray wáhondá dazbandi bekanét o belóthét ke pa wati keshárán ronók dém bedant. ³ Berawét, ke man shomárá gwaragáni dhawlá, gorkáni nyámá rawána kanán. ⁴ Wati sát o sapará gón wat, na zarturag o lót o pélek^b bezurét o na chawath o swás. Ráhá, gón kaséá géshén tayárjórhi makanét.

⁵ “Har lógeá ke rawéat awala begwashéti: ‘É lógay mardom dráh o émen bántan’. ⁶ Cha á lógay mardomán, agan kasé sohl o émeniay lóthók ent, shomay é émeniay wáhag pa áiá rasit o agan á nakarxit, shomay é wáhag padá pa shomá pera tarrit. ⁷ Hamá yakkén lóggá bedárét o lóg pa lóg marawét. Harché ke shomárá pa waragá dátesh, bwarét o benóshét, chiá ke kár kanók wati rózigay hakdár ent.

⁸ “Har shahréá ke rawét o á shahray mardom shomárá wasshátká kanant, gorhá harché ke pa waragá kárant, bwarét. ⁹ Hamá shahray nádráhán dráh kanét o mardomán begwashéti ke Hodáy bádsháhi nazzik ent. ¹⁰ Bale agan shahréá shotét ke á shahray mardomán shomárá wasshátk nakort, gorhá cha ódá dar byáét o hamá shahray rahasárán harkasá ke gendét, áyán begwashéti: ¹¹ ‘Shomay shahray hamá danz ke may pádán laggetag, má á danzán hamedá chandhén o takénén, tánke é danz sháhedi bedayant ke má Hodáy wasshén kolaw pa shomá áwort. Bale bezánét ke Hodáy bádsháhi nazzik ent.’ ¹² Báwar kanét, jost o porsay róchá Sodumay mardománi sezá cha á shahray mardománi sezá o azábá ásánter o kamtera bit.

Issáay bazhn

(Mattá 11:20–24)

¹³ “Bazhn o apsóz pa shomá, oo Korázinay mardomán! Bazhn o apsóz pa shomá, oo Bayt-Saydáy mardomán! Hamá mójezah o ajekkái^c ke man shomay nyámá pésch dáshtagant, agan Sur o Saydunay shahrán pésch bedáshténant, gorhá óday mardomán hamá wahdá wati gonáháni pashómániay pósák gwará kortagat o poráni sará neshtagatant. ¹⁴ Jost o porsay róchá, Sur o Saydunay

^x9:53 Urshalim, Yahudiáni pákén shahr at, bale Sámerián Urshalim pákén shahré namannet.

^y9:55 Lahtén daznebeshtá átkag: Issáyá gésh kort: “Shomá nazánét gón kojám ruhá hamgranch ét. Chiá ke Ensánay Chokk pa mardománi gár o tabáh kanagá nyátkag, pa áyáni rakkénagá átkag.”

^z10:1 Lahtén daznebeshtá “haptád o do” átkag. Anchosh band 17ay tahá.

^a10:2 Ronók, bezán hamá ke keshárá borrit o moccha kant.

^b10:4 Pélek, bezán turag, lót, pélag.

^c10:13 Ajekkái, bezán mójezah, hayrán kanókén kár.

na? ²⁹ Chiá ke agan é borjay bonredá ér bekant o némtamán bellit, sajjahén mardom ke gendant, áiá kalág o rishkanda kanant o ³⁰ gwashant: ‘É mardá káré bongéj kort bale sarjam kanagá dar mant.’

³¹ ‘Yá kojám bádsháh ent ke góne dega bádsháhá pa jangá sar begipt bale cha jangá pésar, manendit o é pegrá makant ke bárén góne dah hazáray pawjá, á bádsháhay bist hazári lashkaray démá dáshta kant yá na?’ ³² O agan begendit ke áiay démá dáshta nakant, gorhá angat ke dozhamenay lashkar dur ent, cha pésáh pa sohl o trána wati kásedán rawána kant. ³³ Hamé paymá, cha shomá harkasé, tán wahdá ke cha wati sajjahén mál o hastiá dast makasshit, mani morid buta nakant.

³⁴ ‘Wád sharr ent bale agan wáday tám berawt, gorhá chón áiá padá wádók korta kanant?’ ³⁵ Na pa zemin o dhágárá darda wárt o na samát buta kant, áiá dura réchant. Harkasá pa eshkonagá gósh hast, beshkont.’

Gárén mésh

(Mattá 18:12–14)

15 ¹ Nun sajjahén songi o máliátgir o gonahkárén mardom, Issáy gwará átkant tán áiay habarán beshkonant. ² Bale Parisi o Sharyatay zánóger, norondhán o iráz geráná gwashagá atant: ‘É mard gón gonahkárén nend o nyáda kant o gón áyán hór waraga wárt.’

³ Gorhá Issáy pa áyán é mesál áwort o gwashti: ⁴ ‘Cha shomá agan kaséá sad mésh bebit o cha áyán yakké gár bebit, gorhá nawad o nohén méshán charágáhá yalaha nadant o hamá gárén méshay shóházá narawt tán áiá dar begéjt?’ ⁵ Wahdé gárén méshá dara géjít pa galé wati kópagá kanti, ⁶ lóggá rawt, dóst o hamsáhegána lóthit o gwashit: ‘Gón man gal o shádehi kanét ke man wati á gárén mésh dar gétkag.’ ⁷ Man shomárá gwashán, hamé dhawlá pa yak pashómánién gonahkárén ásmáná mazanén jashné geraga bit, bale pa nawad o noh pahrézkárá ke áyán pashómáni darkár naent choshén jashné geraga nabit.

Gárén kaldár

⁸ ‘Yá ke agan janéná dah kaldár bebit o cha á dahén kaldárán yakké gár bebit, gorhá pa wati gárén kaldáray shóházá, cherág róka nakant o lóggá narópit? Tán áiá dar magéjít cha wati shóházá dasta kasshit?’ ⁹ Anchosh ke á kaldárá dara géjít, dóst o hamsáhegána lóthit o gwashit: ‘Gón man gal o shádehi kanét chiá ke wati gárén kaldáron wadi kortag.’ ¹⁰ Hamé paymá man shomárá gwashán, agan yak gonahkáré cha wati gonáhán pashómáni bebit o Hodáy ráhá byayt, Hodáy préshtagáni bárgáhá jashn o shádehi geraga bit.’

Gár o gomráhén bacch

¹¹ Issáyá gésh kanán kort o gwashti: ‘Yak mardéá do mardéñchokk hastat.’ ¹² Kasteréná yak róché gón petá gwasht: ‘Oo mani pet! Cha tai mál o melkatá, harché ke mani bahr o wandhá kapit maná annun beday.’ Gorhá petá wati sajjahén mál o maddhi doén chokkáni sará bahr kort.

^{13–14} ‘Lahtén róchá o rand, kasterén chokká wati sajjahén bahr yakjáh kort, zort o durén molkéá shot o sajjahén zarri pa hawasnáki gár kortant. Randá, á molká sakk dhokkál kapt o á dastang o mohtáj but.’ ¹⁵ Hamé molká, yak mardoméay kerrá shot o pa káréy geragá watá lacchénti. Gorhá, áiá wati dhágáráni sará hukkáni chárénolí kort. ¹⁶ Ódá haminchok shodig but ke delia lóthet hamá kónsagání bwárt o wati lápá sér bekant ke hukkáni warák atant, bale kassá pa waragá hecc nadát.

¹⁷ ‘Wahdé hóshi kort o zánti, gón wat bázén nawkar o kárdará lápá sérá waráká rasit o man edá shodá mark án.’ ¹⁸ Nun wati petay kerrá pera tarrán o áiá gwashán: ‘Oo mani pet! Man tai o ásmánay Hodáy gonahkár án o ¹⁹ nuna nakarzán ke tai chokk gwashag bebán. Maná wati hezmatkárani dhawlá yak hezmatkáré bekan.’

²⁰ ‘Gorhá pád átk o dém pa petay lóggá rahádag but. Petá ke cha durá dist deli pa áiá sotk o pa eshtápi áiay démá tachán but o gwarambázi kort o chokketi.’ ²¹ Chokká gwasht: ‘Oo mani pet! Man tai o ásmánay Hodáy gonahkár án o nuna nakarzán ke tai chokk gwashag bebán.’

²² ‘Bale petá wati hezmatkár gwashtant: ‘Eshtáp kanét, pa áiá gehterén kabáhá byárét o gwarái bedayét. Challah o mondriki dastá o kawshi pádá bedayét.’ ²³ Á pábondi gwaská byárét o bekoshét

ⁱ15:16 Kónsag, bezán karó o bánnaléenkay hamá drájén póst ke dánagi mán ent.

^j15:23 Pábondi, bezán hamá pas o gók ent ke pa helár kanagá lógay dapá dáranti.

Issá Parisiéay lógá mehmána bit

14¹ Shabbatay róché, Issá pa warákay waragá cha Parisi sarókán yakkéay lógá shotagat. Óday mardom pa delgósh áiá chágága atant ke bárén ché kant? ² Áiay dém pa démá, mardé at ke góñ jalandaray nádráhiáf gwát geptagat. ³ Issáyá cha Sharyatay kázi o Parisián jost gept: "Shabbatay róchá nádráháni dráh kanag rawá ent yá na?" ⁴ Bale á bétawár butant. Gorhá Issáyá á marday dast gept, dráhi kort o roksat dát ke berawt.

⁵ Gorhá Issáyá dém góñ áyán tarrént o gwashti: "Cha shomá kay ent ke áiay chokk yá gók Shabbatay róchá chátá bekaptit o áiá hamá damáná cha chátá dar makant?" ⁶ Bale áyán hech passaw dát nakort.

⁷ Wahdé Issáyá dist ke mehmán, che paymá diwánjháy sharterén jághán gechén kanagá ant, gorhá é mesáli dát o gwashti: ⁸ "Wahdé taw pa sur o áróséa lóthaga bay, diwánay sharterén jághán manend, balkén cha taw masterén mardomé ham lóthag butag. ⁹ Gorhá, á mehmándár ke shomá har doéni lóthettagant, tará gwashit: 'Wati jáhá áiá beday.' Gorhá taw pashal o sharmendaga bay o nácháriá, cha sajjahénán jahltera nenday. ¹⁰ Wahdé kasé tará mehmán bekant, sajjahénání poshtá benend, tánke mehmándár wat byayt o begwashit: 'Oo mani dóst! Byá o démáter benend.' Á wahdá, taw á dega mehmánáni chammá sharapdártera bay. ¹¹ Chiá ke harkas watá mazana zánt o lékit,^g kamsharapa bit o harkas watá jahl o érdasta marnit, washnám o sharapdára bit."

¹² Gorhá, Issáyá góñ mehmándará gwasht: "Wahdé taw pa sobáreg yá shámá mehmánia kanay, wati sangat, brát o syád yá hastómandén hamsáhegán malóth, chosh mabit ke á ham tai mehmánaiy badalá, tará mehmán bekanant o taw wati mehmánaiy badalá begeray. ¹³ Wahdé mehmánia kanay, gorhá nézgár o mondóh o lang o kórán belóth. ¹⁴ Gorhá bahtáwara bay, chiá ke áyáni kerrá chizé nést tará badalá bedayant o taw wati mozzá pahrézkárani padá zendag bayagay wahdá geray."

Mazanén mehmániay mesál

(Mattá 22:1–10)

¹⁵ Cha óday mehmánán yakkéá, góñ é habaray eshkonagá gwasht: "Bahtáwar ent hamá ke Hodáy bádhsháhiay mehmáníá waraga wárt." ¹⁶ Issáyá passaw dát o gwashti: "Mardéá mazanén mehmánié kort o bázén mardomé lótháént. ¹⁷ Mehmániaj róchá, góñ wati golámá gwashti: 'Beraw mani mehmánán begwash: 'Byáét ke har chiz nun tayár ent.'" ¹⁸ Bale cha á sajjahénán har yakkéá nimmóné kort o nayátk. Yakkéá gwasht: 'Man yak dhagáré pa bahá geptag o báyad ent pa áiay chágága berawán, paméshká pahellia lóthán.' ¹⁹ Degráé gwasht: 'Man panch jopt káiigar^h geptag o pa áyáni chágá o chakkáságá sar geptagán, paméshká pahellia lóthán.' ²⁰ Saymiá gwasht: 'Man noki sur kortag, paméshká átka nakanán.'

²¹ "Golám átk o wati hodábondi cha sajjahénáni hálá sahig kort. Hodábond é habaráni eshkonagá sakk zahr gept o hokmi kort: 'Pa eshtápi beraw, cha shahray tank o rahsarán, sajjahén nézgár, mondóh, kór o langán pa é mehmánaiy waragá byár.' ²² Randá, golám átk o góñ hodábondá gwashti: 'Wájah! Harché ke taw maná hokm dát man hamá dhawlá kort, bale angat jághah hastent.' ²³ Gorhá hodábondá wati golám hokm kort: 'Sháhrá dhann, ráh o rahsarán beraw, mardomán shóház kan o áyán mennat kan o mani lógrá byár tánke mehmánjáh cha mardomá porr bebit.' ²⁴ Shomárá rásta gwashán ke cha awali lóthettagén mardomán yakké ham, mani mehmánaiy warákána nachashit."

Issáy moridiay tawán

(Mattá 10:37–38; 16:24; Luká 9:23)

²⁵ Mazanén romb o mocchié, Issáyá hamráhi kanagá at. Áiay dém góñ áyán tarrént o gwashti: ²⁶ "Á ke lóthit mani morid bebit, agan cha wati pet o mát, jan o chokk, brát o gohárán o cha wati jenday sáhá ham sar magwazit, mani morid buta nakant. ²⁷ Agan kasé wati salibá baddhá makant o mani randá mayayt, á ham mani morid buta nakant.

²⁸ "Kay ent á ke lóthit borjé bebandit, bale cha borjay bandagá pésar, manendit o áiay zarr o málay hesábá makasshit o machárit ke bárén é kárav sarjam o purah kanagay wák o twáni hast yá

^f14:2 Jalandar nádráhié ke dast yá pád cha ápá gwáta gerant.

^g14:11 Lékag, bezán hesáb árag.

^h14:19 Káiigar, bezán mazanén narén gók.

mardománi sezá cha shomay sezá o azábá ásánter o kamtera bit.¹⁵ Oo Kaparnáhumay mardomán! Shomá chest kanag o ásmáná baraga bét? Hechbar! Tahtarunay johlánkián sarshakuna bét.

¹⁶ "Agan kasé shomay habarán gósh bedárit, á mani habarán ham gósha dárit. Harkas shomára mamannit, á maná ham namannit o mani namannók áiá ham namannit ke maná ráhi dátag."

¹⁷ Issáy haptádén morid góñ shádehi per tarretant o gwashtesh: "Oo Hodáwand! Cha tai námay zórákiá, jenn ham may hokmá mannant."¹⁸ Issáyá darráént: "Man Shaytán dist ke grókéay dhawlá cha ásmáná kapt.¹⁹ Man shomára hamá wák o ehtiár dátag ke már o zimm o dozhmenay sajjahén wák o kodratá lagatmál bekánat. Hech chiz shomára tawán dátá nakant o noksána narasénit.

²⁰ Bale pa eshiá delwassh mabéit ke jenn shomay hokmá mannant, shomay delwasshi é bebit ke námó ásmáná nebisag butag."

Issáy shádmáni

(Mattá 11:25–27; 13:16–17)

²¹ Hamá damáná, góñ Pákén Ruhá gal o shádán, Issáyá gwasht: "Oo Pet, zemin o ásmánay Hodábond!^d Tará satá kanán o sárháyán ke taw é ráz o habar cha zántkái o hóshmandán chér dátant o kódakáni sará paddar kortant. Oo Pet! Taw cha wati razá o wáhagá é dhawlá kort.

²² Sajjahén chiz, Petá mani dastá dátagant. Abéd cha Petá, hechkas Chokká nazánt, hamé dhawlá, abéd cha Chokká o hamá mardomán ke Chokk belóthit Petá pa áyán paddar bekant, dega hechkas Petá nazánt."

²³ Padá Issáyá pa ehwat o halwatá dém góñ moridán kort o gwashti: "Bahtáwar ant hamá chamm ke harché shomá distag á ham begendant. ²⁴ Man shomára gwashán, bázén paygambar o bádhsháhí wáhag o morád hamé butag ke harché shomá gendagá ét áyán ham bedistén, bale nadistesh o harché shomá eshkonagá ét áyán ham beshkotén bale naeshkotesh."

Nékén Sámeriay mesál

(Mattá 22:34–40; Markás 12:28–31)

²⁵ Cha Sharyatay kázián yakké, Issáy kerrá átk o pa áiay chakkásá josti kort: "Oo ostád! Man chón bekanán ke namiránén zenday wáhond bebán?" ²⁶ Issáyá passaw dát: "Sharyatá ché nebeshtah ent, cha áiay wánagá taw ché sarpada bay?" ²⁷ Áiá passaw dát: "Wati Hodáwandén Hodáyá, pa del, góñ sajjahén jáñ o sáh, góñ sajjahén was o wák o góñ sajjahén pahm o pegrá dóst bedáre o hamsáhegá ham wati jenday paymá mehr bekan."^f ²⁸ Issáyá gwasht: "Taw sharr gwashtag, hamé dhawlá bekan, tará abadmánén zenda rasit."

²⁹ Nun Sharyatay zánógerá pa é sawabá ke pésh bedárit áiá sharrén josté kortag, cha Issáyá padá jost kort: "Gorhá, mani hamsáheg kay ent?"

³⁰ Áiay passawá, Issáyá chosh gwash: "Yahudi mardé cha Urshalimá dém pa Ariháy shahrá rawagá at. Ráhá, dozzán gept o áiay mál o maddhi^g polet o áiay pocch o póshek pach geptant, jat, latth o kotth o nézmádag kort o ráhay sará dawr dát o shotant. ³¹ Bé gat o gománá, cha hamé ráhá yak dini péshwáé gwazagá at, wahdé é mardi dist, wati ráhi táb dát o gwast. ³² Hamé dhawlá, mazanén parasteshgáhay hezmatkáré ham cha hamé ráhá gwazagá at, wahdé á mardi dist gwast o shot. ³³ Bale randterá, Sámeri kawmayh yak mardé cha ódá gwazán, hamé jágháh raset. Wahdé á mardi dist, áiay sará bazzagi but, ³⁴ áiay kerrá átk o thappi góñ sharab o thél darmán kort o bastant, wati óláká swár kort, yak kárwánsaréé awort o áiay hayáldári kort. ³⁵ Domi róchá, kárwánsaréay hodábondi do dinár dát o gwash: "É marday hayáldári bekan, agan cha é zarrán géshter pakár but per tarragay wahdá tará dayán."

³⁶ Gorhá Issáyá cha hamá Sharyatay zánógerá jost kort: "Taw ché gwashay, cha á sayénán kojámiá góñ é zadag o thappigén mardá wati hamsáhegi zemmaghári sarjam kort?" ³⁷ Áiá passaw dát: "Hamá ke áiay sará bazzagi but." Issáyá gwasht: "Beraw taw ham anchosh bekan."

^d10:21 Hodábond, bezán wájah, wáhond, málek, sáheb.

^e10:27 Láwián 19:18.

^f10:27 Sharyatay Domi Rahband 6:4 o rand.

^g10:30 Maddhi, bezán ganj o hasti.

^h10:33 Yahudián Sámeri gomráh zántagant o góñ áyán dayger o badal o bándát nakortag.

Issá, Maryam o Martáay lógá

³⁸ Issá o áiay morid, gwazán o pand janán, átk o métageá rasetant. Ódá, Martá námén janénéá Issá wati lógá mehmán kort. ³⁹ Martáyá Maryam námén goháré hastat ke pa Hodáwandén Issáy harbaráni gósh dárágá áiay pádáni démá nesht.

⁴⁰ Bale Martá ke mehmáníay káráni chen o lánczá dazgath at, Issáy kerrá átk o gwashti: “Oo Hodáwand! Tará é habaray parwáh nést ke mani gohárá maná kár kanagá tahná yalah dáttag? Begwashi maná komak bekant.” ⁴¹ Bale Hodáwandén Issáyá passaw dát: “Martá, oo Martá! Taw bázén kár o báráni sará watá negrán o deltaparkahaiⁱ kanay, ⁴² bale tahná yak chiz zalurat ent. Maryamá hamá gehterén pa wat gechén kortag ke cha áiá pach geraga nabit.”

Dwáay bárawá

(Mattá 6:9–13; 7:7–11)

11 ¹ Yak baré Issá jágahé dwá kanagá at, wahdé dwái hallént, cha áiay moridán yakkéá gwasht: “Oo Hodáwand! Anchosh ke Yahyáyá wati morid dwá kanag sój dáttagant hamé paymá taw ham mårá dwá kanag sój beday.” ² Issáyá gwasht: “Harwahd dwá kanét, é dhawlá begwashéti: ‘Oo Pet!^j Tai nám sharapdár bát. Tai bádsháhi byáyát.^k

³ May har róchigén rezk o rózigá har róch mårá beday.

⁴ May gonáh o radián bebaksh, anchosh ke má wati sajjahén daynkárána bakshén. Márá ázmáesh o chakkásá dawr maday.”^m

⁵ Gorhá Issáyá gwasht: “Cha shomá yakké, agan shapnémá wati sangatay lógá berawt o begwashit: ‘Oo brát! Maná say nán pa badal beday, ⁶ ke dósté cha sapará átkag o mani lógá pa waragá heccch nést,’ ⁷ buta kant á cha wati lógá jwáb bedant o begwashit: ‘Oo dóst! Maná delysyáh makan, lógay dap band ent o man gón chokkán waptagán. Annun pád átka nakanán tará chizé bedayán.’ ⁸ Shomárá gwashán, é mard agan pa dóstiá pád mayayt o áiá chizé madant, bale cha áiay bázén lézgi o lés o pellésáⁿ páda kayt o harché á lóthít danti.

⁹ Nun shomárá gwashán: Belóthét, shomárá dayaga bit. Shóház bekanét, dara géjét. Darwázagá bethokkét, pacha bit. ¹⁰ Chiá ke harkas belóthít, áiá rasit. Harkas shóház bekant, dara géjít. Harkas darwázagá bethokkit, pa áiá pacha bit.

¹¹ “Shomay nyámá choshén peté hast ke agan áiay chokk máhig belóthít måré bedant? ¹² Yá agan hayké belóthít, zimmé bedant? ¹³ Nun agan shomá ke radkár ét, angat ham wati chokkán sharrén chizáni dayagá zánét, gorhá may ásmáni Pet chenkadar shartera zánt ke wati lóthókén chokkán Pákén Ruhá bedant.”

Issá o Belzabul

(Mattá 12:22–30, 43–45; Markás 3:22–27)

¹⁴ Yak baré, Issá cha yakkéá jenné dar kanagá at ke áiá é mard gong kortagat. Wahdé jenn dar átk, gongén mard habar kanagá lagget o sajjahén mardom hayrán butant. ¹⁵ Bale lahténá gwasht: “Issá cha jennáni sardár Belzabulay sarókiá, jennána kasshit.” ¹⁶ Dega lahténá pa Issáy chakkásagá cha áiá ásmáni neshánié lóthet. ¹⁷ Bale Issáyá áyáni delay hál o habar zántant o gwashti: “Agan yak molkéá nátepáki bekapit, á molk gár o zawála bit, agan yak lögéay mardom gón wat jang o jérhah bekanant, á lóg haráb o barbáda bit. ¹⁸ Agan Shaytán gón wat jang bekant, gorhá áiay bádsháhi chón barjáha mánit? Shomá gwashéti ke man cha jennáni sardár, Belzabulay komaká jennán dara kanán.” ¹⁹ Nun agan man gón Belzabulay sarókiá jennán dara kanán, gorhá shomay jenday chokk o morid gón kai zór o wáká jennán dara kanant? É paymá, shomay morid wat shomárá mayáriga kanant. ²⁰ Bale agan man gón Hodáay zór o wáká jennán dara kanán, bezánét ke Hodáay bádsháhi shomay nyámá rasetag.

ⁱ10:41 Deltaparkah, bezán paréshán, deltrakk.

^j11:2 Lahtén daznebeshtá átkag: Oo ásmáni Pet.

^k11:2 Lahtén daznebeshtá átkag: tai wáhag o erádah zeminay sará ham hamá dhawlá sarjam bát ke ásmáná sarjama bit.

^l11:4 Lahtén daznebeshtá gésh kanag butag: o mårá cha sherr o Shaytáná berakkén.

^m11:8 Yá: pa laj o mayáray háterá. Lés o pellés, bezán bázén takrár.

¹⁴ Bale kanisahay master pa é sawabá ke Issáyá Shabbatay róchá drahbakshi kortagat nárazá but o gwashti: “Shomárá pa wati kárán shash róch hast o hamá róchán pa wati drahbakshiá byáét, na ke Shabbatay róchá.” ¹⁵ Hodáwandén Issáyá áiay passawá darráent: “Oo shatalkárén riákárán! Cha shomá hechkas Shabbatay róchá wati har o gókán cha wati banjhána nabójit o dhanná pa áp dayagá nabárt?” ¹⁶ Gorhá, é janén, ke Ebráhémay nasl o padréch ent o hazhdah sál ent ke Shaytáná wati bandig kortag, chiá Shabbatay róchá cha wati azábán ázát o ásudag kanag mabit?”

¹⁷ Wahdé Issáyá chosh gwash, áiay sajjahén badwáh pashal o sharmendag butant. Bale é dega sajjahén mardom cha Issáy é mójezah o ajabén kárán báz washdel o shádán butant.

Hodáay bádsháhiay do mesál

(Mattá 13:31–33; Markás 4:30–32)

¹⁸ Randá, Issáyá gwasht: “Hodáay bádsháhi che paymá ent? Áiá gón chónén chizé hamdarwar bekanán?” ¹⁹ Hodáay bádsháhi, thélkáhay^a tohmay paymá ent ke mardéa zort o wati bágá kesht. Á dánag rost o drachkéay dhawlá but o báli morgán áiay ták o tháláni chérá kodóh o kodám bast.”

²⁰ Padá gwashti: “Man pa Hodáay bádsháhiá chónén mesálé pésh bekanán?” ²¹ Hodáay bádsháhi hamá homiray paymá ent ke janénéá zort o gón bázén ártéá^b hawár kort o kam kammá sajjahén árt gwát gept o homir but.”

Tankén darwázag

(Mattá 7:13–14, 21–23)

²² Issá shahr pa shahr o métag pa mardomán sar o sój dayán dém pa Urshalimá rawagá at, ²³ yakkéá just kort: “Oo wájah! Bárén, cha mardomán, tahná kammokéné rakkit?” ²⁴ Áiá passaw dát: “Johd kanéti cha tankén darwázagá begwazét, chiá ke man shomárá gwashán, bázéné cha hamé darwázagá gwazagay johdá kant, bale gwasta nakant. ²⁵ Wahdé kayt ke lögay hodábond páda kayt o lögay darwázagá banda kant, gorhá shomá lögay dapá óshtét o harchont darwázagá thokkét o tawára kanéti: ‘Oo wájah! Darwázagá pa má pach kan!', bale á passawa dant ke: ‘Man shomárá pajiáha nayárán o nazánán cha kojá ét.’ ²⁶ Shomá gwashán: ‘Má góñ taw hamwán^c o hamdiwán butagén o taw may damk o kuchahán mårá sar o sój dáttag.’ ²⁷ Bale á passawa dant: ‘Man shomárá pajiáha nayárán o nazánán cha kojá ét? Oo radkárán! Cha mani démá dur bét.’ ²⁸ Á wahdá, gréwét o dantán pa dantána droshét, chiá ke Ebráhém, Eshák, Ákub o sajjahén paygambarán, mán Hodáay bádsháhiá gendét, bale wat cha Hodáay bádsháhiá dhanná dawr dayaga bét.

²⁹ É dega mardom cha ródarátk^d o rónend o cha shomál o jonubay chárén némagána káyat o Hodáay bádsháhiay parzónagay sará nendant. ³⁰ Haw, anchosh ent ke áheri, awalia bant o awali, áheria bant.”

Pa Urshalimá Issáy gam o andóh

(Mattá 23:37–39)

³¹ Hamá wahdá, lahtén Parisi, Issáy gwará átk o gwashtesh: “Nun taw é jágháh yalah kan o dega jáhéá beraw, chiá ke Hirudis tai koshagay randá ent.” ³² Áyáni passawá gwashti: “Berawéti á róbáhá begwashéti ‘Maróchig o bándá, jennána kasshán o mardomán dráha kanán o saymi róchá, wati kárá sarjam pa sara rasénán.’ ³³ Bale maróchi, bándát o póshi, allamá wati é sát o sapará démá barán, chiá ke hech paygambaray kósh cha Urshalimá dhanná nabit.

³⁴ “Urshalim, oo Urshalim! Taw paygambarána koshay o Hodáay ráh dáttagénán sengsára kanay. Báz randá man lóthettag tai chokkán wati kerrá mocch o yakjáh bekanán, anchosh ke nekénkén morgé chureg o chippokán wati bál o báanzoláni chérá moccha kant, bale shomá nalóthet.” ³⁵ Nun shomay lögay ákebat, shomay wati dastá yalah dayaga bit. Shomárá gwashán dega baré maná nagendét tán á wahdá ke cha wati zobáná begwashéti: ‘Mobárák bát hamá ke pa Hodáwanday námá kayt!’^e

^a13:19 Thélkáh, bezán hardal.

^b13:21 Asligén Yunáni nebeshtánka gwashit: “say sátá”, bezán cha bist litará gésh.

^c13:26 Hamwán, bezán yakjáh warák warag.

^d13:29 Ródarátk, bezán hamá némag ke róch dara kayt, mashrek.

^e13:35 Zabur 118:26.

koth bekant.⁴⁶ Áiay hodábond anchén róch o sáhatéá kayt o rasit ke á nazánt o wadárá naent. Gorhá hodábond áiá thokkor thokkora kant o béwapá o nábwáwaráni nyámá dawra dant.

⁴⁷ Á hezmatkár ke watí hodábonday wáhag o delkasshiána zánt, bale angat áiay razá o morádáni sará kár kanagá watá tayára nakant, bázén latthé wárt.⁴⁸ Bale hamá ke pa názánti anchén radé jant ke latth o kotthay sezáwár ent, kamter lattha wárt. Chiá ke cha masterén mansabdárá géshter jost o porsa bit o kaséá ke géshter zemmaghwári dayag butag, cha áiá géshter hesáb geraga bit.

Issáy randgiri

(Mattá 10:34–36)

⁴⁹ “Man donyáyá átkagán ke ásé rók bekanán. Drégatá é wahdi á ás rók butén.⁵⁰ Bale cha áiá pésar, maná pákshódié zalurat ent,^w ke pa áiay sarjam kanagá báz paréshán o bétáhir^x án.⁵¹ Gomána kanét man átkagán tán zeminay sará tepáki o sohl byárán? Na, man pa jetáiy áragá átkagán.⁵² Cha é damáná o rand, har lógay panchén mardománi nyámá jetáia kapit, say doay helápá o do sayay helápá bit.⁵³ Pet gón chokká nátepáka bit o chokk gón petá, jeneb cha mátá jetá bit o mát cha jenebá, wassig gón neshárá nátepáka bit o neshár gón wassigá.”

Neshániáni pajjár

(Mattá 5:25–26; 16:2–3)

⁵⁴ Gorhá Issáyá gón mardomán gwasht: “Wahdé shomá dém pa rónendá gendét ke jambaréá bastag, hamá damáná gwashét ke hawra bit o hawr ham gwárit.⁵⁵ Wahdé cha jonubá gwáta kasshit, gwashét ke maróchi garm o lewára bit o hamé dhawlá ham bit.⁵⁶ Oo dopóstén shatalkárán! Wahdé shomá zemin o ásmánay rang o neshániána zánét ke ché bayagi ent, gorhá chón é annugén zamáñagay neshánián kesás korta nakanét?

⁵⁷ “Shomá pa ché rástiá wat kesás korta nakanét?⁵⁸ Wahdé gón watí daynkárá hakdiwánay raway, johd kan ráhá gón áiá pa sohl o saláh berasay. Chosh mabit ke tará káziyahá Kerrá bebárt o á tará sepáhigay dastá bedant o sepáhig tará bandijáhá bebárt o jél bekant.⁵⁹ Tará gwashán, tán wahdé ke taw zarráni goddhi pai o paysahá porr makanay, cha ódá ázáta nabay.”

Pashómán bebét

13 ¹ Hamá wahdá, lahténá gón Issáyá á Jalili mardománi bárawá hál o habara kort ke Pilátusá koshtagatant o áyáni hón, gón hamáyáni korbánigén dalwatání^z hóná hór o hawár kortagat.² Issáyá áyáni passawá gwasht: “Shomá gomána kanét, á Jalili ke pa choshén bazzagi o syahróchié dochári kaptant, cha á degarán gonahkárter atant?³ Man shomárá gwashán na, chosh naent, bale agan cha watí gonáhán pashómán mabét, shomá ham hamáyáni dhawlá gár o gomsára bét.⁴ Gomána kanét hamá hazhdahén mardom ke Siluháy borj áyáni sará kapt o mortant, cha Urshalimay á dega sajjahén mardomán radkárter atant?⁵ Man shomárá gwashán na, shomá ham, agan cha watí gonáhán pashómán mabét, hamáyáni dhawlá gár o gomsára bét.”

⁶ Padá Issáyá pa áyán mesálé jat: “Mardéá watí anguri bágá enjiray drachké hastat. Yak róché, á enjiray baráni chárágá bágá shot, bale baré nadisti.⁷ Gorhá gón watí bágpáná gwashti: ‘Say sál ent ke man é enjiray baráni chárágá káyán bale heccha nagendán. Begoddhi tán zeminá békbar o bésamar makant.⁸ Bale bágpáná passaw dát: ‘Wájah! Dega yak sálé belli, man eshiay boná kóchán o kolóndhán o samáta dayán,⁹ démi sálá, agan bari dát sharr, agan nadáti gorhá begoddhi.’”

Kompén janénéay drahbakshi

¹⁰ Shabbatay róché, Issá yak kanisahéá mardomán sabak o tálim dayagá at.¹¹ Yak janéné hamódá at ke hazhdah sálá, yak arwáháá nádráh kortagat. Kompi jatagat o hech dhawlá watí sréni tachk korta nakort.¹² Wahdé Issáyá chamm pa áiá kaptant, tawári kort o gwashti: “Oo janén! Taw cha watí nájórhiá rakketay.”¹³ Issáyá watí dast áiay sará ér kort o hamá damáná á kompén janénay srén tachk but o Hodáy sepat o sanáyá lagget.

^w12:50 Issáy mána watí mark ent.

^x12:50 Bétáhir, bezán náráram, békárár.

^y12:58 Hakdiwán, bezán ámidges, dádgáh.

^z13:1 Dalwat, bezán haywán.

²¹ “Agan yak zóráwarén mardomé seláhband bebit o watí lógay negahpániá bekant, gorhá áiay mál o melkat barjáha mánant.²² Bale agan zórmandterén mardomé áiay lógay sará hamlah o oroshⁿ bebárt o cha áiá sardast bebit, hamá seláhán ke á mard cha áyán deljam at, cha áiá pacha gipt o áiay mál o melkatá bahr o bángá kant.²³ Kasé ke mani hamráh o dóstwáh naent á mani badwáh ent, kasé ke mocch o yakjáh kanagá gón man hór naent, á tak o park o sheng o shánga kant.

²⁴ “Wahdé jenné cha kaséá dara kayt, gorhá gyábáná rawt tán pa watí árámi o ásudagiá jáhé shóház bekant, bale choshén jágahé narasiti. Gorhá gwashit: ‘Cha ódá ke dar átkagán, padá hamódá rawán.’²⁵ Wahdé pera tarrit o gendit ke á jágah roptag o sáp o sallah ent,²⁶ gorhá rawt o cha watá dega hapt selterén jenna kárit. Á sajjahén, hórigá ódá rawant o ord o bonaga kanant. É dhawlá, á mardomay ásár o ákebat cha pésarigéná angat badtera bit.”

²⁷ Hamé wahdá ke Issá é habarán kanagá at cha mardománi nyámá yak janénéá gwánk jat: “Bahtáwar hamá mát ent ke cha áiay lápá taw péda butagay o tará shiri méchéntag.”²⁸ Issáyá áiay passawá darráént: “Bahtáwar hamá ant ke Hodáy habarán gósha dáránt o áyáni sará kára kanant.”

Neshániay lóthag

(Mattá 12:39–42; Markás 8:12)

²⁹ Wahdé mardománi mocchi géshter bayán at, Issáyá gwasht: “É zamáñagay mardom sherr o zenahkárén mardom ant. Ajabbatén neshániá lóthant, bale áyán Yunes nabiay neshániá abéd, dega hech neshánié dayaga nabit.³⁰ Anchosh ke pa Naynawáay mardomán Yunes yak neshánié at, hamé paymá Ensánay Chokk ham wat pa é zamáñagay mardomán yak neshánié bit.³¹ Jost o porsay róchá, Sabáay malakah^o gón é zamáñagay mardomán hórigá páda kayt o áyán mayáriga kant, chiá ke Sabáay malakah cha donyáy á dastá átk tán Solaymánay hekmatá beshkont. Bale nun cha Solaymánay masteréné edá ent.³² Jost o porsay róchá, Naynawáay mardom gón é zamáñagay mardomán hórigá páda káyant o áyán mayáriga kanant, chiá ke á, Yunesay dháh o hozzhárbašhay sará cha watí gonáhán pashómán butant. Bale nun cha Yunesá masteréné edá ent.

Jesm o jány rozhnái

(Mattá 5:15; 6:22–23)

³³ “Hechkas cherágá pa chér dayagá róka nakant o na áiá tagáray chérá éra kant. Áiá cherágjáhay sará éra kant, tán harkas ke lóngá kayt áiay rozhnáiá begendit.³⁴ Tai chamm, jesm o jány cherág ent. Wahdé tai chamm wassh o dráh ent, tai sajjahén jesm o jány rozhnágá bit, bale agan tai chamm nádráh bebit, gorhá tai jesm o jány ham tahára bit.³⁵ Hozzhár bay, é nur o rozhn ke tará hastent, tahár mabit.³⁶ Agan tai sajjahén jesm o jány rozhnág bebit o áiay hech bahré tahár mabit, gorhá sarjamiá drapshnáka bit, anchosh ke cherágay shahm tará rozhnágá kant.”

Parisi o Sharyatay zánógeráni mayárig kanag

(Mattá 23:1–36; Markás 12:38–40; Luká 20:45–47)

³⁷ Wahdé Issáyá habar halás kort, yak Parisiéá á watí lóngá mehmán kort, Issá áiay lóngá shot o pa warákay warágá parzónagay sará nesht.³⁸ Bale wahdé Parisié dist ke Issáyá cha waragá pésar dast nashoshtant hayrán mant.³⁹ Gorhá Hodáwandén Issáyá dém gón áiá kort o gwashti: “Shomá Parisi, pyálah o darpáni dhanni némagá sáp o sallaha kanét, bale shomay darun cha lálech o tamah o ráden kárán porr ent.⁴⁰ Oo násarpadán! Áiá ke shomay dhanni némag, bezán jesm o jány addh kortag, shomay del o darun ham hamáiá najórhéntag?”⁴¹ Gorhá cha darunay chizán hayrát bedayéét tán sajjahén chiz pa shomá pák o sallah bebant.

⁴² “Oo Parisián! Bazhn o apsóz pa shomá ke purchénk o sadáp o é dega káhokáni sará dahyakka dayét bale cha dádrasi o ensáp o Hodáy mehrá békayál o bétránag ét. Drégatá,^p shomá é kár bekorténant o á ham yalah madáténant.⁴³ Oo Parisián! Bazhn o apsóz pa shomá ke kanisaháni awali red o srabay nendag o bázárán mardománi wasshákt o drahbátán dósta dárét.⁴⁴ Bazhn ent, shomá hamá kabráni paymá ét ke áyáni sará seng o shakk^q nést o gendaga nabant o mardom pa názánti áyána lapáshant o gwazant.”

ⁿ11:22 Orosch, bezán hamlah.

^o11:31 Asligén Yunáni nebeshtánka gwashit: “jonubay malakah”.

^p11:42 Drégatá, bezán dréch, Pársiá “káshki”.

^q11:44 Shakk, bezán kabray seng ke áiay sará mordagay námá nebisant.

⁴⁵ É habaráni sará Sharyatay káziéá gwasht: “Oo ostád! Taw gón wati é habarán, márá ham béezzat kanagá ay.” ⁴⁶ Issáyá gwasht: “Oo Sharyatay kázián! Pa shomá ham bazhn o apsóz ent. Shomá mardománi chakká gránén bára laddhét ke cha áyáni zórá gésh ent, bale wat pa komak kanagá, lankok o mórdánagé^r ham nasorénét.

⁴⁷ “Bazhn o apsóz pa shomá! Hamá nabiáni kabráni sará gombod o addiraha bandét ke shomay pet o pirokán koshtagant. ⁴⁸ É paymá, shomá wat áyáni é káray sháhed o mannóger ét. Shomay pet o pirokán paygamar koshtagant o shomá áyáni kabráni sará addiraha bandét. ⁴⁹ Paméshká, Hodáyá cha wati hekmatá gwashtag: Man paygamar o kásed pa áyán ráha dayán, bale á lahténá koshant o lahténá ázára dayant. ⁵⁰ Paméshká cha donyáy bongéjá hamá sajjahén paygamar ke mardomán koshtagant, áyáni hón é zamánagay mardománi gardená ent, ⁵¹ bezán Hábilay hóná beger tán Zakariáy hóná, ke korbánjáh o mazanén parasteshgáhay nyámá réchag but. Haw!

⁵² “Oo Sharyatay kázián! Bazhn ent ke shomá zántkáriay hazánagay kelit zort o bort, na wat tahá átkagét o na á ke ráhá ant, tahá rawágá eshtagant.”

^{53–54} Wahdé Issá cha ódá dar átk, Parisi o Sharyatay zánoger gón zahrnáki áiay démá óshtátant o bázén jost kanagá laggetant, tán Issáyá cha áiay jenday habarán mán begisshénant o dámá dawr bedayant.

Riákáriay homir

(Mattá 10:26–27)

12 ¹ Hamá wahdá, hazárán mardom mocch but o yakdomiá gwarmósh dayán o lapáshán at. Issáyá pésará dém gón moridán tarrént, wati gapp o tráni bongéj kort o gwashti: “Cha Parisiáni homirá ke riákári o dotal o dopóstiaty homir ent, watá dur bedárét, ² chiá ke hech chérén káré nést ke záher o paddar mabit o choshén andém o panáhén chizé nést ke áshkár o démdará mabit. ³ Paméshká, har habaré ke shomá shapay taháriá kortag, róchay rozhnáíi eshkonaga bit o har habaré ke shomá dapbandén lógáni tahá pa halwat kortag, cha lóg o bánáni sará jár janaga bit.

Matorsét

(Mattá 10:19–20, 28–33; 12:32)

⁴ “Oo mani dóstán! Shomárá gwashán ke cha mardomán matorsét. Á shomay jesm o jáná koshta kanant, bale cha eshiá géshter hecc horta nakanant. ⁵ Man shomárá kaddhana kanán o gwashán ke cha kayá betorsét. Cha hamáiá betorsét ke koshta kant o koshagá rand tahtaruná dawr dayagay wáki ham hast. Haw! Man shomárá gwashán ke cha hamáiá betorsét. ⁶ Panch jenjeshk pa do paysahá^s bahá nabit? Bale Hodá cha áyán yakkéá ham békayála nabit. ⁷ Hodáyá shomay saray mudáni hesáb ham gón ent, gorhá matorsét chiá ke shomay kadr o arzesh cha sajjahén jenjeshkán géshter ent.

⁸ “Man shomárá gwashán ke harkas mardománi démá maná bemannit, Ensánay Chokk Hodáy préshtagáni démá áiá mannit. ⁹ Bale harkas mardománi démá maná mamannit, man ham Hodáy préshtagáni démá áiá namannán. ¹⁰ Hamé dhawlá, agan kasé Ensánay Chokkay helápá harbar bekant pahell kanaga bit, bale harkas Hodáy Pákén Ruhay sará kopr bekant, á bakhshaqá nabit.

¹¹ “Mardom shomárá gerant o kanisahána barant o hákem o hokumatáni démá pésha kanant. Á wahdá, pa wati démpániá^t paréshán mabét ke ché begwashét, ¹² chiá ke Pákén Ruh shomárá hamá wahdá wat sója dant ke ché begwashét.”

Nádánén zemindáray mesál

¹³ Cha mardománi mocchiá, yakkéá gón áiá gwasht: “Oo ostád! Mani brátá begwash ke cha petay mirásá mani bahrá begisshénit o bedant.” ¹⁴ Issáyá passaw dát: “Oo mard! Kaséá maná shomay mirásay bahr kanók nakortag.” ¹⁵ Gorhá gón mardomán gwashti: “Hozzhár bét! Watá cha har dhawlén tamah o lálechá dur bedárét, chiá ke mál o dawlatay zyádahi ensánay zenday maksad o morád naent.”

^r11:46 Mórdánag, bezán lankok, band o bóg.

^s12:6 Asligén Yunáni nebeshtánk gwasht: “do asariun.” Asariun á zamánagá kamnehádén zarré at.

^t12:11 Démpáni, bezán wati rakkénagay johd, Arabi o Pársiá “défá”.

¹⁶ Áiá yak mesálé dát o gwashti: “Yak hastómandén zemindáre hastat ke áiá cha wati dhagár o keshárán bázén dahl o rasadé raset. ¹⁷ Nun wati delá pegri kort ke: ‘Ché bekanán? Maná pa esháni ambár kanagá jágh nést.’ ¹⁸ Gorhá gón wat gwashti: ‘Nun zánton ché bekanán. Wati ambárana karóján o harába kanán o esháni jághá masterén ambára bandán o sajjahén dán o málán hamódá ambára kanán.’ ¹⁹ Padá gón wata gwashán: “Taw pa bázén sálán mazanén málé mocch kortag. Nun ásudag bebay, wassh bwár o benósh o shádehi kan!” ²⁰ Bale Hodáyá gwasht: ‘Oo nádán! Enshapi tai sáh cha taw geraga bit, gorhá tai é mocch kortagén mál o melkat kaiga bant?’

²¹ “Esh ent á mardomay ásar o ákebat ke pa wat mál ambára kant bale Hodáy gwará hastómand naent.”

Asudagén zend

(Mattá 6:25–33)

²² Issáyá gón wati moridán gwasht: “Paméshká shomárá gwashán ke pa wati zendá paréshán o deltaparkah mabét ke ‘Ché bwarén?’ na pa wati jesm o jáná ke ‘Ché bepóshén?’ ²³ chiá ke zend, cha waráká o jesm o ján, cha pósháká géshtera karzit. ²⁴ Gwarágán bechárét, na keshant o na ronant o na káhdán o ambáresh hast. Bale angat Hodá áyán róziga dant. Shomay arzesh o kimmat cha morgán báz géshter ent. ²⁵ Kasé gón pegr o hayáláni zórá wati zenday róchán sáhaté ham gésh korta kant?^u ²⁶ Agan shomá inchokén kasánén káré korta nakanét, gorhá chiá zenday dega chizáni bárawá pegra kanét?

^{27–28} “Oo kambáwarán! Gol o polláni némagá delgósh kanét ke chón rost o rodóma kanant. Na zahmaté kasshant o na résant o gwapant, bale man shomárá gwashán ke Solaymán bádhsháhá gón wati mazanén shán o shawkatá, hechbar choshén dhawldárén póshák gwará nabutag, chosh ke é poll zébá o brahdár ant. Wahdé Hodá gyábánay káhán ke maróchi hastant o bánda taruná sóchaga bant, é dhawlá zébá o brahdára kant, gorhá shomárá che paymá sharterén pósháka nadant? ²⁹ Paméshká pa ward o warákay shóházá watá delysáh makanét. ³⁰ Donyáay sajjahén Hodáyáwarén mardom é chizáni randá tachant, bale shomay ásmáni Peta zánt ke shomárá é chiz pakár ant. ³¹ Shomá Hodáy bádhsháhiai shóházá bebét, é sajjahén wat shomárá dayaga bant.

³² “Oo mani kasánok romb o thóli! Matorsét chiá ke shomay ásmáni Petay razá o wáhag hamesh ent ke bádhsháhiai shomárá bedant. ³³ Wati mál o melkatá bahá kanét o nézgáráni sará bahr kanét. Pa wat anchén zarturag addh bekanét ke hechbar kwahn mabant, nahallagi o abadmánén ásmáni ganjé ambár kanét ke na dozz áiá bárt o na warók o raméz^v áiá wárt. ³⁴ Shomay del hamá jáhá rawt ke mál hamódá ent.

Pa Issáy per tarragá tayár bebét

(Mattá 24:42–51)

³⁵ “Lánká bebandét o wati cherágá rók o rozhnág bedárét. ³⁶ Hamá hezmatkár o dazbjóni paymá bebét ke rahchár ant áyáni hodábond kadén cha sur o árosay shádehián pera tarrit o anchosh ke kayt o darwázagá thokkit, á darwázagá pacha kanant. ³⁷ Bahtáwar ant hamá hezmatkár ke áyáni hodábonda kayt o gendit ágáh o hozzhár ant. Báwar kanét hodábond wat pa áyáni hezmatá lánka bandít, áyána nendárénit o warag démá dant. ³⁸ Bahtáwar ant hamá hezmatkár agan áyáni wájah shapay domi yá saymi pásá byayt, begendit ke ágáh ant. ³⁹ Shomá sharra zánét, agan lógay hodábondá bezántén dozz kojám wahdá kayt, gorhá áiá hechbar dozz wati lóngá pa dozzia naeshtagat. ⁴⁰ Hamé paymá tayár bebét, chiá ke Ensánay Chokk anchén wahdédá kayt ke shomá áiay entezár o wadárá nabéit.”

⁴¹ Petrosá gwasht: “Oo Hodáwand! É mesál taw pa má áwort yá pa sajjahénán?” ⁴² Hodáwandén Issáyá gwasht: “Wapádár o shiwárén kármaster hamá ent ke hodábond áiá wati é dega sajjahén hezmatkárani master bekant tán áyán pa wahd ward o warák bedant. ⁴³ Bahtáwar ent hamá hezmatkár ke wahdé hodábonda kayt, áiá hamá káráni sará gendit. ⁴⁴ Shomárá rásténa gwashán, hodábond hamá hezmatkárá wati sajjahén mál o hastiay kármastera kant.

⁴⁵ “Bale agan hamá kármaster wati delá begwashit: ‘Angat mani hodábonday áyagá báz wahd hast’ o paméshká warag o charagá malár o hanósh bebit o wati hamkárén golám o móledán latth o

^u12:25 Yá: wati báládá yak dasté borzter korta kant.

^v12:33 Warók o raméz, bezán gwandhén kerm o lulok ke dár o poccha wárt.